
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



BP

75

.22

.B26L53

1854

c.1

Gen

75

Chicago ordered
Mr.



LIFE
OF
MUHAMMAD;

FOUNDED ON ARABIC AUTHORITIES.



মহম্মদের

জীবনচরিত্র ।

CALCUTTA :

PRINTED AT THE SATYARNABA PRESS, SOUTH ROAD
INITALLY, FOR THE CALCUTTA CHRISTIAN
TRACT AND BOOK SOCIETY.

1854.



See list

ভূমিকা ।



ইব্রীয় ভাষাতে “আরব” শব্দের অর্থ প্রান্তর; উক্ত নাম আরব দেশের উপযুক্ত বটে, যেহেতুক তাহার বালুকাময় স্থান সাগরের ন্যায় দেখায়।

ধর্ম পুস্তকে লিখিত আছে, যে আরব দেশের পূর্বেত্তর দিগে অরাম নহরিয়ম দেশে ফরাৎ নদীর সমীপে এদন নামে এক উদ্যান ছিল; আরব দেশের উত্তরভাগে আয়ুব নামক ভূম্যধিকারী বাস করিতেন, তিনি শয়তানহইতে বহু যন্ত্রণা ভোগ করিয়াছিলেন; আরব দেশের পশ্চিমাংশে মুসা ও যিহুদীয় লোকেরা ৪০ বর্ষ পর্যন্ত পর্যটন করিয়াছিলেন; তাহার দক্ষিণ ভাগে শিবা দেশের রাণী বাস করিতেন, তিনি জ্ঞান লাভের জন্যে তথাহইতে যিরূশালম নগরে স্বলেমানের নিকট গমন করিয়াছিলেন; এবং পৌল খ্রীষ্টধর্মাবলম্বী হইয়া আরব দেশে তিন বৎসর পর্যন্ত বাস করিয়াছিলেন। ইদোমের পশুপাল ও শিবির এবং কেদরের ও নিবায়োভের মেঘগণ আরব দেশে ছিল, ইহা ধর্মপুস্তকে লিখিত আছে * । বিশািয়্য ভবিষ্যৎ-দ্রষ্টার গ্রন্থে ঐ দেশের বিষয়ে অনেক দৃষ্টান্ত পাওয়া যায়।

বঙ্গ দেশে অনেক ২ নদী আছে, কিন্তু আরব দেশে একটাও নদী নাই, প্রায় সর্বস্থলে বালুকাময় প্রান্তর সাগরস্বরূপ দেখায়। তথাকার মরুভূমি ৪০০ ফ্রোশ বিস্তৃত। ইহার বালুকা সকল বায়ুদ্বারা তরঙ্গের ন্যায় চালিত হয়; এবং শ্রবল ঝড়ের সময়ে তথায় যাত্রি লোকেরা বালুকাবৃত হইয়া মরিয়া যায়।

আরব দেশের বৃক্ষ ও জন্তুর ইতিহাসে নানা সম্ভোষণক উপাখ্যান পাওয়া যায়। ঐ দেশে প্রথমতঃ কাওয়া বৃক্ষ প্রকাশ পায়; আর দ্রুতগামি ঘোটক সকল পাওয়া যায়। কথিত আছে, তাহাদের মধ্যে কোন ২ ঘোটক ২।।০ পলের মধ্যে অর্ধ-ফ্রোশ পথ গমন করিতে পারে; ঐ অশ্বদের কর্তা তাহাদের প্রতি বন্ধুর ন্যায় ব্যবহার করিয়া থাকে। আরব দেশে অনেক উষ্ট্রও আছে, তাহাদিগকে প্রান্তরের নৌকা কহা যায়; তাহাদের পদতলে অতি কোমল মাংসপিণ্ড থাকে, একারণ তাহারা বালুকাময় স্থানে অনায়াসে গমন করিতে পারে; এবং তাহাদের উদরে চারি খলী আছে; উষ্ট্রগণ অনেক জল পান করিয়া সেই খলীর মধ্যে রাখে, একারণ মরুভূমিতে জল খাইতে না পাইলেও তাহারা অকাতরে অনেক দিন থাকিতে পারে।

অসত্য ও অনুরূপা আরব দেশহইতে মুসলমান লোকেরা যাইয়া আফ্রিকা দেশের উত্তরাংশ জয় করিয়াছিল; তাহাদের নাম সারাসেন, অর্থাৎ প্রান্তরবাসী। সে দেশে পূর্বে ৩০০ খ্রীষ্টিয়ান মণ্ডলী ছিল। পরে সারাসেন লোকেরা ৬০০ বর্ষাবধি ইস্পানিয়া দেশে রাজত্ব করিয়াছিল। আরও তাহারা স্তাম্বুল নগর, ভারতবর্ষ, পারস্য, তাতার দেশ, ইত্যাদি আশিয়া খণ্ডের

তিন অংশ জয় করিল। তাহাদের রাজ্য খস্র ও সেকন্দর বাদশাহের রাজ্যের তুল্য ছিল। সারাসেনদিগের অধিকারে এক আশ্চর্য্য রীতি ছিল, অর্থাৎ ক্রীত দাসগণ সিংহাসনারোহণ করিত, ও চোরেরা বিচারক হইত, এবং মেমপালক ও বণিক লোকেরা রাজার বা সেনাপতির পদে নিযুক্ত হইত। ঐ সারাসেনেরা বিদ্বান লোকদিগকে যত্রপ সমাদর পূর্ব্বক প্রতিপালন করিত, তত্রপ প্রায় কোন জাতির মধ্যে কেহ কখন করে নাই।

প্রথম অধ্যায়।

আরব দেশের স্থানাদির বৃত্তান্ত।

এই দেশের বিষয় প্রথম রাজাবলির ১০ অধ্যায়ের ১৫ পদে, ও যিরিমিয়ের ২৫ অধ্যায়ের ২৪ পদে লিখিত আছে।

আরব দেশের আকার প্রায় ত্রিকোণ। ইহার বিস্তার নীল নদীর পূর্ব্বমুখহইতে ফরাৎ নদী পর্য্যন্ত ৫০০ ক্রোশ, ও দীর্ঘতা আদন নগরহইতে পালমীরা পর্য্যন্ত ৭৫০ ক্রোশ। আশিয়া দেশের মধ্যে ভারতবর্ষ বর্ম্মা এবং আরব, এই তিন মহা প্রায়দ্বীপ আছে। আরব প্রায়দ্বীপ দক্ষিণাংশে চোঁড়া, কিন্তু অন্য দুই প্রায়দ্বীপ সেই মত নহে। আরব প্রায়দ্বীপ সমুদ্র-দ্বারা তিন পার্শ্বে বেষ্টিত, এই হেতু তাহার কোন ২ স্থল স্পর্শীতল এবং ভূমি উর্ব্বরা, কিন্তু অন্য স্থান সকল “গর্ত্তময় ও নির্জল ও মৃত্যুচ্ছায়াস্বরূপ”। যিরিমিয় ২। ৬। প্রান্তরের মধ্যে কোন ২ স্থান দ্বীপের ন্যায় সরস ও উর্ব্বরা, তাহা ওআসিস নামে খ্যাত। সেই স্থানে অনেক খজুর বৃক্ষ জন্মে।

ঐ সকল বৃক্ষ মেঘপালকদিগকে আহ্বার * দেয়, এবং তাহারা সেই বৃক্ষের ছায়ায় আপনাদের মেঘগণ চরায় ।

আরব দেশের নানা স্থানে বৃহৎ ২ কূপ † আছে, তাহা এক শত হস্ত গভীর। পথিকেরা গমন কালীন তাহার নিকট জল পানার্থ উপস্থিত হইয়া অনেক বিশ্রাম স্থান পায় । আরব দেশে এই সকল না থাকিলে পথিক লোকেরা প্রাস্তর দিয়া যাইতে ২ প্রাণত্যাগ করিত। আরও তাহারা ঐ কূপ দর্শন পূর্বক নিজ ২ পথ ও স্থান জানিতে পারে। সে সকল কূপ অতি প্রয়োজনীয়, কারণ তদ্দেশে কখন ২ তিন বর্ষ পর্য্যন্ত বৃষ্টি হয় ‡ না, কিন্তু কোন ২ স্থলে পর্কতের উচ্চতা হেতুক বাষ্প আকর্ষিত হইলে বৃষ্টি পড়ে। আদন দেশের পশ্চিমদিগে জুন মাসাবধি সেপ্টেম্বর মাস পর্য্যন্ত, ও পূর্বদিগে নোবেম্বর মাসাবধি ফেব্রুয়ারি মাস পর্য্যন্ত, ও ওমান দেশে ফেব্রুয়ারি মাসাবধি মার্চ মাস পর্য্যন্ত কেবল বায়ুর গতির অনুসারে নিয়মিত বর্ষণ হয় ।

ঐ স্থানে অধিক মরীচিকা হয়, তাহাতে পশ্চিমগণকেও উষ্ট্রের ন্যায় বড় দেখায়, এবং সকল স্কুদ্র ২ দ্রব্য বড় বোধ হয়। পথিক লোকেরা ভূষিত হইয়া মরীচিকার প্রতি জল ভ্রমে শীঘ্র গমন করে; কিন্তু সেখানে কেবল বালুকাময় স্থান দেখিয়া হতাশ পূর্বক প্রাণ ত্যাগ করে। মহম্মদ কোরাণে নাস্তিক লোকের কর্ম মরীচিকার সমান করিয়া লিখিয়াছেন।

* যিশায়ির ৩১ অধ্যায় ২০ পদ।

† আদি. পু. ২৩ অধ্যায়ে কূপের বিবরণ দেখ।

‡ যিরিমির ২ অ ৩ পদ।

রাজপুতানার পশ্চিম দেশ নিবাসিরা প্রান্তরে অনেকবার এই রূপ মরীচিকা * দেখিতে পায়।

আরব দেশের দক্ষিণে এক মহাপ্রান্তর আছে; সে ৩০০ ক্রোশ দীর্ঘ এবং ঐ পরিমাণে চৌড়া; ইহাতে কোন কুপ নাই। সেই প্রান্তরে সিমুম নামে প্রাণ নাশক এক বিশেষ বায়ু কখন ২ বহে, তাহাতে অনেক বালুকা আকাশে উড়িলে যাত্রি লোক ও উষ্ট্রাদি পশুদের নিশ্বাস বন্ধ হইয়া প্রাণ বিয়োগ হয়, এই ভয়ে তাহারা তৎকালে বালুকাতে মস্তক নত করিয়া রাখে, তাহা করিলে রক্ষা পায়। যখন সিমুম বায়ু বহে তখন শরীরের চর্ম শুষ্ক হয়, ও সূর্যের কিরণ নীলবর্ণ দেখায়, আর মশকে জল থাকিলে তাহা একেবারে শুকিয়া যায়। বজ্রাঘাতে হৃত লোকের শরীর যে রূপ শীঘ্র পচিয়া যায়, সিমুম বায়ুতেও সেই রূপ হয়। মন্সুন নামক যে বায়ু ছয় মাস দক্ষিণ দিগে ও ছয় মাস উত্তর দিগে অন্যত্র বহে, সে ঐ প্রান্তরে নাই; এবং যাহাতে বৃষ্টি ও শিশির পতিত হয় এমন উচ্চ কোন পর্বতশ্রেণীও নাই, একারণ সে দেশ অতিশয় উষ্ণ।

সমুদ্রের নিকটবর্তী তেহামা নামক ২০ ক্রোশ চৌড়া এক বালুকাময় স্থান আছে। ঐ প্রদেশ বঙ্গ দেশের ন্যায় পূর্বে সমুদ্রের মধ্যে ছিল, পরে ক্রমে ২ জলহইতে নির্গত হইল; যেমন ২০ বৎসর হইল কলিকাতার কিল্লার মধ্যে বঙ্গদ্বারা ভূমি খনন করিলে ২০০ হস্তের নামোহইতে কচ্ছপ ও অন্যান্য জলজন্তুর অস্থি উঠিয়াছিল, তেমনি সেখানকার যুক্তিকা খনন কালে অনেক সমুদ্রজ বস্তু পাওয়া যায়। তেহামাতে

* ফিশাফির ৩৫। ৩, ৭, পদ।

অনেক লবণময় উপগিরি আছে। ঐ স্থানের বালুকা বায়ুদ্বারা উড়িয়া সমুদ্রে পড়ে, আর জলের মধ্যে যে প্রবাল অর্থাৎ পলা আছে, তাহাতে বালুকা বদ্ধ হওয়াতে এই দেশ ক্রমে ২ বৃদ্ধি পাইয়াছে ।

য়েমেন প্রদেশে প্রথমে যজ্ঞন নামে প্রসিদ্ধ এক জন বাস করেন । এই দেশের নিকটস্থ সমুদ্রতটের নিম্ন স্থানে কোন শস্তাদি জন্মে না, কিন্তু তাহার উচ্চ প্রদেশে বৃষ্টিদ্বারা ক্ষুদ্র জল স্রোত নির্গত হইলে তথাকার ভূমি সকল উর্বর হয় । য়েমেনের মধ্যে প্রধান তিন নগর আদন, সানা ও মোখা । আদন নগর আগ্নেয় পর্বতের গহ্বরের মধ্যে নির্মিত আছে; ঐ পর্বতে পূর্বে অগ্নি থাকিত, কিন্তু এক্ষণে নাই । সানা নগর য়েমেন প্রদেশের রাজধানী; তত্রস্থ লোক সকলে অন্য দেশজ কুন্দুর নামক স্বগন্ধ দ্রব্য ব্যবহার করিত । মোখা নগরের নিকটে কাওয়া গাছ জন্মে, একারণ সেই স্থান অতি বিখ্যাত আছে । ইহার ২০০০ বৎসর পূর্বে ঐ দেশে ইক্ষু জন্মিত । পূর্বকালে তথাকার এক জন রাজা পর্বতের নিম্ন ভাগের পার্শ্ব সকল বদ্ধ করিয়া অনেক বৃহৎ পুষ্করিণী করিয়াছিলেন ।

হাদ্রামৎ প্রদেশের বিবয় আদি পুস্তকের ১০ অধ্যায়ের ২৬ পদে লিখিত আছে । এই দেশে কুন্দুর বৃক্ষ জন্মে । তথায় শিবা নামে এক নগরী আছে, তাহার রাণী বিদ্যা উপার্জননের নিমিত্ত যিকশালম্ নগরে স্বলেমান রাজার নিকটে গমন করিয়াছিলেন । পূর্বে আসুব ও নোহ যে ধর্ম গ্রহণ করিয়াছিলেন, সেই ধর্ম যজ্ঞানের পুত্র এবং কর্তৃক এই দেশে প্রকাশিত হইয়াছিল, এবং যিহুদীয় ধর্মও এখানে প্রচারিত ছিল ।

ওমান প্রদেশ পারস্য উপসাগরের নিকট। ইহার লোকেরা সীসা বাণিজ্য বিষয়ে বিখ্যাত ছিল। মস্কট নামে নগর এই প্রদেশের রাজধানী। ঐ স্থানের পর্বত সকল অতি উচ্চ, তদ্বারা শিশির ও বৃষ্টি বহু হওয়াতে বায়ু অতি শীতল হয়; এবং পর্বতের উপরহইতে বৃষ্টির জল নির্গমন কালে ক্ষুদ্র ২ স্রোত সকল মৃত্তিকাকে সঙ্গে লইয়া আইসে, তাহাতে উপত্যকা ক্রমে ২ উচ্চ হইয়া উঠিয়াছে। সেই স্থানে অনেক শস্যাদি জন্মে। ওমান দেশ পারস্য উপসাগরের নিকটবর্তী, এজন্য তাহাতে অনেক মৎস্য জন্মে, আর তদ্বারা ভূমি তেজস্কর হয়।

এল্‌হাসা প্রদেশও ঐ উপসাগরের নিকটবর্তী। এই স্থানের কুপ সকল ন্যূনাধিক ১০০ হাত গভীর, এবং তদুপরে অতি উত্তম মরুমর প্রস্তরের স্তম্ভ ও ছাত সকল নির্মিত হইয়াছে। এল্‌হাসার মধ্যে অতি অল্প গ্রাম আছে, কিন্তু ঐ সকল গ্রামে তাল বৃক্ষ অনেক জন্মে, একারণ অধিক দূরহইতেও তাহা জানা যায়। সেখানে বায়ু চালিত বালুকাতে অনেক হানি হয়; আর মেঘের জল ব্যতীত তন্নিবাসিদের অন্য কোন জলের উপায় নাই।

নেজ্‌দ প্রদেশ মহাপ্রান্তরের মধ্যে আছে। এ দেশে স্তম্ভর-বনের ন্যায় পূর্বে অনেক লোক বাস করিত, ইহা পূর্বকালের অট্টালিকাদির অবশিষ্ট অংশ দেখিয়া অনুমান হইতেছে। নেজ্‌দে অনেক উত্তম ঘোটক ও উষ্ট্র জন্মে, একারণ তাহাকে উষ্ট্র-মাতা বলা যায়।

সীনয় প্রায়দ্বীপ অতি পাবাগময়, এ প্রযুক্ত কেহ ২ তাহাকে পাথরীয় আরব বলে। এই দেশের মধ্যে ঋতী মৃত্তিকায় নির্মিত এবং ২০০০ হস্ত উচ্চ হোর নামে এক পর্বত আছে।

এই পর্বতের শৃঙ্খতে হারোগ মরিয়্যাহিলেন, ইহা গণনা পুস্তকের ২০ অধ্যায়ের ২৮ পদে লিখিত আছে। সীনয় নামে অতি উচ্চ এক পর্বত আছে; তাহাতে কাহারও বাস ছিল না। এই পর্বতে থাকিয়া মুসা ঈশ্বরের সকল ব্যবস্থা প্রকাশ করেন। সীনয়ে অনেক বৃহৎ২ প্রস্তর আছে, তাহাতে বায়ু রুদ্ধ হইলে এবং সূর্য্য কিরণ অতিশয় লাগিলে তাহার উচ্চতাতে সমস্ত দেশ উত্তপ্ত হয়। ইহার নিম্ন প্রদেশে কখন২ দুই তিন বৎসর পর্য্যন্ত বৃষ্টি হয় না, কারণ উচ্চ পর্বত সকল মেঘ ও শিশিরকে আকর্ষণ করিয়া রাখে। ভবিষ্যৎজ্ঞা এলিয় ইষেবল্ রাণীর নিকটহইতে পলায়ন করিয়া উক্ত হোর পর্বতে আসিয়া বাস করিলেন। ১ রাজাবলির ১৯ অ।

ইদোম প্রদেশের বিষয় বিশায়িয়ের ৩৪ অধ্যায়ের ৫ পদ-হইতে ১৭ পদ পর্য্যন্ত, ও ষিরিমিয়ের ৪৯ অধ্যায়ের ৭ পদহইতে ২২ পদ পর্য্যন্ত, ও বিলাপ নামক গ্রন্থের ৪ অধ্যায়ের ২১ পদ, ও যিহিঙ্কেলের ২৫ অধ্যায়ের ১৫ পদ, ও যোয়েলের ৩ অধ্যায়ের ১৯ পদ, ও আমোসের ১ অধ্যায়ের ৬ পদহইতে ১১ পদ পর্য্যন্ত, ও আয়ুবের ১ অধ্যায়ের ১ পদহইতে ১৯ পদ পর্য্যন্ত, এবং মলাকির ১ অধ্যায়ের ৪ পদে নির্দিষ্ট আছে। এই দেশে পূর্বে হিব্রীয় ও হিত্তীয় মিদিয়ন অমালেক ও হাজিরীয় জাতিরা বাস করিত; এই সকল জাতি ইব্রাহীমহইতে উৎপন্ন হইয়াছিল। ইহাতে তদ্মোর বা পালমীরা নামে এক প্রসিদ্ধ নগর আছে। দ্বিতীয় বংশাবলির ৮ অধ্যায়ের ৪ পদে তাহার নাম উল্লেখিত আছে। এই নগর পূর্বে রোম নগরের সমান ছিল। যেনোবিয়া নামে ইহার রাণী বিদ্যাতে বিশেষ উৎসুকা ছিলেন, এ

কারণ তিনি বুদ্ধিমান ব্যক্তিদিগকে সমাদর পূর্বক প্রতিপালন করিতেন।

যেমত ভারতবর্ষের মধ্যে দিল্লী ও পৌড় নগরে নানা অট্টালিকাদির অবশিষ্ট চিহ্ন আছে, তেমনি এই দেশে রোমীয় লোক কর্তৃক নির্মিত প্রাচীন রাজপথের এবং অনেক অট্টালিকার ও বিবিধ মন্দিরের ভগ্ন অংশ সকল অদ্যাপি দেখা যায়। এ দেশে আমালেকীয় বংশজ উক্তা যেনোবিয়া রানী ছিলেন। তিনি স্বদেশীয় আরব ভাষার প্রতি তাজ্জল্য করিয়া নিজ রাজধানীতে অন্য দেশীয় গ্রীক ভাষা প্রচলিত করিয়াছিলেন, তাহাতে প্রাক্তরীয় অসত্য লোকদিগের বাক্যলাপস্বারা আর কোন উপকারের সম্ভাবনা ছিল না।

যে রূপ বেহারে ও ভারতবর্ষের পশ্চিম অঞ্চলে গর্তের মধ্যে অনেক মন্দির এবং প্রস্তরময় অট্টালিকা আছে, তদ্রূপ ইদোম দেশের পেত্রা নগরেও প্রস্তরখোদিত অনেক মন্দির দেখা যায়। পেত্রা নগর যিহূদা দেশের দ্বারস্বরূপ ছিল। যে বনিক লোকেরা যুষ্ককে ক্রয় করিয়া মিসর দেশে লইয়া গিয়াছিল, বোধ হয় তাহারা এই নগরবাসি লোক। পেত্রা ৪০০ হস্ত উচ্চ পর্বতদ্বারা বেষ্টিত; নগরে গমনাগমনের পথ মধ্যে দুই জন অশ্বারোহী এক কালীন বাইতে পারে এমনত এক পর্বত রক্ষ ছিল। এক্ষণে এই নগর শ্যামবর্ণ প্রস্তরের চূর্ণ মিশ্রিত বালুকায় বেষ্টিত হইয়াছে। ঐ স্থানে বায়ুর গমন বিশেষ রূপে নাই; স্ততরাং সূর্য্য কিরণদ্বারা তাহার চতুর্দিক প্রতপ্ত হওয়াতে সে অতিশয় উষ্ণ হয়। ভারতবর্ষীয় বনিকেরা স্থল পথে বাইয়া পূর্বে পেত্রা নগরে অনেক ব্যবসায়াদি করিত।

এক্ষণে তাহারা জলপথে সূক সমুদ্রে দিয়া যায়, তাহাতে পেত্রা নগরে যাতায়াত না করাতে সে মরুভূমি হইয়াছে।

পারস্য হ্রদ ৭০ ক্রোশ বিস্তৃত। ইহার মধ্যে বারইন নামে কতক দ্বীপ আছে। লক্ষা দ্বীপে যে রূপ মুক্তা পাওয়া যায়, সেই রূপ তাহাতেও প্রাপ্ত হয়। এই স্থানে উক্ত হ্রদের লবণাক্ত জলের নীচুহইতে অলবণ জল পাওয়া যায়।

সূক সাগর ৬০০ ক্রোশ দীর্ঘ, এবং ৬০ ক্রোশ বিস্তৃত। ইহাতে কোন নদ নদী পতিত হয় না, কারণ ইহার তীরের নিকটে অনেক পর্কত হইলেও বৃষ্টির জল ঐ পর্কত সকলহইতে ধর প্রবাহে আসিয়া বালুকায় লীন হয়, কিম্বা স্তম্ভিকাকে আর্দ্র করিয়া শুষ্ক হয়। ইহার মধ্যে পূর্বে অনেক অগ্নিময় পর্কত ছিল, এক্ষণে সেই সকল পর্কত দ্বীপ হইয়াছে। এই সাগরের জলে সমুদ্রস্থ বৃক্ষের ন্যায় প্রবাল জন্মে, এবং ক্রমশঃ বৃদ্ধি পায়, একারণ ইহার নাম সূক অর্থাৎ ক্ষুদ্র তৃণবিশিষ্ট সাগর। ইহার অন্য এক নাম রক্তবর্ণ সাগর, কারণ এষাে নামক ব্যক্তিহইতে উৎপন্ন ইদোমীয় লোকেরা ইহার নিকটে বাস করিত, এবং এষাের লোম সকল রক্ত বর্ণ ছিল, ইহাতেই রক্ত সাগর নাম হয়। এ সমুদ্রে অনেক ক্ষুদ্র ২ কীট থাকে, তাহাতে ইহার জল রাত্রিকালে হীরাবলির ন্যায় উজ্জ্বল হয়।

আরবীয় লোকেরা প্রাস্তরে বাস করিতে ভাল বাসে। সে দেশের নগর সকল ক্ষুদ্র; ইহার মধ্যে যে ৬ প্রধান নগর আছে, তাহাদের লোকসংখ্যা একত্র করিলে কলিকাতার অর্ধেক হইবে। সমুদ্রয় আরব দেশের লোকসংখ্যা বঙ্গ দেশের

পঞ্চমাংশ মাত্র হইবে, কিন্তু ইহারা অল্প সংখ্যা হইলেও অনেক দেশ জয় করিয়াছিল, এবং ইউরপীয় লোকেরা ইহাদেরহইতে কতক শত বৎসরাবধি ভীত ছিল।

মক্কা নগরে ২০,০০০ বিংশতি সহস্র লোক বাস করে। হিন্দুদিগের পক্ষে যেরূপ কাশী, মুসলমান লোকদিগের সেই রূপ মক্কা; অনেক ভিক্ষুক সেখানে বাস করিয়া অনায়াসে কাল ক্ষেপ করে, একারণ মক্কাকে ভিক্ষুকদিগের স্বর্গ বলে। যে রূপ যিকুদীয় লোকেরা ইব্রাহীমহইতে উৎপত্তি হেতুক অহঙ্কারী হয়, তদ্রূপ “আমাদের নগরে মহম্মদ জন্ম গ্রহণ করিয়াছিলেন” বলিয়া মক্কাবাসিরা অহঙ্কার করে। মহম্মদ মদ্যপান করিতে নিষেধ করিয়াছেন, কিন্তু এক্ষণে কাবা মন্দিরের দ্বারেও পানার্থ মাদক দ্রব্য ক্রয় করিতে পাওয়া যায়; ফলতঃ সে স্থানের মুসলমানেরা ডালচিনি মিশ্রিত করিয়া তাড়ী পান করে, তাহাতে কেহ নিষেধ করিলে তাহারা কহে, আমরা ডালচিনি মিশ্রিত বৃক্ষের রস পান করি, ইহাতে মদ্যপান কী প্রকারে হইতে পারে? এ নগরের সকল লোক তীর্থযাত্রীদের নিকটে দ্রব্যাদি বিক্রয় করে। প্রতি মস্জীদে এক ২ পাঠশালা আছে, তদভিন্ন অন্য পাঠশালা নাই। মক্কাতে কোন পুস্তকালয়ও নাই। সেই স্থানে গ্রীস বর্মা পারস্য ভারতবর্ষ ও মলাকা ইত্যাদি দেশহইতে ৭০,০০০ সত্তর সহস্র তীর্থযাত্রিরা বৎসরান্তর আসিয়া থাকে। তাহারা চল্লিশ প্রকার ভাষা বলে, এবং কাশীর তীর্থ যাত্রিকদের ন্যায় বড় মন্দ ব্যবহার করে।

মদীনা নগরে ২০,০০০ লোক আছে, তাহাদের মধ্যে মহম্মদের বংশ এক্ষণে অতি অল্প। ঐ নগরে মহম্মদের কবর থাকাতে

তদ্বর্ণনার্থ অনেক ষাট্রিক লোক সেই স্থানে গমন করে। মুসলমান লোকেরা বিশ্বাস করে যে জগতের শেষে তৃতীয় তুরান্থানি হইলে বীণ্ড খ্রীষ্ট স্বর্গহইতে অবরোধন করিয়া মরিবেন, এবং অতি অল্প কালের নিমিত্ত মহম্মদের কবর মধ্যে অবস্থিতি করিবেন, তৎপরে উভয়ে একত্র স্বর্গারোধন করিবেন। তাহারা ইহাও বিশ্বাস করে, যে লোকেরা এই নগরের প্রধান মসজীদে দুই দিন বাস করে, তাহাদের আর নরক যজ্ঞণা ভোগ করিতে হইবে না।

যিহুদীয় লোকেরা সূয়েজ নগরের দুই জোশ দক্ষিণে সূক সাগর পার হইয়াছিল। পূর্বে সূক সাগর সূয়েজ নগরের উত্তর দিগ দিয়া ভূমধ্যস্থ সাগরের সহিত মিলিত ছিল।

দ্বিতীয় অধ্যায়।

আরব দেশীয় পশু ও মনুষ্যাদির বিষয়।

এই দেশের পশুগণের মধ্যে ঘোটক প্রধান; হইার উৎকৃষ্টতার বিষয় আয়ুব পুস্তকে বিশেষ রূপে উল্লেখিত আছে। ঐ ঘোটকদের এতদূশ সূক্ষ্মতা যে আরোহির সহিত এক তাম্বুতে বাস করে, এবং আরোহী ঘোটকের প্রতি দাসিবৎ ব্যবহার না করিয়া স্বীয় বন্ধুর ন্যায় ব্যবহার করত পুস্ত্র ভুল্য পালনাদি করে। এ সকল ঘোটকের মধ্যে কোন ২ জাতির বংশাবলী দুই সহস্র বৎসর পর্যন্ত ঐ দেশীয় লোকেরা বর্ণনা করিতে পারে, এবং মহম্মদের সুখবর্জক আশশালার ঘোটকহইতে যে ২ ঘোটক জন্মিয়াছে তাহা চিনিতে পারে। আরব

দেশে একপ উৎকৃষ্ট ষোটক অনেক নাই ; তাহাদের সংখ্যা অল্প প্রযুক্ত প্রত্যেকের মূল্য ১৫০০ টাকা। আরবীয়েরা অশ্বশাবকের সহিত ক্রীড়া করে, আর কখনও ঐ ষোটককে আঘাত করে না। নেজদ দেশীয় লোকেরা অশ্বগণকে মাংস ভোজন করায়।

আরব দেশে অশ্ব অপেক্ষা গর্দভ অধিক কার্যে লাগে, কারণ সে অল্পে প্রান্তরে বাস করিতে পারে, এবং অল্প অশ্ব সামান্য খাদ্য দ্রব্য আহাৰ করিয়া থাকে।

উষ্ট্রগণের শরীর বৃহৎ এবং অল্প মাংস বিশিষ্ট ; তাহারা অম্পাহারী, আর তাহাদের খাদ্য শাক এবং কণ্টকাদি মাত্র। তাহাদের উদরে চারি খলী আছে, তাহাতে তাহারা এক সপ্তাহের পানীয় জল ধারণ করিতে পারে। তাহাদের হাঁটুতে মাংসপিণ্ড থাকে, তদ্বারা তাহারা হাঁটু পাতিবার সময়ে উপকার পায়। তাহাদের পৃষ্ঠে ও স্কন্ধে গোলাকৃতি দুইটা কুঁজ আছে, তাহাতে কোন বস্তু তন্মধ্যে রাখিলে তাহা কোন দিগে পড়িতে পারে না। উষ্ট্রেরা অনেক দিন উপযুক্ত আহাৰ না পাইলেও ঐ দুই কুঁজদ্বারা প্রতিপালিত হয়, অর্থাৎ কুঁজের রস সকল তাহাদের তাবৎ শরীরে ব্যাপ্ত হয়; তেমনি হিমপ্রধান দেশে ভল্লকেরা শীতকালে গর্ভের মধ্যে শয়ন করিয়া থাকে, শীত অতীত হইলে তাহারা তথাহইতে বাহির হয়, অনাহারে কৃশ হইয়াও প্রাণে গরে না। উষ্ট্রগণ নাসিকা রন্ধ্র স্বচ্ছাপূর্বক বিস্তার ও সঙ্কোচ করিতে পারে, তাহাতে উষ্ণ বায়ু ও বাতুলকা তন্মধ্যে প্রবেশ করিতে পারে না।

ভারতবর্ষীয় গৌরুর ন্যায় আরব দেশেব গোজাতির স্কন্ধে মাংসপিণ্ড থাকে।

আরবীয়েরা কুকুরদিগকে অশুচি জ্ঞান করিয়া মদীনা নগরে প্রবেশ করিতে দেয় * না।

নেজ্জদ প্রদেশের পর্বতে অনেক নেকড়িয়া ও কেন্দুয়াব্যান্ড্র এবং বানর থাকে।

আরব দেশে বিস্তর পদ্মপাল আছে; ইহাদিগকে ধর্ম-পুস্তকে উক্ততার কন্যা † বলা যায়। যোহন বাপ্তাইজকের সময়ে লোকেরা যে রূপ পদ্মপাল খাইত, এখনও সেইরূপ তখাকার লোকেরা তাহা খাইয়া থাকে। আরব দেশে অনেক কচ্ছপও পাওয়া যায়। সূক্ষ সাগরের মধ্যে অনেক পাখাবিশিষ্ট মৎস্য আছে; তাহারা জলে থাকিলে বৃহৎ মৎস্যহইতে ও শূন্যে উড়িলে পক্ষিহইতে আপনাদের প্রাণ অতি ক্লেশে রক্ষা করে। ধর্মপুস্তকে অগ্নিবৎ উড়ুড়ীয়মান সর্পের ‡ বিবরণ লিখিত আছে। আরব দেশের প্রান্তরে এমত এক সর্প জাতি আছে, যাহারা পুচ্ছদ্বারা বৃক্ষের এক শাখাহইতে অন্য শাখায় ও মল-হইতে অগ্রভাগে লক্ষ দিতে পারে। এই দেশে উটুপক্ষী ॥ জন্মে; সে জীর্ণ বস্ত্র ও কাষ্ঠ খণ্ড ও লৌহ খণ্ড প্রভৃতি খাইতে পারে, এবং ঘোটকহইতেও অতি শীঘ্র গমন করে।

অনেককাল অবধি আরব দেশে কাওয়া বৃক্ষ হয় বটে; কিন্তু হাবেশ দেশে সে প্রথমে উৎপন্ন হইয়াছিল। কাওয়া পর্বতের চালু ও নিম্নস্থানের চাতালে জন্মে। এই বৃক্ষে কখন ২

• প্রকাশিত ভবিষ্যৎকালের ২২ অধ্যায় ১৫ পদ।

† যোয়েল ২ অ। ৩ প।

‡ গ ২১ অ। ৩ প। দ্বি ৮ অ। ১৫ প।

॥ আম্বুর পুস্তকের ৩৯ অধ্যায়ের ১৩ পদহইতে ১৮ পদ পর্যন্ত।

একই কালে কুল ও কল দেখা যায়। হাবেশ দেশের প্রান্তরে গালা নামে এক জাতি বাস করে, তাহারা ২০।২৫ দিন পর্যন্ত আর কিছু না খাইয়া কেবল কাওয়া কলের গুলি করিয়া গিলিয়া খায়। আরব দেশে কুন্দুরু ও গন্ধরস অনেক পাওয়া যায়। এই দুই স্তম্ভি দ্রব্য পূর্বকালে জ্যোতির্বেত্তারা শিশু খ্রীষ্টকে উৎসর্গ করিয়া দিয়াছিলেন। এই দেশে এরশু তৈল ও কাশ্মিরি বৃক্ষের অনেক আঠা পাওয়া যায়। ইহার নিকটবর্তী মিসর দেশীয় প্রান্তরে অনেক প্রস্তরীভূত বৃক্ষ পাওয়া যায়, তদ্বারা জ্ঞান যায় যে পূর্বে সে স্থানে অনেক লোকের বসতি ছিল।

আরব দেশে প্রকৃত ও সঙ্কর দুই প্রধান জাতি আছে; তন্মধ্যে প্রকৃত জাতি শাম বংশীয় * যজ্ঞনহইতে উৎপন্ন, এবং সঙ্কর জাতি ইস্মায়েলহইতে উৎপন্ন হয়। ইস্মায়েল এক জন ইব্রীয় লোক ছিলেন, কলতঃ তিনি ইব্রাহীমের জ্যেষ্ঠ পুত্র †। আরব দেশীয় কোরেশ জাতিয়েরা ইস্মায়েলের বংশ বলিয়া অহঙ্কার করে। কুশ জাতিয়েরা হাবেশ নামক স্বদেশহইতে অনেক লোককে আরব দেশে বাস করিতে পাঠাইয়াছিল।

বেদুইন জাতিরা স্বাধীনতা প্রিয় জ্ঞান করিয়া শিলাময় পর্বতে ও নির্জ্ঞন স্থানে বাস করিতে ভাল বাসে। তাহারা কহে, পরমেশ্বর অনুগ্রহ করিয়া আমাদিগকে মুকুটের পরিবর্তে পাগড়ি, কিল্লার পরিবর্তে খড়্গ, গৃহের পরিবর্তে তাম্বু,

* আদি ১০ অধ্যায়ের ২৫ পদ।

† ইস্মায়েলের বিষয় আদি পূ. ১৩।১৫, ১৬। আর ১৭।২০। এবং ২১।

১৩—১৮, ও ২৫। ১৩—১৬ ও ১৬ অধ্যায়ের ১২ পদ দেখ।

এবং ব্যবস্থার পরিবর্তে কবিতা, এই চারি প্রধান বস্তু দিয়াছেন। তাহারা ব্যবস্থা মতে না চলিয়া চৌর্য্য কর্ম্মেই কালযাপন করে; আর ভারতবর্ষীয় পশ্চিমাঞ্চলস্থ ঠগ জাতির ন্যায় পশ্চিমদেশের খনলুঠন বৃত্তিকেই সম্ভ্রান্ত কর্ম্ম জ্ঞান করে। ইস্মায়েল স্বপিতা ইব্রাহীমের তাম্বুহইতে বহিষ্কৃত হইয়া প্রান্তরে বেত্বে বাস করিয়াছিলেন, তদ্রূপ তাহারাও আপনাদের কর্তব্য কর্ম্ম বলিয়া সর্বদা প্রান্তরে বাস করে।

বেদুইন লোকেরা অতি যত্ন পূর্ব্বক আতিথেয় ধর্ম্ম প্রতিপালন করিয়া থাকে। যে পশ্চিম লোকেরা একবার তাহাদের লবণ খাইতে পায়, অর্থাৎ তাহাদের সহিত আহার করিতে পারে, তাহারা নির্ভয়ে থাকে। পশ্চিম লোক তাম্বুর নিকটবর্ত্তী হইলে বেদুইনেরা আতিথেয় নিমিত্তে পরস্পর বিবাদ করে। নেজ্জদ দেশীয় লোকেরা পশ্চিমদিগকে অতিথি করিতে প্রবর্ত্ত হইয়া তাহাদিগের মস্তকে ঘৃত ঢালিয়া * দেয়, এবং রাত্রিকালেও পশ্চিম লোকেরা তাহাদিগের বাসা দর্শন করিতে পারে, একারণ তাহারা পর্ব্বত শৃঙ্গের উপরে অগ্নি প্রজ্জ্বলিত করিয়া রাখে। পশ্চিম লোক তিন দিবস পর্য্যন্ত এক স্থানে অতিথি হইয়া থাকিতে পারে, তৎপরে থাকিতে হইলে তাহাকে গৃহের কর্ম্ম সহায়তা করিতে হয়।

আরব দেশের প্রান্তরবাসি বেদুইন জাতির বিষয় অবগত হইলে ধর্ম্মপুস্তকের অনেক স্থানের অর্থ অনায়াসে বুঝিতে পারা যায়। বেদুইন লোকেরা মক্কা, কাহিরা, অথবা আলেপো ইত্যাদি তীর্থস্থানে গমন কালে নগর ও গ্রাম সকলের প্রান্তর্ভাগে

অনাবৃত স্থানে গিয়া থাকে, হৃত্তিকা গৃহে বাস করা অপমানের বিষয় বোধ করে ; ইহার তাৎপর্য্য এই যে তাহাদের স্রাণেশ্রিয় অতিশয় প্রবল, ফলতঃ নগরের মধ্যে অনেক লোকের বাস হেতুক মানা প্রকার বাষ্প ও ছুর্গন্ধ তথাহইতে নির্গত হওয়াতে তাহারা তথায় বাস করিতে স্বীকা করে ।

স্রীকে ত্যাগপত্র দেওনের রীতি তাহাদের মধ্যে সাধারণরূপে চলিত ছিল, তাহাতে কখনও পঞ্চাশ বর্ষ বয়ঃক্রমের পূর্বে কেহও পঞ্চাশ বিবাহ করিত ; কিন্তু বহু নারীর ভরণ পোষণ করিতে অনেক ব্যয় হয়, এ প্রযুক্ত তাহারা প্রায় অনেক বিবাহ করিত না । বেছুইন লোকেরা অনেক গোষ্ঠীতে বিভক্ত, একারণ পরস্পর ঈর্ষ্যা করত তুল্লিঃ যুদ্ধ উপস্থিত হইত ; কিন্তু তাহারা প্রতি বৎসরের মধ্যে চারি মাস যুদ্ধে কাস্ত থাকিত, এবং ঐ কএক মাস অতি পুণ্যার্থ বোধ করিয়া বড়শার কলা খুলিয়া রাখিত ; সে সময়ে কেহ যদি আপন পিতা মাতার ষাতকেরও সহিত সাক্ষাৎ করিত, তবে তাহার প্রতি কোন হানি করিত না । বেছুইনদিগের পূর্ব পুরুষের রীতিনুসারে যেকূপ শাসন চলিত ছিল, এক্ষণেও চীন দেশে সেইরূপ প্রচলিত আছে ; অর্থাৎ তাহাদিগের কর্তা বা পুরোহিত বাটীর পরিবারের শাসন করিয়া থাকেন ; এইরূপে আয়ুব ইব্রাহীম এবং নোহ্ আপনঃ পরিবারকে শাসন করিয়াছিলেন । অদ্যাপিও আরব দেশে কোন রাজা নাই, একারণ সমুদয় পরিবারের প্রধানঃ লোক সকলে একত্র হইয়া এক মান্য ব্যক্তিকে বংশের কর্তা করিয়া নিযুক্ত করে ।

বেছুইন লোকেরা চিরকাল স্বাধীন * হইয়া আসিতেছে। অনেক দেশীয় লোকেরা তাহাদিগকে জয় করিতে বার ২ উদ্যোগ করিলেও সেই চেষ্টা বিফল হইয়াছে ; কারণ বেছুইনদের অশ্ব ও উষ্ট্র অতি দ্রুতগামী, এপ্রযুক্ত তাহারা ৮ দিবসের মধ্যে ২৫০ ক্রোশ গমন করিতে পারিত, এবং কোন স্থানে পলায়ন করিয়াছে শত্রুরা ইহার কিছু অনুসন্ধান পাইত না ; আর শত্রুগণ বিদেশীয় লোকপ্রযুক্ত কুপেরও উদ্দেশ্য করিতে পারিত না। সুতরাং জলাভাবে তাহারা তুফায় আকুল হইয়া প্রাণে মারা পড়িত। মিসর দেশীয় ও মাদীয় এবং পারস্য লোকেরা বেছুইনদিগের সহিত যুদ্ধ করিতে বৃথা চেষ্টা করিত, এবং তদ্রূপে মাদীয়েরাও যুদ্ধে নিরর্থক কালক্ষেপ করিত ; কিন্তু মহম্মদ বেছুইনদিগকে বলপূর্বক স্বধর্মে আনিয়া তাহাদিগের দ্বারা অনেক সাহায্য পাইয়াছিলেন।

মুসা ও আয়ুবের সময়ে যে রীতি আরবীয় প্রান্তরে চলিত, তাহা অদ্য পর্যন্ত চলিতেছে। ভারতবর্ষীয় তাবৎ দেশে ব্রাহ্মণ, বৈশ্য, মুসলমান, পর্তুগীস, ইংরাজ ইত্যাদি নানা লোকদের বসতি হইয়াছে, কিন্তু আরব দেশে কেবল এক জাতির বাস আছে। ইব্রাহীমের সময়ের পূর্বাবধি তথায় ত্বক্ছেদের রীতি চলিত আছে। আরবীয় লোকেরা দাড়ি রাখে, এজন্য ক্ষৌরকর্ম অতিশয় অপমান বোধ করে। তাহারা নিজ বংশাবলীর বিষয়ে অত্যন্ত অহঙ্কার করিয়া থাকে ; তাহাদের মধ্যে মহম্মদের বংশজাত লোকেরা শরীফ পদবীতে বিখ্যাত, এবং সবুজ বর্ণের পাগড়ি মস্তকে দেয়।

* ইহাতে এই ভবিষ্যৎক্য সফল হইল, “ সে নিজ জাতৃগণের সম্মুখে বসতি করিবে। ” আদি পু। ১৬। ১২।

বেদুইন লোকেরা প্রান্তর মধ্যে অনেক দিন কাল যাপন করাতে তাহাদের দর্শনাদি ইন্দ্রিয় সকল অতিশয় প্রবল হয়। তাহারা অন্য আরবীয় লোকদের পদচিহ্ন দেখিয়া জানিতে পারে যে উহারা আমাদের বংশজ কি না; আর উহারা ভারবাহী কি পরিশ্রান্ত, এবং অল্প দিন বা অধিক দিন ঐ পথ দিয়া গমন করিয়াছে কি না; আর উহারা আপনাদের উষ্ট্রে চড়িয়াছে কি না; ও সেই উষ্ট্র ভারগ্রস্ত কি না, আর দুই তিন জন উষ্ট্রে আরোহণ করিয়াছে কি না ইত্যাদি। তাহারা আপনাদের কোন উষ্ট্র চুরি গেলে পাঁচ ছয় দিনের পথ পর্য্যন্ত তাহার পদচিহ্ন দেখিয়া জানিতে পারে, যে ইহা আমাদের উষ্ট্রের চিহ্ন কি না; এবং এক শত উষ্ট্রের পদচিহ্নের মধ্যহইতে আপনাদের উষ্ট্রের পদচিহ্ন চিনিতে পারে। বেদুইন লোকেরা পাঁচ দিন পর্য্যন্ত জল পান না করিয়াও অবিশ্রান্ত চলিতে পারে। তাহারা ষজ্জুর মাখন কলাই ময়দা ইত্যাদি দ্রব্য ভক্ষণ করিয়া থাকে; এবং বসন্ত রোগ না জন্মে, একারণ বঙ্গ দেশীয় লোকদের ন্যায় পূর্ব-কালাবধি টীকা দিয়া থাকে।

যেমন পূর্বে গঙ্গাসাগরের জলে সন্তান নিক্ষেপ করার প্রথা ছিল, সেই মত পাছে আত্ম বালিকারা ভ্রষ্টা বা দরিদ্রা হয়, এই ভয়ে কোন ২ বেদুইন লোকেরা তাহাদিগকে জীবন থাকিতেও কবর দিত। সুতরাং কন্যা জন্মাইলেই সকলে অমঙ্গল জ্ঞান করিত। তাহারা তাহাদের মধ্যে কোন ২ বালিকাকে প্রান্তরে মেঘগণ চরাইতে নিযুক্ত এবং কাহাকেও ৬ বর্ষ বয়ঃ-ক্রম সময়ই জীবন সঙ্গে কবরস্থ করিত। 'বেদুইনদের মধ্যে অনেক প্রকার কল্পিত ধর্ম চলিত ছিল; যথা, তাহারা ভূতের

তয় নিবারণার্থে শশারুণ পা আঙ্গু গলদেশে ধারণ করিত; বৎ যাত্রিক লোকেরা নগ্নরূপে উৎসাহিত হইলে বড়কের তয় বারণার্থে দশ বার গাধার ন্যায় শব্দ করিত ।

বেতুইন লোকদের মধ্যে সকলই বিপন্নিত; যথা, তাহাদের গৃহ নাই, ও তাহারা নিষ্কল এবং অনুর্বরা প্রান্তর ভূমিতে বাস করে, তথাপি আপনাদের দেশকে অতিশয় ভাল বাসে। তাহারা সর্বদাই যাত্রিদিগের লুট করে এবং তাহাদিগকে অতিশি সেবাও করিয়া থাকে। তীর্থযাত্রা করণ সময়ে তাহারা ধর্ম ও ব্যবসায় করিয়া থাকে। কোন ব্যক্তিগারা অপমানিত হইলে তাহারা প্রতিহিংসা করে, কিন্তু যদি কোন লোক তাহাদের এক জন বন্ধুবান্ধবকে বধ করে, তবে টাকা পাইলে সেই অপরাধ ক্ষমা করিয়া থাকে। মুসলমান হইলেও তাহারা মহম্মদীয় ধর্মের প্রতি বড় উৎসাহ প্রকাশ করে না; ফলতঃ তাহারা কহে, আমাদের প্রান্তরে জল নাই, অতএব আমরা কী প্রকারে ধর্মার্থে দান করিব? এবং আমাদের অর্থ নাই, আমরা কী প্রকারে দরিদ্র ব্যক্তিকে দান করিতে পারি? আমরা রম্ভাজান মাসে কেন উপবাস করিব? আমাদের সকল দিন প্রায় উপবাসেই যায়; এবং পরমেশ্বর সর্বস্থানেই আছেন, অতএব আমরা কেন তীর্থ করিতে মক্কা নগরে যাইব?

বেতুইন লোকেরা প্রান্তরবাসী হইলেও অতি শুদ্ধ রূপে দেশ ভাষা ব্যবহার করিয়া থাকে। তাহাদের মধ্যে মেঘপালক ও অন্যান্য নীচ জাতীয় লোকেরাও সাধুভাষা কহে। কথিত আছে, ঐ ভাষায় সিংহের ৫০০ নাম, ও খেঞ্জর ১০০০ ও মধুর ৮০ ও সর্পের ২০০ নাম হয়। যেমন বহু ভাষায় সংস্কৃতের

মাতৃস্থ সম্বন্ধ থাকে, সেই বড় আরবীয় ভাষার সহিত হিব্রু ভাষার সম্পর্ক আছে। মহম্মদ আরবীয় সাধুভাষায় কোরান রচনা করতে আরবীয় লোককর্তৃক তাঁহার ধর্ম বিস্তারিত হইয়াছে। হিন্দুদিগের ন্যায় আরবীয় লোক সকলে কবিতা ভাল বাসে। তাহাদের এক কবিতায় এই কথা লেখে, ‘গদ্যেতে রচিত কথা সকল কতক গুলিন ছিন্ন ভিন্ন মণির ন্যায় হয়, কিন্তু পদ্য রচনায় বহু কথা মুক্তামালার ন্যায় শোভা পায়।’ পুস্ত্রের জন্ম, ষোড়কের প্রসব, অতিথির আগমন, ও প্রথম কবিতা রচনা, এই চারি ঘটনার উপলক্ষে আরবীয় লোকদের প্রধান উৎসব হয়। কোন ব্যক্তি বখন প্রথম কবিতা রচনা করে, তখন সে অনেক লোককে নিমন্ত্রণ করিয়া ভোজন করায়; সেই সময়ে স্ত্রীলোকেরা গান ও বাদ্যধ্বনি করিয়া থাকে, এবং তাবৎ প্রতিবাসিরা একত্র হইয়া আহ্লাদ আমোদ করে।

মহম্মদের পূর্বে আরব ও তম্বিকটস্থ দেশ সকলে মানাবিধ ধর্ম প্রচলিত ছিল। ঐ সকল ধর্মাবলম্বি লোকেরা পরস্পর তর্ক বিতর্ক করিত, ইহা দেখিয়া মহম্মদ নিজ ধর্ম তথায় প্রচার করিতে লাগিলেন। প্রাচীন মতের যে সকল দোষ তাহা প্রায় তাঁহার হুতব মতে মাই। সে দেশে পূর্বকালাবধি প্রতিমাপূজা ও হুত মনুষ্যদের অর্চনা প্রচলিত ছিল, কিন্তু মিসর দেশীয়দিগের ন্যায় তাহারা কুকুর ও বিড়াল ও পৈয়াজ ইত্যাদি পূজা করিত না; কেবল আরবীয় লোকদিগের মধ্যে এক জাতি পিষ্টক ও পিণ্ড পূজা করিত। কাবা মন্দিরে ৩৬০ প্রতিমা ছিল, এই নিমিত্তে প্রতিদিন এক ২ প্রতিবার ষণ্মানুসারে বৎসরের সংখ্যা

হইত। প্রাচীন সময়ে ভারতবর্ষে ও আরব দেশে নক্ষত্রাদির পূজা সভ্যতারূপে গণিত ছিল * । ইহার বিষয় ইতিহাসে লেখা আছে, যে সূর্যের অর্চনার্থে বাবেল শহরে উচ্চ এক গৃহ নির্মিত ছিল, এবং অতিশয় বুদ্ধিমান কোন ২ প্রাণিগণ সূর্যে-তে ও নক্ষত্রেতে বাস করে, প্রথমে এমত বোধ ছিল, এই কারণ আরবীয় লোকেরা ঐ সকল প্রাণিকে মান্য করিত। কিছু কাল পরে তাহারা তাহাদিগের পূজা এবং শেষে তাহাদিগের বাসস্থানীয় নক্ষত্রগণকেও অর্চনা করিতে লাগিল। কস্‌দীয় মেঘপালকগণ প্রাস্তরে থাকিয়া রাত্রিকালে আপন ২ পালের প্রহরি কৰ্ম করিত; তাহারা নক্ষত্রাদি দেখিয়া তাহাদিগের কাছে রক্ষার্থে প্রার্থনাদি করিত। কালক্রমে এই ধৰ্ম আরব দেশের মধ্যে সৰ্ব্বতোভাবে ব্যাপ্ত হইয়াছিল। মক্কাস্থ লোকেরা শনি নামে দেবতাকে আর অন্য স্থানের লোকেরা মঙ্গল ও বৃহস্পতিকে পূজা করিত; কিন্তু সকল আরবীয় লোকেরা দিগ্দর্শক নক্ষত্রগণকে অর্চনা করিত। মাজ্জুসি নামক অগ্নিপূজকেরা অনাদি পরমেশ্বরকে অগ্নিরূপে পূজা করিত। তাহারা প্রতিমা পূজা গ্রাহ্য করিত না; এই ধৰ্ম পারস্য দেশহইতে আরব দেশে আনীত হইয়াছিল। অগ্নিপূজা বিধি ক্রমে ২ নাশ হওয়াতে দানিএল মুনির দাস ষোরয়াষ্ট্রির নামে এক ব্যক্তি পুনশ্চ তাহা স্থাপিত করিলেন। বৌদ্ধ ও মুসলমানদের ন্যায় ঐ ধৰ্মে কোন পুরোহিত নাই ।

পরমেশ্বরের প্রতিনিধি জগতে আসিবেন, ঐ মতাবলম্বীদের এমত প্রত্যাশা ছিল, একারণ মাজ্জুসিরা পূর্বদিগহইতে বীণ্ড

* আবুব পুস্তকের ৩১ অধ্যায় ২৩ পদে।

খ্রীষ্টের জন্মকালে বৈৎলেহম নগরে আসিয়া তাঁহার পূজা করিলেন । মথির ২ অধ্যায় দেখ ।

মানিস নামক পারস্য দেশীয় এক ব্যক্তি খ্রীষ্টিয়ান ও দেবপূজক-দের ধর্ম দুই মিশ্রিত করিয়া মানিকীয় নামে এক নূতন মত স্থাপিত করিয়াছিল । খ্রীষ্ট কহিয়াছিলেন, “আমার পরে এক জন সহায় আসিবেন;” মানিস সকলের নিকটে আপনাকে সেই সহায় জানাইয়া ঐ মত বিষয়ক এক গ্রন্থ রচনা করিল; তাহাতে যীশু খ্রীষ্ট, যোরবার্টের ও বুদ্ধ এই সকল পরমেশ্বরের অবতার বলিয়া লিখিত আছে । মানিস আরও এই শিক্ষা দিত, যে ভাল ও মন্দ এই দুই পদার্থ অনাদি । ইহা কখন সত্য হইতে পারে না; কারণ কেবল পরমেশ্বরই অনাদি; তাঁহার ন্যায় কোন বস্তু স্বাধীন নাই । মাজুসিয় পুরোহিতেরা বোধ করিত, যে পারস্য দেশ স্বধর্ম রক্ষার প্রধান স্থান; অতএব তাহার অন্য ধর্ম প্রবেশে সম্মত না হইয়া খ্রীষ্টীয় ২৭২ শকে মানিসকে ধরিয়া জীবিত অবস্থাতে তাহার চর্ম ছাড়াইয়া বধ করিল । তখাচ তাহার ধর্ম ইউরপ ও আশিয়া দেশের অনেক স্থানে অতিশয় বিস্তারিত হইয়াছিল । মানিসের মৃত্যুর ২০০ বৎসর পরে মাজ্জডিলক নামক এক প্রবঞ্চক আপন ধর্ম প্রচলিত করিতে চেষ্টা করিয়াছিল, কিন্তু তাহা সিদ্ধ করিতে না পারাতে মাজুসিদের পুরোহিতকর্তৃক হত হইল ।

খ্রীষ্টের পরে তৃতীয় শতাব্দে সামসাতা নগরনিবাসী পৌল নামে এক জন বিহুদীয় ও খ্রীষ্টীয় ধর্মে মিশ্রিত এক নূতন ধর্ম পারস্য দেশে চালাইতে চেষ্টা করিয়াছিল ।

নিবুখদনিৎসরের সময়ে বিহুদীয় লোকেরা দেশান্তরিত হইয়া

খ্রীষ্টের বর্ষ শতাব্দের পূর্বে বাবিলন দেশে বাস করিয়াছিল। খ্রীষ্টীয় প্রথম শতাব্দেতে য়েমেন দেশের রাজা অগ্নিপুঞ্জক হোত্‌দিগের মধ্যে বিহুদীয় ধর্ম প্রবেশ করাইল। বিকাশালম রোমীয়দিগের কর্তৃক নষ্ট এবং তাহাদিগের মন্দির সমুদায়-পাটন হওয়াতে অনেক বিহুদীয় লোক আরব দেশের প্রান্তরে পলায়ন করিল। তাহারা অনেকেই ক্রীতদাস হইয়া দেশ বিদেশে গেল; এই রূপে বিহুদীয়েরা অগতের সর্বত্রই ছিন্নভিন্ন হইয়াছিল, কিন্তু তাহাদিগের অহঙ্কার কিছুমাত্র হ্রাস হয় নাই। মসীহ নামে জ্ঞানকর্তা আসিয়া আমাদিগের পক্ষ হইয়া পৃথিবীস্থ সকল দেশ জয় করিয়েন, তাহাদিগের এমত আশা ছিল; একারণ অনেক প্রতারক সময়ানুক্রমে আসিয়া তাহাদিগকে প্রবঞ্চনা করিল। তাহারা আপনাদিগকে ইব্রাহীমের প্রধান জ্ঞীর বংশ বলিয়া জ্ঞাখা করিত, এবং আরবীয়গণকে তাঁহার ক্রীতা দাসীর বংশ বলিয়া তুচ্ছ জ্ঞান করিত; অতএব যখন মহম্মদ তাহাদিগকে কহিলেন, তোমরা আমাকে ভবিষ্যৎজ্ঞা বলিয়া স্বীকার কর, তখন তাহারা বলিল; মুক্ত লোকদিগকে ক্রীতদাস কী রূপে শিক্ষা দিবে? ইহা কহিয়া বিহুদীয়েরা তাঁহাকে অগ্রাহ্য করিল।

খ্রীষ্টীয় শকের পঞ্চম শতাব্দেতে নেজবান দেশের ২০,০০০ খ্রীষ্টিয়ানেরা বিহুদীয় ধর্ম গ্রহণে অনিচ্ছুক প্রযুক্ত য়েমেন দেশের রাজা মুস তাহাদিগকে অগ্নিকুণ্ডে নিক্ষেপ করাইয়া-ছিল; এই হেতুক তাহার নাম অগ্নিকুণ্ডের প্রভু হইল। হাবেশ দেশের রাজা ইহাতে অতি ক্রুদ্ধ হইয়া ৭০০০০ সেনাগণকে ৬০০ আর্সাজে আরোহণ করাইয়া য়েমেন দেশ আক্রমণ করিলেন,

তাছাড়া হুমস রাজা যুদ্ধে পরাজিত হইয়া স্কফ সাগরে আপন ঘোটক চালাইয়া মগ্ন হইল। পরে হাবেশ লোকেরা য়েমেন দেশকে অধিকার করিল। মক্কা মন্দিরের পরিবর্তে সানা নগরের মন্দির তীর্থস্থান হইবে, এই তাহাদিগের মানস ছিল।

খ্রীষ্টীয় ৫৭০ সালে হাবেশ লোকেরা মক্কা নগর আক্রমণ করিতে গেলে এক মহামারী ত্রয় উপস্থিত হওয়াতে তাহারা প্রত্যাগমন করিল; কিছু দিন পরে পারস্য লোকেরা হাবেশীয়দিগকে য়েমেন দেশহইতে বহিস্কৃত করিয়া দিল; হাবেশীয়েরা কেবল ৭২ বৎসর য়েমেন দেশে রাজত্ব করিল। যিহুদীয় লোকেরা য়েমেন দেশে ৩০০ বৎসর পর্যন্ত রাজত্ব করিয়াছিল; এডন নগর তাহাদের প্রধান বাণিজ্য স্থান; তথাহইতে তাহারা হাবেশ দেশে ও ভারতবর্ষে গিয়া বাণিজ্য করিত। এক্ষণে দুই লক্ষ যিহুদীয় লোক য়েমেন দেশে বাস করিতেছে; তাহারা মুসার ব্যবস্থা এমত দৃঢ়রূপে পালন করিয়া থাকে যে শনিবারে কেহ রন্ধন করে না, এবং ঐ দিনে গৃহে অগ্নি লাগিলে কেহ তাহা নির্বাপন করে না।

খ্রীষ্টের স্বর্ণারোহণের পর পঞ্চাশ দিনে খ্রীষ্টীয় ধর্ম যিকশালম নগরে প্রথমে প্রচার হয়; তৎকালে কতকগুলি আরবীয় লোক ঐ নগরে * উপস্থিত হইয়া তাহা শ্রবণ করিল। খ্রীষ্টীয় ধর্ম প্রথমে সাধু পৌল কর্তৃক আরব দেশে প্রচলিত হয়। তিনি খ্রীষ্ট ধর্মাবলম্বী হইলে পর ঐ দেশে তিন বৎসর বাস করিলেন। সাধু থোমা হাদ্রামৎ দেশে সূসমাচার প্রচার করিলেন।

* প্রেরিতদিগের জিয়া গুস্তকের ২ অধ্যায় ১১ পদ।

এবং সাধু পিতর বাবিলন নগরে কিছু কাল বাস করিলেন ।
ঐ নগরে অনেক খ্রীষ্টীয় বিদ্যালয় ছিল ।

হিরা দেশের রাজা মদ্যপানে উন্মত্ত হইয়া দুই জন বন্ধুকে
জীবিতাবস্থায় কবরস্থ করিতে আজ্ঞা দিয়াছিল ; পরে প্রকৃ-
তিস্থ হইয়া জানিল যে সে আদেশ সম্পন্ন হইয়াছে । ইহাতে
অতি দুঃখিত হইয়া রাজা তাহাদের স্মরণার্থক দুই স্তম্ভ
গাঁথিতে আজ্ঞা করিল, এবং প্রতিবৎসরে দুই দিন তথায়
গিয়া উৎসব করিত । প্রথম দিনে রাজা যাহার মুখ অগ্রে
দেখিত তাহাকে সেই স্থানে বলিদান করিত । একবার যাহার
বাঁটিতে পুর্কে রাজা অতিথি হইয়াছিল, এমত এক আরবীয়
লোকের মুখ দেখিল ; রাজা প্রতিভু লইয়া ঐ আরবীয়কে এক
বৎসরের নিমিত্তে অবকাশ দিল । পরে নিয়মিত কাল অতীত
হইলে সূর্যাস্ত সময়ে প্রতিভুকে বলি দিতে আজ্ঞা করিল ;
তৎকালে ঐ ব্যক্তি আপনি উপস্থিত হইলে রাজা তাহাকে
দেখিয়া বিস্মিত হইয়া কহিল, হাঁ তুমি প্রতিজ্ঞা পালন করিলা !
তখন সে ব্যক্তি এই মাত্র উত্তর করিল, আমি খ্রীষ্টিয়ান । ইহা
শুনিয়া রাজা খ্রীষ্টীয় ধর্ম শিক্ষা করিয়া প্রজাগণের সহিত
তৎসম্মাবলম্বী হইল ।

সিহুদা দেশস্থ অনেক খ্রীষ্টীয় লোক তাড়না হেতুক আরবীয়
প্রান্তরে যাইয়া আশ্রয় লইয়াছিল । কতক খ্রীষ্টিয়ানেরা মহম্ম-
দের জন্মের ২০০ বৎসর পূর্বে সূক্ষ সাগরের তটে মঠ বানাইয়া
তাহাতে থাকিত । সূক্ষ সাগরের উপর এক শিলা বাড়িয়াছে
তাহাতে আস্তনি নামক এক ব্যক্তি প্রথম মঠ স্থাপন বাস করিত ।
তাহার ১০,০০০ শিষ্য ছিল ; তাহাদের শয্যা গাদুর, ও বাগিশ

তালপাতা ছিল। তাহারা লিবিয়া দেশের প্রান্তরে ও দক্ষিণ মিসরে বাস করিত; পরে তাহারা তথাহইতে হাবেশ ও য়েমেন দেশে থাকিয়া মক্কা ও সুরিয়া ও আরবদেশের উত্তর অঞ্চলে সুলমাচার প্রচার করিত; এবং কেহ ২ ভারতবর্ষ ও চীন দেশ পর্য্যন্ত গিয়া খ্রীষ্টধর্ম প্রচার করিল। কথিত আছে, এক জন মঠবাসী চীন দেশ-হইতে তুতপোকা ইউরপ দেশে লইয়া গেল।

খ্রীষ্টীয় শকের দ্বিতীয় শতাব্দের শেষে সিকন্দরিয়া নগরের বিশপ (অর্থাৎ ধর্মাধ্যক্ষ) পন্তিয়স্ নামে এক জনকে য়েমেন দেশে সুলমাচার প্রচার করিতে প্রেরণ করিয়াছিলেন। ৩৪৩ সালে কনষ্টান্স নামক সম্রাট ভারতবর্ষের বিশপ থিয়কিলসকে য়েমেন দেশে প্রেরণ করিলে তথাকার রাজা তাঁহাকে তিন মন্দির নির্মাণ করিতে অনুমতি দিল; তাহার মধ্যে এক মন্দির এডন নগরে স্থাপিত হয়।

সিকন্দরিয়া নগরবাসী অরিজন নামক এক জন প্রসিদ্ধ গ্রন্থকর্তা তৃতীয় শতাব্দের আরবীয় নৃপতির আহ্বান অনুসারে সেই দেশে গমন করিলেন। ঐ গ্রন্থকর্তার প্রবৃত্তিধারা রাজা ও তাঁহার অনেক প্রজালোক খ্রীষ্ট ধর্ম গ্রহণ করিল; কিন্তু তথাকার খ্রীষ্টিয়ান লোক অনেকেই প্রকৃত ধর্ম ত্যাগ করিয়া নানা পাষণ্ড মত গ্রহণ করিত। যথা; নাজরীন ও এবিয়ন লোকেরা যিহূদীয়দের ব্যবস্থা ও রীতি পালন করিয়া যীশু খ্রীষ্টের ঈশ্বরত্ব অস্বীকার করিত; নেষ্ঠোরিয়ানেরা খ্রীষ্টের ছুই পৃথক স্বভাব স্বীকার করিত; মনকুসীয়েরা তাঁহার এক স্বভাব গাত্র স্বীকার করিত; কলিরিদীয়ানেরা মরিয়ম কুমারীকে পূজা করিত। এরিয়ানেরা যীশু খ্রীষ্টের ঈশ্বরত্ব অস্বীকার করিত; ইহাদিগের মত পৃথিবীর অনেক স্থলে বিস্তৃত হইল, তাহাতে রোমীয়দের

কোন ২ নৃপতিও তাহা গ্রহণ করিলেন। দোসীতী মতাবলম্বিরা কহিত যে যীশু খ্রীষ্টের প্রকৃত শরীর নাই, কেবল প্রেতের ন্যায় এক শরীর আছে, এবং তিনি যথার্থরূপে জুশ যন্ত্রের যন্ত্রণা সহ করেন নাই। বোধ হয় দোসীতীদের নিকটে মহম্মদ এই মত জ্ঞাত হইয়াছিলেন।

সোর নগরের মেরোপিয় নামে এক জন বণিক ও তাহার জ্যেষ্ঠপুত্র দুইজনই খ্রীষ্ট ধর্ম গ্রহণ করিয়াছিল; পরে মেরোপিয় হত হইলে তাহার জ্যেষ্ঠপুত্র হাবেশ দেশের রাজার সকল কর্মের অধ্যক্ষ হইল; তাহার সং আচার ব্যবহার ও কথোপকথনদ্বারা সেই দেশের অনেক লোক খ্রীষ্টীয় ধর্ম গ্রহণ করিল। পরে সে লিকন্দরিয়া নগরে গমন করাতে বিশপ আথানেসিয়স তাহাকে বিশপ পদে নিযুক্ত করেন। তাহার চেষ্টায় এমত কল দর্শিল, যে হাবেশ দেশের রাজা ও তাহার প্রজাগণ প্রায় সকলেই খ্রীষ্টিয়ান হইয়া উঠিল।

মহম্মদের জন্মের সময়ে অনেক দেশ অজ্ঞানতাবূপে কুপে মগ্ন ছিল। খ্রীষ্টীয় ধর্মোপদেশকদিগের মধ্যেও অনেকে উত্তমরূপে লিখিতে কি পড়িতে জ্ঞানিত না; বরং তাহারা লেখা পড়াতে তাজ্জল্য করত কেবল ধর্মবিষয়ক তর্কবিতর্ক করিয়া কাল যাপন করিত, তাহাতে তাহাদিগের ক্রোধ ও লোকদের প্রতি হঠাৎ নিষ্ঠুর ব্যবহার ক্রমশঃ বৃদ্ধি পাইয়াছিল। তৎকালে খ্রীষ্টীয় ধর্ম-ঘোষকেরা ধনী হইয়া ধর্মভ্রষ্ট হইল, এবং সর্বদা সুখ ও পরাক্রম আকাঙ্ক্ষা করিত। খ্রীষ্টীয় মণ্ডলী দরিদ্র হইলে প্রায় যথার্থ ধর্মিষ্ঠ থাকে। খ্রীষ্টিয়ানেরা তৎকালে তর্কবিতর্কে আসক্ত হওয়াতে ধর্মের যে সার, অর্থাৎ প্রেম ও নমতা তাহাই বিস্মৃত হইল।

মহম্মদ ঐ সকল ভিন্ন ২ মত দেখিয়া ও তর্কবিতর্ক শুনিয়া

গৌতমিক ও বিহুদীয় এবং খ্রীষ্টীয় ধর্মহইতে এক হুতন ধর্ম প্রকাশ করিতে মানস করিলেন; অতএব তিনি কাবা মন্দিরে খুসার বিধান করিয়া ঐ স্থানকে প্রধান তীর্থ বলিয়া জানাইলেন; এবং খুসার ব্যবস্থা ও ধর্মপুস্তকের অস্তভাগহইতে অনেক বিষয় সংগ্রহ করিলেন; এই রূপে খ্রীষ্টীয় ও বিহুদীয় ধর্মের অনেক কথা লইয়া মহম্মদ কোরায়েন লিখিলেন। কলতঃ তিনি কহিতেন, আমার এ ধর্ম হুতন নহে, ইহা অতি প্রাচীন।

খুর্সে নূপত্তিরা বিদ্যার আলোচনায় প্রজ্ঞাদিগকে উৎসাহ দিতেন; কিন্তু মহম্মদের সময়ে কোব বিদ্যার আলোচনা না থাকাতে লোক সকল কেবল অজ্ঞানতায় মগ্ন ছিল। গৃহ ও বাণাল লোকেরা বর্দিদের ন্যায় দেশ ছুট করিয়া কাল ক্ষেপ করিত; এই নিমিত্তে সাধারণ প্রজ্ঞাগণ বিদ্যার আলোচনা করিতে পারিত না; কেবল খ্রীষ্টীয় মঠে তাহার আলোচনা হইত।

রোম দেশের রাজারা ১২০০ বৎসর পর্য্যন্ত অগতের প্রধান ২ দেশ শাসন করিয়া মহম্মদের সময়ে ক্রমে ২ রাজ্যপ্রস্তু হইতে লাগিল। তাহারাই ইউরপ দেশ সমুদয় জয় করিয়াছিল, কিন্তু সৈন্যের অভাব প্রযুক্ত তাহা অধিকারে রাখিতে পারিল না। রোমীয়েরা পারস্য লোকদের সহিত অনেক কাল পর্য্যন্ত যুদ্ধ করিয়া পরিত্রাস্ত হইয়াছিল।

তৃতীয় অধ্যায় ।

মহম্মদের যৌবনাবস্থা।

পৃথিবীতে ৮০ আশি কোটি লোক বাস করে; তাহার মধ্যে ২০ কোটি খ্রীষ্টীয়ান, ৪০ লক্ষ বিহুদীয়, ৪৫ কোটি দেবপূজক ও

বৌদ্ধ, এবং ১৪ কোটি ৩০ লক্ষ মুসলমান হয়। তাবৎ মুসলমানেরা মহম্মদকে ভবিষ্যদ্বক্তা বলিয়া মান্য করে। পূর্বকালে মহম্মদের সৈন্যপন্থা দ্বারা তাঁহার ধর্ম ফ্রান্স দেশের পশ্চিম ও আফ্রিকার উত্তর পশ্চিম অঞ্চল সকল ও পারস্য দেশ এবং ভারতবর্ষ ও আশিয়ার সমীপস্থ দ্বীপসমূহ, ও কাল সাগরের দক্ষিণ তীর পর্যন্ত প্রচারিত ছিল; অদ্যাপিও প্রায় ঐ সকল দেশে তাঁহার মত প্রচলিত আছে। যিনি ঐ ধর্ম সংস্থাপন করেন, তাঁহার আচার ব্যবহার ও স্বভাবের বিষয় সকলের কিঞ্চিৎ জ্ঞান উচিত। অন্যান্য সেনাপতিরা কেবল দেশ অধিকার করিয়াছে, কিন্তু মহম্মদ মনুষ্যগণের মনকেও বশীভূত করিয়া এক হুতন ধর্মের সংস্থাপক হইলেন। একাদশ শত বৎসর পর্যন্ত আশিয়া ও আফ্রিকার সভ্য প্রদেশ সকলে ঐ ধর্ম চলিত আছে। বিংশতি বৎসর পর্যন্ত যিনি ব্যবসায়ের কর্মে নিযুক্ত থাকিয়া যৌবনাবস্থায় কোন প্রকার বিদ্যাতে বিশেষরূপে অনুরক্ত ছিলেন না, তিনি কোটি ২ মনুষ্যের শরীর ও আত্মার উপরে কর্তৃত্ব করিয়া জন্মদের মধ্যে শ্রেষ্ঠরূপে গণিত হইয়াছেন; এবং তাঁহার কর্তৃত্ব ধর্মবিষয়ক বলিয়া একাদশ শত বৎসরাবধি প্রসিদ্ধরূপে চলিতেছে, ইহা অতি আশ্চর্য। খ্রীষ্টিয়ানেরা প্রবৃত্তি ও ঘোষণাদ্বারা আপনাদিগের ধর্ম বিস্তার করেন, কিন্তু মহম্মদীয় ধর্ম বলে ও ছলে বিস্তারিত হইয়াছে।

ইসমায়েলহইতে উৎপন্ন কোরেস নামে এক উৎকৃষ্ট জাতি পুরুষানুক্রমে মক্কানগরস্থ কাবা নামক প্রধান মন্দিরের রক্ষণাবেক্ষণ করিত। তাহারা বাণিজ্যের নিমিত্তে মক্কা নগর স্থাপন করিয়া অনেক কালাবধি স্তাম্বুল, হাবেশ ও পারস্য দেশে

বাইয়া ব্যবসায়াদি করিত। মহম্মদের পূর্বপুরুষগণ প্রভৃতি মক্কাহু কুলীনেরাও সেই কর্ম করিতেন।

ঐ বংশে ইং ৫৭১ সালে এপ্রিল মাসের ত্রয়োদশ তারিখ সোমবারে মক্কা নগরে মহম্মদের জন্ম হয়। তাঁহার পিতা মাতার আর সন্তান ছিল না। মহম্মদের জন্মের দুই মাস পূর্বে তাঁহার পিতা আবদুল্লা সুরিয়া দেশের অসা নামক নগরে বাণিজ্য করিয়া প্রত্যাগমন কালে মদীনা নগরে প্রাণ ত্যাগ করিলেন; তৎকালে তাঁহার বয়ঃক্রম ২৫ বৎসর মাত্র ছিল। মহম্মদ আপন পিতার দানপত্রানুসারে পাঁচ উষ্ট্র ও এক হাবেশ দেশীয় ক্রীতাদাসী আর এক গৃহ অধিকার করিলেন। তাঁহার মাতা আমীনা পতিবিয়োগে অতিশয় শোকার্তা হওয়াতে ক্রমে ২ অস্থূহ হইতে লাগিল; এবং কখন ২ তন্দ্রাবস্থায় আপনাকে ভূতাবিষ্ট বোধ করিত, এজন্যে যেমন পল্লিগ্রামস্থ হিন্দুরা আপন ২ শিশুগণকে ভূতাবেশহইতে রক্ষা করণার্থে তাহাদের কোমরে চাৰি রাখে, তদ্রূপ তাহার বন্ধুরা তাহাকে গলে ও বাহুমূলে লৌহখণ্ড ধারণ করিতে পরামর্শ দিত। আলি বেন্ যিজিড্ কছেন, যে মহম্মদ আপন মাতার ক্ষীণাবস্থা হেতুক আজন্মকাল অবধি অস্থূহ শরীরবিশিষ্ট ছিলেন।

মুসলমান ইতিহাসরচকেরা লিখেন, যে মহম্মদের জন্মকালে তাঁহার মাতা আপন স্বপ্নের আবদুল মতালবকে ডাকাইয়া কহিয়াছিল, আমি স্বপ্নে দেখিয়াছি আমার শরীরহইতে এক নূর (অর্থাৎ তেজঃ) নির্গত হইয়া সুরিয়া দেশস্থ বস্র নগরের সকল অট্টালিকায় উঠিল। আবদুল মতালব স্বীয় পৌত্রের জন্মের পর সপ্তম দিবসে ভোজের নিমিত্তে অনেক উষ্ট্র হত করিলেন; পরে ঐ শিশুকে

ক্রোড়ে লইয়া কাবা মন্দিরের মধ্যস্থানে হোবাল নামক প্রতীমার সম্মুখে দণ্ডায়মান থাকিয়া ঐশ্বরিক আশীর্বাদ প্রার্থনা করিলেন, এবং বালকের নাম মহম্মদ (অর্থাৎ প্রশংসিত) * রাখিলেন।

মক্কা নগরস্থ কাবা নামক প্রধান মন্দিরে কৃষ্ণবর্ণ এক প্রস্তর ছিল। মুসলমানেরা বোধ করিয়া থাকে, যে ঐ প্রস্তর প্রথমে স্বর্ণে স্তম্ভবর্ণ ছিল, কিন্তু মনুষ্যেরা পাপ করাতে তাহা কৃষ্ণবর্ণ হইয়া স্বর্ণহইতে পৃথিবীতে পড়িয়াছিল। আর ইহাও বলে, ঐ পাথর বে স্থানে পতিত হয়, আদম ভারতবর্ষহইতে তথায় যাইয়া প্রতি-বৎসর সেই প্রস্তরকে বেষ্টন করিতেন; এবং জলঙ্গাবনের সময়ে ঐ মন্দির ভগ্ন হইলে ইব্রাহীম তাহা পুনর্কার নির্মাণ করিয়া-ছিলেন; আর ইস্মায়েল বংশীয়েরা উলঙ্গ হইয়া ঐ মন্দিরকে বেষ্টন করিত। খ্রীষ্টের ৪৪৫ বৎসর পূর্বে যখন মক্কাতে লোকদের বাস ছিল না, তখন আরবীয়েরা তথায় যাইয়া ঐ প্রস্তর পূজা করিত; পরে তাহারা মক্কাহইতে অন্য এক প্রস্তর আনিয়া আপনাদের তাহ্মতে স্থাপন করিয়া পূজা করিত।

রামচন্দ্র কেবল অযোধ্যার রাজা ছিলেন, এবং কৃষ্ণও সেই রূপ স্বরকার রাজা ছিলেন, কিন্তু হিন্দুরা ইহাদের উভয়ের নানাবিধ কাপ্পনিক অদ্ভুত কৰ্ম্মের বিষয় বর্ণনা করিয়াছে; মুসলমান গ্রন্থকারেরাও যীশু খ্রীষ্ট এবং মূসার জন্মের সহিত মহম্মদের জন্মের তুলনা করণের আশয়ে তাঁহাদের জন্ম বৃত্তান্তের

* মহম্মদ কহিতেন, যীশু খ্রীষ্ট সহায় আদিবার যে প্রতিজ্ঞা করেন, ঐ সহায় আমি; যেহেতুক তাহার নাম ও আমার নামের একই অর্থ। কিন্তু ইহা কদাচ সম্ভব হইতে পারে না; কেননা মহম্মদ শব্দের অর্থ সহায় নয়, কিন্তু প্রশংসিত।

মধ্যে অনেক অদ্ভুত কর্ম্ম লিখিয়াছেন, যথা; পারস্য দেশীয় সাবা হৃদের সমুদায় জল শুষ্ক হওয়াতে কিছু দিন পরে তথায় এক নগর সংস্থাপিত হইল; এবং ভূমিকম্পদ্বারা খত্র নামক পারস্য দেশীয় রাজার অট্টালিকা চালিত হইয়া পতিত হইয়াছিল। পূর্বকালীন হিন্দুলোকদের ন্যায় পারস্য দেশীয় লোকেরা সূর্য ও অগ্নিকে পূজা করিত, তাহাদের যে পবিত্র আগ্ন এক সহস্র বৎসরাবধি প্রজ্বলিত হইয়াছিল, সে ঐ দিনে নির্বাণ হয়। নক্ষত্র মধ্যস্থ ভূতগণ নিজ বাসস্থানহইতে * বহিস্কৃত হইয়া পৃথিবীতে প্রতিমার প্রাণপ্রতিষ্ঠা করিতে এবং দৈববাণী প্রকাশ করিতে শক্তিহীন হইল। ইবন্ ইসহাক ও ওয়াকিদী লেখেন যে মহম্মদ জন্মকালে প্রণাম করিয়া স্বর্গের প্রতি দৃষ্টিপাত পূর্বক প্রার্থনা করিয়া কহিলেন, “পরমেশ্বর মহান্ ও অদ্বিতীয়; আমি তাঁহার ভবিষ্যদ্বক্তা।” ইহা মহম্মদ স্বয়ং কিছু কহেন নাই; পরন্তু যে রূপ কৃষ্ণের বিষয়ে হিন্দুরা কহিয়া থাকেন, সেই রূপ তাঁহার মৃত্যুর পর মুসলমানেরা তাঁহার বিষয় এ সকল গল্প প্রকাশ করেন।

মহম্মদের মাতা আমীনা শরীরের দুর্বলতা প্রযুক্ত স্বকীয় শিশুকে স্তন্যপান করাইতে অশক্তি হইলে, তাহার বেতুইন ধাত্রী অনুগ্রহ করিয়া তাঁহাকে প্রাস্তরে লইয়া গেল। মক্কা নগর অনূর্করী উপগিরি ও বালুকাময় প্রাস্তরদ্বারা বেষ্টিত হওয়াতে গ্রীষ্ম

* উল্কাপাত দেখিয়া মুসলমান লোকেরা বলে, যে শয়তানের দূতেরা নিগূঢ় কথা শুনিবার জন্যে স্বর্গের দ্বার পর্যন্ত যায়, এবং স্বর্গদূত তাহাদিগকে প্রবেশ করিতে নিবারণের নিমিত্তে তাহাদের প্রতি তারাগণ নিষ্কেপ করে।

প্রবুদ্ধ অস্বাস্থ্যজনক ছিল, তাহাতে তদ্রূপ খনিলোকেরা আপন ২ সন্তানদ্বিনিকে শৈশবাবস্থায় ৮ দিনহইতে ৮ বর্ষ পর্য্যন্ত ক্লেশ সহ্য করাইতে ও প্রকৃত অমিজিত আরবীয় ভাষা স্মৃশিক্ষিত করণার্থে প্রান্তরে প্রেরণ করিত । মুসলমান গ্রন্থকর্তারা কহেন, মহম্মদের প্রান্তরে বসতি কালে চন্দ্র ও মেঘগণ তাঁহাকে প্রণাম করিত । মহম্মদ ঐ প্রান্তরে ছয় বৎসর থাকিয়া হৃগীরোগগ্রস্ত হইলেন, তাহাতে ধাত্রী ভীতা হইয়া তাঁহাকে তাঁহার মাতার নিকটে আমন্ত্রন করিল । ঐ সময়ে সে রোগের প্রথম সঞ্চার হয়; ফলতঃ তাঁহার শিষ্যেরা ব্যক্ত করিয়াছে যে উহা হৃগী রোগ নয়, কিন্তু ঈশ্বরবির্ভাবের চিহ্ন ।

মহম্মদ ছয় বৎসর ছয় মাসের সময়ে মাতৃহীন হন । তাঁহার মাতা সুলতী ও বুজ্জিমতী বলিয়া বিশেষ রূপে বিখ্যাতা ছিল । পরে এক ক্রীতদাসী তাঁহাকে মাতার ন্যায় প্রতিপালন করিত । মহম্মদের চক্ষুরোগ হওয়াতে ঐ দাসী তাঁহাকে প্রান্তর মধ্যে ওকাদ নামক স্থানে এক জন উদাসীন খ্রীষ্টিয়ানের নিকটে লইয়া গিয়া তাঁহার ঐ রোগ সূস্থ করাইল । ইহার দুই বৎসর পরে মহম্মদের পিতামহ আবদুল মতাল্লব আপন পুত্র আবু-তালেবের হস্তে তাঁহাকে সমর্পণ করিয়া লোকান্তর হইলেন । ঐ আকুতালের মহম্মদকে পুত্রের ম্যায় প্রতিপালন করিতেন, এবং তাঁহাকে অস্বারোহণ বিন্যায় ও অস্ত্র শস্ত্র ও কবিতারচনা এবং পশু-দমন প্রভৃতি বিষয়ে স্মৃশিক্ষিত করাইলেন । আরবদেশীয় যে লোক ভাল জিহ্বিতে পারে, এবং ধনুর্বিদ্যাতে পারক, ও সস্তুরণে সক্ষম হয়, তাহাকে নিপুণ বলিয়া সকলেই মান্য করে । মহম্মদ অন্য বালকদিগের সহিত ক্রীড়া বা আলাপাদি করিতে প্রায়

চাহিতেন না, বরঞ্চ নির্জন স্থানে থাকিতে ভাল বাসিতেন। তিনি অল্প পুস্তক অধ্যয়ন করিতেম বটে, কিন্তু মক্কানগরে উপস্থিত বিদেশীয় বণিক লোকদের সহিত কথোপকথন করিয়া অনেক জ্ঞান উপার্জন করিলেন; ঐ বণিকেরা পারস্য, সিরিয়া, মিসর, ও সিহুদীয় দেশহইতে আগত হইত।

মহম্মদ ১০ বর্ষ বয়সের সময় ওকাদ মেলাতে গমন করিলেন। তাঁহার খুড়া আবুতালেব দরিদ্র হইলেও সাহসিক বণিক ছিলেন; তিনি সিরিয়া ও য়েমন দেশে বাণিজ্যের নিমিত্তে যাইতেন। আরবীয় বণিকেরা দম্মেবক ও বন্না নগরে হিজাস দেশের শরীর কল ও য়েমন দেশের গন্ধরস আনিয়া তাহার পরিবর্তে শস্ত ও শুষ্ক আঁদুর ও বস্ত্র স্বরূপে লইয়া বাইত। মহম্মদ দ্বাদশ বর্ষ বয়স্ক হইলে তাঁহার খুড়া তাঁহাকে সঙ্গে করিয়া ঐ মেলাতে লইয়া গেলেন; মহম্মদ তত্রস্থ ব্যক্তিদের সহিত কথোপকথন করান্তে আরব দেশের ইতিহাস ও নানা ধর্ম ও তিহ্ন ২ দেশীয় গল্প জ্ঞাত হইলেন; উত্তরকালে নানা প্রাচীন ধর্মহইতে স্বধর্ম রচনা করণে প্রবর্ত হইলে ঐ জ্ঞান তাঁহার পক্ষে বড় উপকারক হইল। বন্না নগরের নিকটে সের্জিয়স নামক এক জন আরব দেশস্থ উদাসীন খ্রীষ্টিয়ান বাস করিতেন; তিনি বিদ্যা ও ধর্মের নিমিত্ত বিশেষ রূপে বিখ্যাত, এবং নেষ্টোরিয়ান খ্রীষ্টমতাবলম্বী হইয়া পৌত্তলিক মতের অতিশয় বিপক্ষ ছিলেন। মহম্মদ তাঁহার গৃহে অতিথি হইলে তাঁহার পরম্পর খ্রীষ্টধর্মের বিষয়ে অনেক কথোপকথন করিতেন; পরে সের্জিয়স মহম্মদের পিতৃব্যের * পরামর্শানুসারে তাঁহাকে সাবধান পূর্বক মক্কানগরে লইয়া গেলেন।

* সিরিাক এরাবুল ও ভারিক এল কামসী।

মহম্মদ সের্জিয়স এবং উদাসীন নেষ্টোরিয়ানদের হইতে খ্রীষ্ট ধর্মসম্বন্ধীয় যে বিদ্যা পাইয়াছিলেন, তাহাই উত্তরকালে কোরান রচনায় তাঁহার উপকারজনক হইল। সেই উদাসীন মহম্মদের নিপুণতা দেখিয়া তাঁহার খুড়াকে কহিলেন, ইনি অতি বড় মান্য লোক হইবেন। মহম্মদ ১৬ বৎসর বয়সের সময়ে তাঁহার খুড়া জ্ঞোবের সহিত দক্ষিণ আরবদেশে যাত্রা করিলেন; এবং ২০ বর্ষ বয়স্ক হইলে তিনি মক্কায় গিয়া এক যুদ্ধে উপস্থিত হইয়াছিলেন।

মহম্মদ কখন ২ বাণিজ্যার্থে সুরিয়ার প্রান্তরে ও কখন ২ মেলাতে গমন করিতেন। আরবীয় লোকেরা হিন্দুদের ন্যায় মেলাতে ব্যবসায় বাণিজ্য করিত। বঙ্গদেশীয়েরা পুত্র জন্মিলে যেমন অতিশয় আঙ্লাদিত হয়, সেইমত আরব দেশীয়েরা প্রথম কবিতা রচনা করিলে অতি সন্তুষ্ট হইত; এবং তথাকার যে লোকেরা লেখাপড়া না জানে, তাহারাও কবিতা রচনার বিষয়ে তর্ক বিতর্ক করিত। আরবীয় লোকেরা কবিতাকে অতিশয় সন্ত্রম করিয়া সাত ধানি প্রশংসিত কবিতা পুস্তক জয় চিহ্নরূপে কাবা মন্দিরে টাঙ্গাইয়াছিল। যৌবনকালে মহম্মদ জীবিকার নিমিত্তে সাধারণ ব্যবসায়ে অনুপযুক্ত হওয়াতে মেষপালকের কর্ম করিতেন। কেবল অবিবাহিতা বালিকা ও ক্রীতদাসেরাই এই কর্ম করে বলিয়া, আরবীয় লোকেরা এক দিবস মহম্মদকে নিন্দা করিল; কিন্তু * তিনি নিন্দিত হইয়া উত্তর দিলেন, একর্ম অতি প্রশংসনীয়, কারণ ভবিষ্যৎজুগণ দায়ুদ ও মুসা ইহাই করিতেন।

* ওয়াকিদী; ইসহাক আবু ইসহাক।

আরবদেশে অনেক অসত্য জাতি ছিল। তাহারা কোন ব্যবস্থার অধীন না হইয়াও বৎসরের মধ্যে চারি মাস পুণ্য স্তানে যুদ্ধহইতে ক্রান্ত হইত। সে সময়ে ওকাদ মেলাতে বাদী ও প্রতিবাদী একত্র হইত, অর্থ দিয়া বন্দিদিগকে মুক্ত করিত, ঘোটকের বলের প্রশংসা করিত, এবং আপনাদের বিবাদ নিষ্পত্তির নিমিত্তে মধ্যস্থ নিযুক্ত করিয়া আদর করিত। যেমন হিন্দুরা জগন্নাথ ক্ষেত্রে রথযাত্রাকালে একত্র হয়, সেইরূপ আরবীয়েরা ঐ মেলায় একত্র হইত। সেই স্থানে কবিরা উৎকৃষ্ট ছন্দে প্রধান ২ ব্যক্তি সকলের ইতিহাস লিখিয়া পাঠ করিত, এবং ছন্দে ধর্ম বিষয়ে তর্ক বিতর্ক হইত।

মক্কা নগরের কোন স্থান প্রস্তরময় ও কোন স্থান জলহীন; তত্রস্থ ভদ্র লোকেরা বাণিজ্য ও ব্যবসায় কর্ম্মেতে রত ছিলেন। তাহারা কখন ২ কাকিলা অর্থাৎ বাণিজ্যার্থে অনেক যাত্রিকদিগকে একত্র করিয়া রাজাগণের ন্যায় তাহাদের শাসন করিতেন। কোরিস জাতির মক্কা নগর স্থাপন করিয়াছিল, তাহারা ব্যবসায়-দ্বারা ধন প্রাপ্ত হইয়াও বাণিজ্য করিত; কোরিসেরা মহম্মদের প্রপিতামহ স্তাম্বুল নগরের সম্রাট্ এবং হাবেস দেশের রাজার সহিত বাণিজ্যের বিষয়ে এক নিয়ম স্থাপন করিয়া-ছিলেন; ঐ কুলীন লোকেরা শস্ত, শুষ্ক দ্রাক্ষাকল, পশমী বস্ত্র ও অন্য ২ পূর্বদেশীয় দ্রব্যাদির বিনিময়ে স্মরিয়াদেশের খর্জুর ও স্ফঙ্গি দ্রব্য উষ্ট্রের দ্বারা আনয়ন করিতেন। সেই সময়ে নারীগণও চীন দেশীয় দর্পণ ব্যবহার করিত। কুলীনেরা বাণিজ্য-হইতে সত্যতা ও স্বথের বৃদ্ধি পাইয়া তাহাতে প্রবর্ত হইতেন।

মহম্মদ খুড়ার অনুরোধে ২৫ বৎসর বয়ঃক্রমে খাদাইজা নামী

এক জন মৃত ধনবান বণিকের স্ত্রীর সেবাতে নিযুক্ত হইয়া ছরিয়াদেশে গেলেন, এবং তিন বৎসরাবধি তাঁহার কর্তব্যকর্ম অতি উত্তমরূপে নির্বাহ করিতেন। খাদাইজা তাঁহার নিপুণতা দেখিয়া তাঁহাকে দ্বিগুণ বেতন দিতে লাগিল, তাহাতে মহম্মদের অনেক লাভ হইল। পরে খাদাইজা তাঁহাকে দক্ষিণ আরব দেশে প্রেরণ করিল। মুসলমান লোকেরা মহম্মদ বিষয়ক সেই সময়ের অনেক গল্প করে, যথা এক জন স্বর্গদূত তাঁহার মস্তকোপরি উড়িয়া পক্ষাঘাত করিয়া দিত, এবং তিনি কোন শুষ্ক বৃক্ষের তলে বসিলে সেই বৃক্ষহইতে তৎক্ষণাৎ ফুল ও কল পাইতেন, ইত্যাদি।

খাদাইজা প্রথমতঃ মহম্মদের সৌন্দর্য্যে আশ্চর্য্যান্বিতা এবং মোহিতা হইয়া কিছুকাল পরে তাঁহার প্রতি প্রেম প্রকাশ করিল, এবং মহম্মদও তাহাকে বিবাহ করিতে প্রেরিত করিলেন; কিন্তু খাদাইজার বয়স তখন ৪০ বৎসর, অথচ পূর্বে তাহার দুই বার বিবাহ হওয়াতে তিন সন্তান জন্মিয়াছিল, এবং মহম্মদ দরিদ্র ছিলেন; এই সকল কারণ প্রযুক্ত তাহার পিতা বিবাহেতে অসম্মত হইলেন। অবশেষে খাদাইজা কলে কোশলে পিতার সম্মতি পাইল; বিশেষতঃ, সে ভোজের সময়ে আপন পিতাকে নন্দ্যদ্বারা মত্ত করিলে তিনি নিজ কন্যা খাদাইজাকে মহম্মদের সহিত বিবাহ দিলেন। ভোজন সময়ে আবুভালব বক্তৃত্তা করিয়া কহিলেন, যে মহম্মদ দরিদ্র ইহা সত্য বটে, কিন্তু ধন হায়ার ন্যায় অস্থায়ি। তিনি বিবাহ কালে মহম্মদকে ১২ টা গাভী ও ২০০ টাকা যৌতুক প্রদান করিলেন। মহম্মদ তৎকালে একটা উষ্ট্র বধ করিয়া তাহার মাংস দরিদ্র লোকদিগকে

বিতরণ করিলেন। পরদিন প্রাতে খাদাইজার পিতার জ্ঞানোদয় হইলে তিনি এবং তৎসংশীয় লোকেরা মহম্মদ ও তাঁহার গোষ্ঠীর সহিত যুদ্ধ করিতে উদ্যোগ করিলে খাদাইজার প্রবোধদ্বারা নিবৃত্ত হইলেন। খাদাইজা খ্রীষ্টীয় ধর্মশাস্ত্র জ্ঞাতা ছিল, এবং মহম্মদকে অতিশয় ভাল বাসিত; এ জন্যে মহম্মদ তাহার সাংসারিক কর্মে এবং বুদ্ধির কৌশলে সন্তুষ্ট হইয়া তাহার মতানুসারে প্রায় সকল কর্ম করিতেন, কিন্তু খাদাইজা স্বীয় ধনের ভার তাঁহাকে অর্পণ করিত না। মহম্মদের ঔরসে তাহার ৬ সন্তান জন্মিয়াছিল; কিন্তু সে সকলের মধ্যে কতিমা নামে কেবল একটী কন্যা মহম্মদের মৃত্যুর পর অবধি বাঁচিয়াছিল। খাদাইজা জীবিত থাকিতে মহম্মদ অন্য বিবাহ করেন নাই।

বিবাহের পর মহম্মদ কখন ২ বাণিজ্যার্থে দেশান্তরে যাইতেন, কখন বা আরবীয় প্রান্তরে গিয়া যে বিহুদীয় ও খ্রীষ্টীয় লোকেরা দেবপুঞ্জকদের তাড়নাতে তথায় বাস করিত; তাহাদের সহিত সাক্ষাৎ করিতেন। ঐ প্রান্তরে নেষ্ঠর নামে এক বুদ্ধিমান খ্রীষ্টীয় উদাসীন থাকিত, তাঁহার সহিত মহম্মদ অনেক কথোপকথন করিতেন। যৎকালে দক্ষিণ আরবীয় রাজগণ খ্রীষ্টধর্মাবলম্বী হইয়া তৎধর্ম বিস্তারার্থ অতিশয় উৎসুক হইল, সেই সময়ে হাবেশ দেশীয় লোকেরা খ্রীষ্টীয় ৫২৯ শকে য়েমেন দেশ জয় করিয়া তথায় খ্রীষ্টধর্ম প্রচার করিল; অন্য প্রদেশে খ্রীষ্টিয়ান লোকদের যত্ননা পূর্বক রক্তপাত হইলেও তাহারা ঐ ধর্ম প্রচার করিয়াছিল।

চতুর্থ অধ্যায়।

মহম্মদ মুসলমানীয় ধর্ম সংস্থাপক।

মহম্মদ আপন জ্বরী ঐশ্বর্য্যেতেই মক্কা নগরে সম্রাস্ত এবং ক্ষমতাপন্ন হইয়া উঠিলেন। ঐ নগরস্থ বণিক লোকেরা রাজ তুল্য ছিল, মহম্মদও সেই ধনদ্বারা তাহাদের মধ্যে এক জন গণ্য হইলেন।

মহম্মদকে আমীন অর্থাৎ বিশ্বস্ত নাম দেওয়া গিয়াছিল, এ প্রযুক্ত মক্কাস্থ লোকেরা তাঁহাকে কখন ২ মধ্যস্থ করিয়া মানিত। মহম্মদের ৩৫ বর্ষ বয়ঃক্রম কালে কাবামন্দির ভগ্ন হওয়াতে, তাহারা সেই কাল প্রস্তর লইয়া, কে প্রথমে এই পাথরখানী মন্দিরের মধ্যে রাখিবে? এই বিবাদ করিল। পরে মহম্মদ মধ্যস্থ হইয়া ঐ প্রস্তর বস্ত্রে স্থাপন করত বিবাদিগণকে ধারণ করাইয়া মন্দিরের মধ্যে রাখিয়া বিরোধ তঞ্জন করিলেন।

এইক্রমে তাঁহার ধন থাকাতে তিনি অবকাশ পাইয়া ঐশ্বরধ্যানে মনোনিবেশ পূর্ব্বক কাল যাপন করিতেন; তাহাতে তিনি ধর্ম্মবিষয়ে এমত ব্যস্ত হইতে লাগিলেন, যে সকলে তাঁহাকে উন্নত বোধ করিত। তিনি স্বপ্নেও ঐ সকল বিষয়ের আন্দোলন করিতেন। কথিত আছে, এক দিন তিনি স্বপ্নে দেখিয়াছিলেন; যেন এক জন স্বর্গদূত আসিয়া কহিল; তুমি পড়, ঐশ্বর কলমা অর্থাৎ লিখিত কথাদ্বারা অজ্ঞদিগকে শিক্ষা দেন। পরে মহম্মদ প্রতিমাপূজা একেবারে পরিত্যাগ করিয়াও খ্রীষ্টধর্ম্মাবলম্বী হইলেন না; বরঞ্চ খ্রীষ্টের ঐশ্বরত্বে বিশ্বাস না করিয়া এবং

খ্রীষ্টিয়ানদিগকে পরস্পর বিবাদ করিতে দেখিয়া তিনি আপনি এক নূতন ধর্ম প্রকাশ করিলেন ।

মহম্মদের মনে ধর্মবিষয়ক তর্ক বিতর্ক উপস্থিত হইয়া ক্রমে ২ বৃদ্ধি পাইতে লাগিল । তিনি মক্কার নিকটবর্ত্তী উপনিগিরিতে জন্মণ করিতেন, তাহাতে প্রতিদিন কোথায় যান, তাঁহার স্ত্রী ইহা অনুসন্ধানার্থে লোককে প্রেরণ করিত । তখন মহম্মদের মন এমত চঞ্চল হইয়াছিল, যে তিনি কখন ২ উচ্চস্থানহইতে পতিত হইয়া আত্মহত্যা করিবার মানস * করিতেন, ইহাতে তাঁহার বন্ধুগণ ভীত হইত । তীক্ষ্ণ বুদ্ধি প্রযুক্ত তিনি এমত ব্যগ্রচিত্ত ছিলেন যে কেহ ২ কহিত, উনি উদ্ভ্রান্ত হইয়াছেন ; আর অন্য ২ লোকেরা কহিত, না, উনি শয়তান ; এবং তদনুগত জীন (অর্থাৎ ভূত) লোকেরা তৎকর্তৃক শাসিত হইতেছে ।

তৎকালে মহম্মদ দেবপূজকদের ন্যায় ব্যবহার করিতেন ; একারণ অনেক উপবাস ও সমস্ত রাত্রিতেই ইশ্বরের আরাধনা করত তিনি ঠৈপতৃক রীত্যনুসারে রমজান মাসে হিরা নামক গহ্বরে গিয়া থাকিতেন, পরে মক্কা নগরে যাইয়া কাবা মন্দির-কে সপ্তবার প্রদক্ষিণ করিতেন । এই অবস্থাতে মহম্মদের পঞ্চদশ বৎসর গত হয় । ইতোমধ্যে আরব দেশীয় অনেক লোক প্রতিমাপূজা পরিত্যাগ পূর্ব্বক অদ্বিতীয় এক পরমেশ্বরের শ্রেষ্ঠ ধর্ম গ্রহণ করিয়াছিল ।

চল্লিশ বৎসর বয়সের সময়ে মহম্মদ স্বীয় ধর্মের কথা প্রথমতঃ আপন স্ত্রীর নিকট প্রকাশ করিয়া কহিলেন ; যে

* মিশকাদ ওয়াকিদী।

হিয়ার মধ্যে সাক্ষি দুই প্রহরের সময়ে জিব্রিয়েল স্বর্গধূত আসিয়া আমাকে কহিয়াছিলেন, যে মহম্মদ, তুমি পরমেশ্বরের প্রেরিত । এই কথা শুনিয়া খাদাইজা তাঁহার ধর্ম গ্রহণ করিল, কলতঃ সে খ্রীষ্টীয় ধর্ম উত্তমরূপে জ্ঞাতা ছিল। পরে তাহার কুইছ ওয়ারকা মহম্মদের ধর্ম গ্রহণ করিলেন; তিনি যিহুদীয় লোক ছিলেন, এবং ধর্মপুস্তকের কোন ২ অংশ আরবীয় ভাষায় অনুবাদ করিয়াছিলেন। মহম্মদের অরব্দ নামক ক্রীতদাস তাঁহার ধর্ম গ্রহণ করিতে তিনি তুষ্ট হইয়া তাহাকে দাসত্বহইতে মুক্ত করিলেন; আর তদবধি এই প্রাণী মুসলমানদের মধ্যে চলিত আছে, যে ক্রীতদাস মহম্মদীয় ধর্ম গ্রহণ করিলে দাসত্বহইতে মোচন পায়। তৎপরে মহম্মদের কুইছ আলী দশবৎসর বয়ঃক্রমের সময়ে আপন স্ত্রী ও ক্রীতদাসের সহিত এই ধর্ম গ্রহণ করিলেন ।

তৎকালে মক্কাহু ক্রীতদাসগণ প্রায় খ্রীষ্টীয় দেশহইতে বন্দী-রূপে যৌবনাবস্থায় আনীত হইয়াছিল; আর তৎকার অন্য ক্রীতদাসেরা খ্রীষ্টীয় পিতামাতাহইতে উৎপন্ন হইয়াও শিক্ষা না পাওয়াতে ধর্মের বিষয় অভ্যঙ্গ জ্ঞানিত। তাহারা খ্রীষ্টীয় ধর্মের যৎকিঞ্চিৎ শুনিলে আপনাদের মুক্তাবস্থা ও গৃহাদির স্মরণ করিত। ক্রীতদাসীরা আপন ২ স্বামী ও ভ্রাতৃগণের প্রতি দেব-পুঞ্জকদের অপেক্ষা পরমেশ্বর বিষয়ক প্রকৃত ভাব প্রকাশ করিত। এবং তাহারা প্রথমতঃ মহম্মদের ধর্ম গ্রহণ করিল; কলতঃ মহম্মদ ধর্ম প্রকাশক হইয়া আমাদের মুক্তিদাতা হইবেন, ইহা তাহারা বোধ করিত, আর তাঁহাকে মূগীরোগে পীড়িত দেখিয়া ঈশ্বর-বির্ভূত জ্ঞান করিত। দেবপুঞ্জক লোকেরা তাহাদিগকে অনেক

যজ্ঞণা দিয়া তাহাদের মধ্যে দুই জনকে হত্যা করিল। আবদাল্লা যোদনের অধীনে এক শত ক্রীত দাস ছিল, তাহারা পাছে মহম্মদীয় ধর্ম গ্রহণ করে, এই ভয়েতে আবদাল্লা তাহাদিগকে মক্কা নগরহইতে স্থানান্তরে লইয়া গেলেন। মহম্মদ নীচ জাতীয় লোকদিগের সহিত বন্ধুর ন্যায় আলাপ ব্যবহার করিতে সেই ব্যক্তিয়া তাঁহার প্রতি ক্রমশঃ আসক্ত হইতে লাগিল। যে ক্রীতদাসেরা ধর্মের কারণ যজ্ঞণা ভোগ করিতেছিল, আবুবকর তাহাদিগকে ক্রয় করিয়া * লেই অবস্থাহইতে মোচন করিলেন।

ক্রীতদাসদিগের মধ্যে জয়েদ নামক এক ব্যক্তি অতি প্রসিদ্ধ। সে বাল্যকালে স্ববংশীয়দিগকে দর্শনার্থে আপন বাজার সহিত এক দিন গমন করিতেছিল, ইত্যবসরে দস্যুরা আসিয়া তাহাকে বন্ধন করিয়া সুরিয়ার প্রান্তরে লইয়া গেল। তৎপরে খাদাই-জার জাজুপুল তাহাকে ক্রয় করিয়া আপন পিষীর দিকটে সমর্পণ করিলে মহম্মদ তাহাকে ভাল বাসিয়া দাসত্বহইতে মুক্ত করিয়া পোষ্যপুত্র করিলেন। মহম্মদ জয়েদের প্রতি এমনতর প্রেম করিতেন যে সে অভিযাত্রকার প্রিয় নামে বিখ্যাত হইয়াছে। জয়েদ এবং তাহার বংশীয়েরা খ্রীষ্টিয়ান প্রযুক্ত মহম্মদকে ধর্মের বিষয়ে অনেক প্রকার প্রবৃক্তি দিল।

বিলাল নামে আর এক জন খ্রীষ্টিয়ান ক্রীতদাস মক্কা নগরে থাকিত। তাহার পিতা ছাবিশ দেশীয় লোক ছিল। ঐ বিলাল তাহার নিজ প্রভুর অতি প্রিয়পাত্র, কিন্তু প্রতিযাপুত্র করণে

* অন্যান্যি; ওয়াকিদী।

অস্বীকৃত হওয়াতে প্রভু তাহাকে অনেক যন্ত্রণা দিয়াছিলেন। এক সময়ে তিনি ২৪ ঘণ্টা পর্যন্ত বিলালকে অনাহারে রাখিয়া পর দিবসে দুই প্রহর সময়ে তপ্ত বালুকার উপর শুয়াইয়া বন্ধ-স্থলে পাথর চাপাইয়া দিলেন। এই সকল দুঃখ পাইয়াও বিলাল প্রতিমাপূজা করিতে স্বীকার করিল না। আবুবকর সেই স্থানে আসিয়া তাহার ঐ সকল যন্ত্রণা দেখিয়া প্রভুর নিকটহইতে তাহাকে ক্ষয় করিয়া দাসত্বহইতে মোচন করিলেন। মহম্মদ নূতন ধর্ম প্রকাশ করিবা মাত্র বিলাল তাহা অবলম্বন করিল। তৎপরে সে প্রাতঃকালীন প্রার্থনার মুয়াজ্জিন্ হইল, অর্থাৎ লোকদিগকে প্রার্থনায় আহ্বান করিত।

জবর নামে এক জন খন্দরনির্মাণকারি গ্রীস দেশীয় খ্রীষ্টিয়ান মহম্মদীয় ধর্ম গ্রহণ করিয়াছিল; কিন্তু সে তন্নিমিত্তে অনেক যন্ত্রণা পাইয়া তাহা পরিত্যাগ করিল। তৎপরে তাহার প্রভুও মুসলমান হওয়াতে জবর পুনর্বার ঐ ধর্মাক্রান্ত হইল।

গ্রীস দেশীয় কোহাইব নামে অন্য এক জন খ্রীষ্টিয়ান মুসলমান ধর্ম গ্রহণ করিল। সে যৌবনাবস্থায় আপন দেশহইতে পলাইয়া মক্কানগরে উপস্থিত হইয়া আরবীয় ভাষা এমত শুদ্ধ রূপে শিক্ষা করিয়াছিল, যে অনেকে তাহাকে আরবীয় লোক বোধ করিত। তৎপরে কোহাইব অনেক ধন উপার্জন করিল। কোরেশ বংশীয়দের দ্বারা সে ধর্মের নিমিত্তে বহু প্রকারে তাড়িত হইয়াছিল। মহম্মদ যখন মক্কাহইতে মদীনাতে প্রস্থান করেন, সেই সময়ে ঐ ব্যক্তি তাহার সঙ্গে যাইতে উদ্যত হইলে কোরেশ লোকেরা কহিল, তুমি এখানে থাকিয়া ধনী হইয়াছ, অতএব এস্থানহইতে গেলে তোমার অকৃতজ্ঞতা প্রকাশ

হইবে। তখন সে কহিল, আমি আপনার সমস্ত বিষয় পরিত্যাগ করিয়াও এস্থানহইতে যাইব; ইহাতে কোরেশীয়েরা তাঁহাকে মদীনায় যাইতে অনুমতি দিল।

অমরা অবশ্য নামে এক জন আরবীয় প্রথম মুসলমানদের মধ্যে গণ্য হইল। তাহার বংশীয়েরা প্রস্তুতপূজক ছিল। তাহাদের দেশাধ্যক্ষ প্রস্তুত অশ্বেষণার্থে স্থানান্তরে গমন করিয়া চারিখানা প্রস্তুত পাইল; তন্মধ্যে এক খানি মনোনীত করিয়া অন্য তিন খানা পরিত্যাগ করিল। যাইতে ২ অঙ্গুষ্ঠ দূরে একখানা তদপেক্ষা উত্তম পাথর প্রাপ্ত হওয়াতে সে প্রথম খানা ত্যাগ করিল। তৎপরে আর এক অত্যুত্তম প্রস্তুত পাইয়া তাহা মনোনীত করিয়া পূর্ব মনোনীত প্রস্তুতকেও কেলিয়া দিল। ইহা শুনিয়া অমরা বোধ করিল যে দেবতার মনুষ্যদিগের উপকার কি অপকার কিছুই করিতে পারে না, কারণ পুনঃ ২ পাথর পরিবর্তন করিলেও যদি তাহাতে কোন হানি না অস্মাইল, তবে ইহা-ঘারাই জানিতে পারা যায় যে দেবতাদের হইতে কোন হিতাহিত হয় না। পরে অমরা এক যিহুদীয় লোকের মুখে শুনিল যে আরব দেশে এক জন ভবিষ্যৎজ্ঞার উদয় হইবে, তজ্জন্য সে তাহাকে মকায় যাইতে পরামর্শ দিল। পরে অমরা তথায় উপস্থিত হইয়া মহম্মদকে জিজ্ঞাসিল, আপনার কত শিষ্য আছে? মহম্মদ উত্তর করিলেন যে দুই জন মাত্র, আবুবকর আর এক জন ক্রীতদাস। তাহাতে সে কহিল, তবে আমি আপনার তৃতীয় শিষ্য হইলাম।

মহম্মদের ৪৩ বর্ষ বয়ঃক্রম সময়ে ৪০ জন মাত্র তৎসম্মানান্ত হইয়াছিল, তাহাদের মধ্যে কেহ ২ ক্রীতদাস ও কেহ ২ বিদেশী

৪৬ মহম্মদ আপন মত মক্কানগরে প্রচার করেন ।

ও নাস্তিক, ও কেহ বা তাঁহার নিজ কুটূষ ছিল । তাহা-
দিগের মধ্যে জাহ নামে এক কামার, ও খাদাইজার ডাইপো
যুবায়ের, এবং টোলহা নামে কসাই, এই তিন জন অতি বুবা ।
জাহ মহম্মদীয় ধর্মের জন্যে প্রথমে রক্তপাত করে, বিশেষতঃ
মহম্মদ ও তাঁহার সঙ্গিগণ মক্কার নিকটে এক গহ্বরে উপস্থিত
হওয়াতে দেবপূজকেরা আসিয়া তাঁহাদিগকে হঠাৎ আক্রমণ
করিলে জাহ উঠের অস্থিধারা এক জনকে ক্রতবিকৃত করিল ।

মহম্মদের কুটূষ সকল কোরেশ জাতীয় লোক ছিল; তাহারা
প্রতিমা পূজাতে আসক্ত হইয়া নূতন ধর্মের প্রতি ঘেব করিত ।
যাত্রিক লোকেরা কাবা মন্দিরে অনেক দ্রব্যাদি উৎসর্গ করাতে
কোরেশেরা তদ্বারা বিস্তর ধন প্রাপ্ত হইত; মহম্মদ তাহাদের
ভয়ে মক্কার নিকটস্থ গর্তের মধ্যে বাইয়া প্রার্থনা করিতেন ।

মহম্মদ একপে তিন বৎসর পর্যন্ত গোপনে ধর্মের বিষয়ে
কথোপকথন করিয়াছিলেন । পরে ধর্মচিন্তায় তাঁহার স্মৃহতার
হাস হওয়াতে খ্রীষ্টীয় ৬১৪ সালে তিনি আপন মত মক্কার গণে
ঘোষণা করিতে স্থির করিলেন । যখন তিনি প্রথমে ঈশ্বর-
বিষয়ক কথা ঘোষণা করিতেন, তখন সকলে তাঁহাকে কেবল
পরিহাস করিত; কিন্তু যখন প্রকাশরূপে বলিলেন, যে আমা-
দের পূর্বপুরুষেরা প্রতিমাপূজা করাতেই নরক যন্ত্রণা ভোগ
করিতেছে; তখন তাহারা তাঁহাকে বধ করিতে মনস্থ করিল ।
মক্কাস্থ কুলীনেরা কালীঘাটস্থ হালদারদের ন্যায় প্রতিমা পূজা-
হইতে অনেক ধন উপার্জন করিতেন, অতএব তাঁহারা সকলই
মহম্মদের বিপক্ষ হইয়া উঠিলেন । মহম্মদ যুগী রোগগ্রস্ত
ও মেঘপালক হওন প্রযুক্ত তাঁহাদের উপহাসের আশ্পদ

হইয়াছিলেন, কিন্তু তিনি তাঁহাদের কথায় মনোযোগ করিতেন না ।

কোরেশ জাতীয়েরা মহম্মদকে দশু দিবার জন্যে তাঁহার পিতৃব্য আবুতালেবের নিকট তাঁহাকে দেশান্তর করিতে প্রার্থনা করিল । কিন্তু তিনি দেবপুত্রক হইয়াও মহম্মদকে শত্রুহস্তে সমর্পণ করিতে অসম্মত হইলেন, কারণ তিনি মহম্মদের স্বজাতীয় ছিলেন; কলতঃ আরবীয় জাতির এই এক নিয়ম ছিল যে স্বজাতীয় ব্যক্তির প্রাণ রক্ষা করা অতি উচিত, তাহাতে তাহার ধর্মনিয়মহইতেও জাতির নিয়ম প্রিয়তমান ও মান্য করিত । কোরেশ জাতীয়েরা মহম্মদকে ভয় দেখাইলেও তিনি কিঞ্চিন্মাত্র ভীত না হইয়া আপন পিতৃব্যকে বলিলেন, যে আমার দক্ষিণ হস্তে সূর্য ও বাম হস্তে চন্দ্র রাখিলেও আমি আপন প্রতিজ্ঞার অন্যথা করিব না । তাঁহার পিতৃব্য কহিলেন, তুমি এমত ব্যগ্র হইও না ; তাহাতে মহম্মদ কহিলেন, আমি যে পর্যন্ত ইহাপেক্ষা আরো উত্তম ধর্ম না পাই, তাবৎ জীবন ষাকিতে এই ধর্ম প্রচার করণে ক্লান্ত হইব না । তখন তাঁহার খুড়া কহিলেন, ভাল তোমার বাহা ইচ্ছা তাহা কর, আমি তোমাকে রক্ষা করিব । আবুতালেবের অনুরোধে তজ্জাতীয় লোক সকলও তাঁহাকে রক্ষা করিত । অন্য সময়ে কোরেশীয়েরা তাঁহার খুড়াকে কহিল, আমরা মহম্মদকে মারিয়া তাহার পরিবর্তে অন্য ব্যক্তিকে তোমার পোষ্যপুত্র করিয়া দিব । আবুতালেব উত্তর দিলেন, উর্ধ্বী স্ববৎস ব্যতীত অন্য বৎসকে ভালবাসে না । তৎপরে কোরেশ জাতীয়েরা তাঁহার ভয়ে উক্ত রূপ দৌরাভ্যহইতে ক্লান্ত হইল ; তথাচ তাহার মহম্মদকে নানা প্রকার অপমান করিত ।

এক সময় তাহারা কাবা মন্দিরে তাঁহার দেখা পাইয়া গলা টিপিয়া ধরিল, এবং চর্মপাদুকাদ্বারা মুখেতে পুনঃ ২ আঘাত করিয়া তাঁহার নাসিকা চেপটা করিয়া দিল ।

এক দিন মহম্মদ সাকা নামক উপগিরিতে আপন কুটূষদিগকে আহ্বান করিয়া কহিলেন, যদি তোমরা প্রতিমাপূজা ত্যাগ না কর, তবে তোমাদের নরক যন্ত্রণা হইবে। তাহাতে তাঁহার পিতৃব্য আবুলাহব তাঁহাকে অভিশাপ দিয়া কহিলেন ; এ কী সংবাদ তুমি আপন কুটূষদিগকে দিতেছ ? ইহা কহিয়া আবুলাহব প্রস্থর তুলিয়া মহম্মদকে আঘাত করিতে উদ্যত হইলেন । তখন মহম্মদ উচ্চৈঃস্বরে কহিলেন, “তোমার হস্ত অভিশপ্ত হউক ! তোমার স্বর্ণ মুদ্রাদিতে কোম উপকার হইবে না ; এবং তুমি ও তোমার স্ত্রী নরকায়িতে দণ্ড হইবে, কারণ সে আমার ধর্মপথে কণ্টক দিতেছে, অতএব সে গল দেশে তালপত্রদ্বারা বন্ধ হইয়া নরকে আনীত হইবে” । কিছু দিন পরে মহম্মদ পুনরায় ঐ কুটূষ লোকদিগকে আহ্বান করিয়া তাহাদিগের নিকট স্বর্গ ও নরকের বিষয় প্রস্তাব করিলেন । তৎকালে তাহারা তাঁহার কথা মানিল না বটে, কিন্তু সকলই তাঁহাকে শত্রুগণ-হইতে রক্ষা করিতে স্থির করিল ।

তৎপরে মহম্মদ কিছুকাল সাকা উপগিরিতে অবস্থিতি করিয়া আপন ধর্ম গ্রহণ করাওনার্থে কোরেশ জাতীয়দিগকে আহ্বান করিলেন । কিন্তু তাহারা মহম্মদের প্রতি উপহাস করত অঙ্গুলি তুড়ী দিয়া কহিল, এ তো আবদুল মতালবের পৌত্র ; এ কি স্বর্গীয় ঘটনার বিষয় সকল জানে ? এবং যখন তিনি কোরানের কোন অংশ পাঠ করিতে আরম্ভ করিলেন, তখন

তঁাহার পাঠের ব্যাঘাত জন্মাইবার জন্যে কেহ কবিতা কেহ গল্প ও কেহ বা বাদ্যধ্বনি করিতে লাগিল। এক দিন মহম্মদ কাবা মন্দিরে প্রার্থনা করিতেছিলেন, সেই সময়ে এক জন তঁাহার বস্ত্রে বিষ্ঠা নিক্ষেপ করিলেও তিনি এই অপমান সহ্য করিলেন। পরে তাহার তঁাহাকে আশ্চর্য্য কৰ্ম্ম করিতে বলিলে তিনি কহিতেন, পরমেশ্বর আমাকে আশ্চর্য্য কৰ্ম্ম করিতে পাঠান নাই, বরং ধৰ্ম্ম কথার ঘোষণা করিতে প্রেরণ করিয়াছেন।

ষষ্ঠ বৎসরের মধ্যে মহম্মদের পিতৃব্য হাম্জা তম্বতাবলদ্বী হইলেন। তিনি মুসলমানদের মধ্যে সাহসিক প্রযুক্ত “ইশ্বরের ধৰ্ম্মসিংহ” নামে বিখ্যাত হইয়াছেন। এক দিন হাম্জা যুগয়া করিয়া প্রত্যাগমন কালে শুনিলেন যে মহম্মদের অন্য পিতৃব্য আবুজাল ও কোরেশ লোকেরা একত্র হইয়া তঁাহার গাত্রে বিষ্ঠা নিক্ষেপ করিয়া পদাঘাত দ্বারা অপমান করিতেছে; তাহাতে হাম্জা অতিশয় কোপান্বিত হইয়া বল ও বীৰ্য্য প্রকাশ পূৰ্ব্বক মন্দিরহইতে মহম্মদকে উদ্ধার করত আবুজালকে তীরদ্বারা আঘাত করিলেন। তৎকালে তিনি কহিলেন, আমিও তোমাদিগের প্রস্তুত নির্মিত প্রতিমাকে বিশ্বাস করিতেছি না। কোরেশ লোকেরা এই কথা শুনিয়া অত্যন্ত ক্রোধ পূৰ্ব্বক প্রতিজ্ঞা করিল যে কেহ হাম্জাকে বধ করিবে, আমরা তাহাকে এক শত উষ্ট্র পুরস্কারস্বরূপে দান করিব।

ঐ সময়ে ওমার নামা এক সন্ত্রাস্ত ব্যক্তি মহম্মদের মতে আইলেন। তিনি প্রথমে মহম্মদের শত্রু হইয়া তঁাহাকে মারিতে উদ্যত হইয়াছিলেন, (তখন তঁাহার বয়স ২৩ বৎসর,) ইতিমধ্যে শুনিলেন, যে আমার নিজ ভগিনীও তম্বতাবলদ্বিনী

৫০ শক্রগণ মহম্মদের শিষ্যদিগকে তাড়না করে।

হইয়াছে; তাহাতে ওমার তৎক্ষণাৎ ভগিনী গৃহে গমন করিয়া তাহাকে প্রহার করত রক্তপাত করিলেন। ইহা দেখিয়া ওমারের কিছু দুঃখ বোধ হওয়াতে তিনি কোরান শুনিতে চাহিলেন, পরে তাহা শ্রবণে সন্তুষ্ট হইয়া মহম্মদের নিকটে গিয়া আপনিও তন্মত অবলম্বন করিলেন। ঐ ব্যক্তি মহম্মদের ধর্ম গ্রহণ করিলে পর তাঁহার শিষ্যদের সংখ্যা অতি শীঘ্র দ্বিগুণ হইল; এবং যে অবধি ওমার মহম্মদের পক্ষ হইলেন সে অবধি তিনি ও তাঁহার শিষ্যেরা প্রকাশ্যরূপে কাবা মন্দিরে প্রার্থনা করিতে সক্ষম হইলেন।

মহম্মদের স্বজাতীয়েরা তাঁহার পক্ষ হওয়াতে শক্ররা তাঁহার কিছু অনিষ্ট করিতে না পারিয়াও তাঁহার শিষ্যদিগকে বল-পূর্বক তাড়না করিতে ক্রান্ত হইল না; বধা তাহারা তাহাদিগকে অনাহারে রাখিয়া জল পান করিতে দিত না, এবং গ্রীষ্মকালে মধ্যাহ্নের সূর্য্যতাপে উত্তপ্ত বালুকার মধ্যে নিক্ষিপ্ত করিয়া মৃত্যু পর্য্যন্ত প্রহার করিত।

খ্রীষ্টাব্দের ৬১৯ সালে দরিদ্র শিষ্যদের মধ্যে অনেকে বস্ত্রণা পাইয়া কেহ ২ প্রতীমা পূজা করিতে পুনর্ব্বার আরম্ভ করিল; ইহাতে মহম্মদ বিরক্ত হওয়াতে তাঁহার আজ্ঞানুসারে ১১ জন পুরুষ ও ৪ জন স্ত্রী হাবেশ দেশে পলায়ন করিল। কোরেশীয় লোকেরা ঐ কথা শুনিয়া তদ্দেশের নৃপতির সমীপে এক দূতকে প্রেরণ করিয়া নিবেদন করিল; মহম্মদের পক্ষীয় যে সকল লোক তোমার দেশে গিয়াছে, তুমি তাহাদিগকে ধরাইয়া আমাদের কাছে অর্পণ কর। কিন্তু রাজা দূতকে কহিলেন, অসম্মদীয় খ্রীষ্টিয়ান ধর্ম প্রায় মহম্মদীয় ধর্মের তুল্য; অতএব ঐ লোকদিগকে আমি ধরাইয়া দিতে পারিব না।

৬১৮ সালে কোরেশ জাতীয়েরা মহম্মদকে বলিল; তুমি যদি দেবপূজক লোকদিগকে তিরস্কার করিতে ক্লান্ত হও, তবে আমরা তোমার সহিত বন্ধুতার নিয়ম করিতে পারি। ইহা শুনিয়া তিনি কহিলেন, আমি শাস্তির নিমিত্তে আপন মনস্থ গোপনে রাখিতে পারিব না। তাঁহার মাতা ও পিতৃব্য দেবপূজক থাকিয়া মরাতে তিনি প্রকাশ রূপে কহিলেন, উঁহারা নরকগামী হইয়াছেন। সুতরাং তিনি তাঁহাদের স্মৃতির নিমিত্তে প্রার্থনা করিতে এবং দেবপূজকদিগের কবর মান্য করিতে আপন শিষ্যদিগকে নিষেধ করিলেন।

কোরেশ লোকেরা মহম্মদের জাতি ও কুটুম্বদিগের অনুপকার করিবার নিমিত্তে পরস্পরের মধ্যে এক নিয়ম করিয়াছিল, যে তাহার ও তাহার রক্ষকদের সহিত আমাদের কেহ বিবাহের সম্বন্ধ ও বাণিজ্য করিবে না, এবং তাহাদের মিকটে কোম খাদ্য দ্রব্য বিক্রয় করিবে না। এই নিয়মপত্র কাবা মন্দিরের মধ্যস্থলে টাঙ্গান ছিল। পরে কোরেশীয়েরা তাঁহাদিগকে দূর করিয়া মক্কার এক ভিন্ন পল্লীতে বাস করিতে দিল।

ইহার পরে মহম্মদ ও তাঁহার শিষ্যগণকে বধ করণার্থে কোরেশ লোকেরা এক নূতন মন্ত্রণা করিল; তাহাতে আবুতালেব মক্কা নগরের সমীপস্থ এক স্থানে তাঁহাদিগকে আশ্রয় দান করিলেন। পরে কেহ গোপনে আসিয়া মহম্মদকে বধ না করে এ নিমিত্তে আবুতালেব তাঁহার শয়নাগার প্রতিদিন পরিবর্ত করিতেন। মহম্মদ ও তাঁহার শিষ্যেরা ঐ স্থানে অবস্থিতি করিয়া পুণ্য মাস ব্যতীত বাহিরে যাইতে পারিতেন না, এজন্যে আহারাভাবে তিন বৎসর পর্য্যন্ত বড় ক্লেশ পাইতেন। বধন কোরেশ

লোকেরা দেখিল যে মহম্মদের কুটুংহেরা তাঁহাকে পরিত্যাগ করিল না, আর মক্কাস্থ লোকেরা তাঁহার প্রতি সদয় হইলে তাঁহার শত্রুগণের মধ্যে পরস্পর বিবাদ ঘটতে উক্ত নিয়ম ভঙ্গ হইল, তখন তাহার তাঁহাকে মুক্ত করিতে চাহিল; আর এক জন আসিয়া কাবা মন্দিরে টাঙ্কান ঐ নিয়মপত্র ছিন্ন করিয়া ফেলিল। অধিকন্তু শত্রুদের মধ্যেও কতক গুলিন লোক তাঁহার তাড়না দেখিয়া তাঁহার দলভুক্ত হইল; এই রূপে তাড়না দ্বারাই তাঁহার দলের বৃদ্ধি পাইল। পরে মহম্মদ মক্কায় আগমন পূর্বক কাবা মন্দিরে ঘোষণা করিলেন, তাহা শুনিয়া নেজেরান দেশীয় এক জন খ্রীষ্টিয়ান তৎক্ষণাৎ তাঁহার ধর্ম গ্রহণ করিল।

তৎকালে যে সকল শিষ্যগণ হাবেশ দেশে পলায়ন করিয়াছিল, তাহাদের সংখ্যা ৮৩ জন পুরুষ ও ১৮ জন স্ত্রী ছিল। তাহার। মহম্মদের মদীনা গমন পর্য্যন্ত হাবেশ দেশের মধ্যে থাকিল। তথায় অনেক আরবীয় লোক ছিল। তাহার। আপনাদের দেশহইতে তাড়িত হইয়া যিহূদীয় রাজা সুলেমানের রাজত্ব সময়াবধি তদ্দেশে প্রবাস করিয়াছিল। খ্রীষ্টীয় ৫২৫ সালে হাবেশ লোকেরা যেমেন দেশ জয় করিয়া লুট করণ কালে অনেক ক্রতি ও বহু লোক হত্যা করিল। গ্রিগেস্টিয় নামে এক বিশপ আলেকজেন্দ্রিয়া নগরহইতে প্রেরিত হইয়া উক্ত দেশে আসিয়া বসতি পূর্বক অনেক ২ লোককে খ্রীষ্ট ধর্মাবলম্বী করিয়াছিলেন। ইব্রাহীম নামক হাবেশীয় রাজা তাঁহার সাহায্য করিয়া যেমেন দেশের সানা নগরে অত্যুৎকৃষ্ট খ্রীষ্টীয় মন্দির স্থাপন করিলেন। পরে আরবীয় লোকেরা

মক্কার পরিবর্তে ঐ স্থানে তীর্থযাত্রা করিবে, এই ইচ্ছাতে তিনি সকলকে প্রবৃত্তি প্রদানার্থে নানা দেশে দূতগণকে পাঠাইলেন; কিন্তু আরবীয় লোকেরা সানা মন্দিরের মধ্যে এক জনকে বধ করিল, এবং অন্যেরা মন্দিরকে অপবিত্র করিল; ইহাতে ইব্রাহীম ক্রোধান্বিত হইয়া স্নসজ্জিত সৈন্য সমভিব্যাহারে কাবা মন্দির ধ্বংস করণার্থে মক্কায় প্রস্থান করিলেন। তৎকালে মহামারী উপস্থিত হওয়াতে ইব্রাহীম রাজা আপনিই হৃত্যু গ্রাসে পতিত হইলেন। ৫৭০ সালে তাঁহার উত্তরাধিকারী অতিশয় দৌরাত্ম্য করাতে আরবীয় লোকেরা তাঁহার প্রতি বিদ্রোহিতাচরণ করিতে আরম্ভ করিল, এবং পারস্য দেশের সম্রাট তাহাদিগকে সাহায্য প্রদান করিয়া বখাৰ্হ লোকদিগকে কারাগারহইতে মুক্ত করিয়া যুদ্ধ করিতে প্রবর্ত্ত হইলেন। ঐ যুদ্ধে হাবেশ লোকেরা পরাজিত হইয়া উক্ত সম্রাটের অধীন হইল। ২০ বৎসর পরে হাবেশ লোকেরা ঐ রাজাকে বধ করিল, কিন্তু পারস্য দেশের রাজা সৈন্যগণ প্রেরণ করিয়া আত্মা দিলেন, যে ষত লোকদের চৰ্ম্ম শ্যামবর্ণ ও চুল কুঞ্চিত, তাহাদিগকে বধ কর।

মহম্মদের স্ত্রী খাদাইজা ৬৪ বৎসর বয়স্কা হইয়া খ্রীষ্টাব্দের ৬১৯ সালে লোকান্তরগতা হয়। সে মহম্মদের মস্ত্রিণী ছিল, এবং তাঁহাকে বহু ধন প্রদান করাতে তিনি নিশ্চিন্ত হইয়া ধ্যান করিতে অবকাশ প্রাপ্ত হইয়াছিলেন। ঐ স্ত্রী মহম্মদ অপেক্ষা ১৫ বৎসর অধিক বয়স্কা, তথাপি সে জীবিতা থাকিতে মহম্মদ অন্য স্ত্রীতে আসক্ত হন নাই; কিন্তু তাহার হৃত্যুর পর তিনি আপনার স্বাভাবিক লাম্পট্য প্রকাশ করিতে লাগিলেন। তিনি

স্ত্রীবিয়োগে অতিশয় শোকাকুল হন নাই, বরঞ্চ তাহার মৃত্যুর দুই মাস পরে সাদা নামে এক বিধবা স্ত্রীকে বিবাহ করেন। ঐ স্ত্রী কিছু কাল পুর্বে আপন স্বামির সহিত হাবেশ দেশে গমন করিলে তথায় তাহার স্বামির মৃত্যু হওয়াতে সে স্বদেশে প্রত্যাগমন করিল। মহম্মদ সাদাকে বিবাহ করিয়া পরে আবুবকরের কন্যা আয়েশার সহিত বিবাহের সম্বন্ধ স্থির করিলেন; তৎকালে সে বালিকার ৩ বৎসর মাত্র বয়স হইয়াছিল। তিন বৎসর পরে মহম্মদ তাহাকে বিবাহ করেন। তৎকালে ৫০ বৎসর বয়স্ক হইলেও তাহার উপর ঐ স্ত্রীর প্রভুত্ব হইল। মহম্মদ তাহাকে আরবীয় ভাষা উত্তমরূপে শিক্ষা করাইলেন। এক দিবস মহম্মদের মনে খাদাইজার মৃত্যু স্মরণ হওয়াতে তিনি অতিশয় দুঃখিত আছেন, এমনত সময়ে আয়েশা কহিল, তুমি সেই স্ত্রীর নিমিত্তে কেন দুঃখিত হও? দেখ, আমি তাহা অপেক্ষা অধিক ছন্দরী ও যুবতী আছি। মহম্মদ উত্তর করিলেন, সে আমার অতি প্রিয়তমা ছিল, তাহার সমান তুমি কোন মতেই হইতে পারিবা না; কারণ বখন সকল লোক আমাকে অবিশ্বাস করিয়াছিল, তখন সে বিশ্বাস করিত, আর সকলে যৎকালে আমাকে তাড়না করিয়াছিল, তৎকালে ঐ স্ত্রী ধন দিয়া আমাকে রক্ষা করিল। এক সময়ে আলী আয়েশার কিছু মন্দ ব্যবহার প্রকাশ করাতে সে তাহার প্রতি অতিশয় রুষ্টা হইল, তাহাতে আরব দেশে অনেক লোক রক্তাক্ত হইয়া প্রাণ ত্যাগ করিল।

কিছু কাল পরে মহম্মদ ওমারের কন্যা হাঁসাকে বিবাহ করেন। এইরূপে তাঁহার অন্তঃপুরের নারীগণের সংখ্যা ক্রমশঃ বৃদ্ধি হইতে

লাগিল, কিন্তু আয়েশা ব্যতীত সকলেই বিষবা ছিল। তিনি শিষ্যগণকে চারিটীর অধিক বিবাহ করিতে বিধি দেন নাই, কিন্তু স্বয়ং একাদশ বিবাহ করিয়াছিলেন। কেহ অধিক বিবাহের কথা তাঁহাকে জিজ্ঞাসা করিলে তিনি উত্তর করিতেন, আমি ঈশ্বরের প্রেরিত, আমার উহাতে কোন দোষ নাই। হিন্দু লোকেরাও খ্রীষ্ণের অধিক বিবাহে ঐ রূপ কারণ দর্শাইয়া থাকেন। মহম্মদের এবং প্রভু বীণ্ড খ্রীষ্টের ব্যবহারে বহুতর প্রভেদ আছে ; দেখ, বীণ্ড খ্রীষ্ট পাপিদেরহইতে পৃথক ও নির্দোষ এবং পবিত্র ; মহম্মদ কামুক ও সাংসারিক স্বেখে আসক্ত ছিলেন।

খ্রীষ্টীয় ৬২১ সালে মহম্মদের পিতৃব্য আবুতালেব মৃত হইলেন। তিনি মহম্মদকে প্রতিপালন করিয়াছিলেন, এবং প্রতিমাপূজক হইয়াও তাঁহার কথা সকল সত্য জ্ঞানে বিশ্বাস করিতেন, কিন্তু তাঁহাকে ঈশ্বরের প্রেরিত বলিয়া স্বীকার করিতেন না। আবুতালেবের মৃত্যুর পর কোরেশ লোকেরা মহম্মদকে অনেক যত্ন দিতে লাগিল, তাহাতে তিনি নিরাশ্রয় হইয়া মক্কাহইতে ৪০ ক্রোশ অন্তরে টাইক নগরে পলায়ন করেন। তথায় তাঁহার অনেক কুটুম্বলোক বাস করিত। ঐ নগর উত্তম দ্রাকাকলের উদ্যান প্রযুক্ত বিখ্যাত হয়। মহম্মদ টাইকে দশ দিন থাকিলে পর নগরবাসি প্রতিমাপূজক ও ক্রীতদাস এবং বালক বালিকারা তাঁহাকে প্রস্তুরাধাত করিল; তাহাতে তিনি তথাহইতে পলায়ন পূর্বক মক্কানগরে প্রত্যাগমন করিয়া এক গুপ্ত স্থানে বাস করিলেন।

মুসলমানেরা কহে তৎকালে মহম্মদ অতি দুঃখিত ও হতাশ হওয়াতে মিরাজ অর্থাৎ স্বর্গারোহণ করিয়াছিলেন। কথিত আছে

মহম্মদ বরাক নামক অস্ত্রতে আবোহন করিয়া এক রাত্রির মধ্যে মক্কাহইতে যিক্‌শালম দিয়া সপ্তম স্বর্গ পর্যন্ত বাইয়া প্রত্যগমন করেন। ঐ অস্ত্র গর্দভ অপেক্ষা খর্বাকৃতি, তাহার মুখ মনুষ্যবদন সদৃশ, ও গ্রীবা উষ্ট্রের গ্রীবা তুল্য, ও কর্ণ হস্তির কর্ণের ন্যায়, এবং মানিক্যে খচিত লম্ব কেশর, ও বৃষের ন্যায় কুর, ও স্কন্ধে ককুদ, আর পৃষ্ঠদেশে দুই পক্ষ পূর্বদিকহইতে পশ্চিমদিক পর্যন্ত বিস্তৃত আছে। জিব্রিয়েল স্বর্গদূত মহম্মদের পায়ের রেকাব ধরিলেন, এবং তাঁহার সহিত ৪০ সহস্র স্বর্গদূত গমন করিলেন। মহম্মদ ৫ মিনিটের মধ্যে যিক্‌শালম নগরের মন্দিরে * উপস্থিত হইয়া সকল ভবিষ্যৎজ্ঞাদিগকে দর্শন করেন। পরে ঐ স্থানহইতে দীপ্তিময় স্বর্গসোপানে আরোহণ করিয়া পাঁচ শত বৎসরের পথ গিয়া প্রথম স্বর্গে উপস্থিত হন। ঐ স্বর্গ সোপান তিন সহস্র পাঁচ শত বৎসরের পথ পর্যন্ত দীর্ঘ, তাহার মধ্যে ২ রঙ্গ আছে। মুসলমানেরা কহে যে ঐ পথ দিয়া ভবিষ্যৎজ্ঞারা ও মৃত ব্যক্তির স্বর্গে গমন করিয়া থাকে। মহম্মদ প্রথম স্বর্গে এক কুকুট দেখিলেন, তাহার চরণহইতে মস্তক পাঁচ শত বৎসরের পথ। পরে মহম্মদ তৃতীয় স্বর্গে বাইয়া দেখিলেন, তথায় আজরায়েল নামক মৃত্যুর দূত আছে; তাহার এক চকুহইতে অন্য চকুঃ ৭০ সহস্র বৎসরের পথ অন্তর, আর তাহার মুখ একপ

* এ কথা নিতান্ত অলীক, কেননা রোমানেরা অনেক বৎসর পূর্বে ঐ মন্দিরকে এমত বিনাশ করিয়াছিল যে এক প্রস্তরের উপর অন্য প্রস্তর রহিল না। আদৌ তথায় মন্দির নাই, তাহার মধ্যে মহম্মদের প্রবেশ কি প্রকারে সম্ভব হইতে পারে ?

বিস্তৃত * যে ৭ পৃথিবীকে একটি মটরের ন্যায় অমারাসে গিলিতে পারে। অনন্তর তিনি বর্ষ স্বর্ণে আর এক দূত দর্শন করেন, তাহার শরীরের অর্ধভাগ অগ্নি আর অর্ধভাগ বরফ, কিন্তু ঐ অগ্নি নির্ঝাঁগ হয় না এবং বরফও গলে না। শেষে সপ্তম স্বর্ণে যাইয়া আর এক জন দূতকে দেখিলেন, তাহার ৭০ সহস্র মস্তক ও প্রতিমস্তকে ৭০ সহস্র বদন, প্রতিবদনে ৭০ সহস্র মুখ, প্রতি মুখে ৭০ সহস্র জিহ্বা, প্রতিজিহ্বায় ৭০ সহস্র ভাষা আছে। পরে লেখে, মহম্মদ পরমেশ্বরকে দর্শন করিলেন, আর তিনি তাঁহাকে অম্বতের রত্ন নাম দিয়া তাঁহার স্কন্ধে হস্তার্পণ করিলেন। তদনন্তর মহম্মদ পুনরায় সেই জন্ততে আরোহণ করিয়া মক্কা প্রত্যাগমন করিলেন। আরও কথিত আছে, রাত্রির দশমাংশের একাংশ মধ্যেই মহম্মদের গমনাগমন হইয়াছিল।

ঐ স্বর্ণারোহণের বিবরণ কোরানের মধ্যে অতি সংক্ষেপে লিখিত আছে। মহম্মদ মিত্র লোকদিগকে প্রবৃত্তি দিতে পরদিন স্বর্ণারোহণের কথা প্রকাশ করিলেন, তাহাতে কেহ ২ তাঁহাকে উপহাস করিল, ও কেহবা তাঁহার ধর্ম ত্যাগ করিল। ইদানীন্তন বিজ্ঞ অনেক মুসলমানেই তাহা স্বপ্ন জ্ঞান করেন। কলতঃ মহম্মদের মুখামুতে যে এক কুপের তিস্ত জল মিষ্ট ও এক জন খোঁড়ার পা ভাল ও উৎকৃষ্ট চক্ষুঃ স্পষ্ট হইয়াছিল, ইত্যাদি গল্প সকল তাঁহারি বিশ্বাস করেন না। কিন্তু আবুবকর ঐ স্বর্ণারোহণের বিবরণে বিশ্বাস করিতেন, নতুবা মহম্মদের ধর্ম

* মুসলমানেরা স্বর্ণদূত বিষয়ক অনেক অসম্ভব কথা প্রকাশ করিয়া থাকে। তাহারি কহে, ঈদূশ দূত আছে যাহাদের মত্রে বারিতে কাহাক ভাসিয়া অনেক বৎসর পর্য্যন্ত চলিতে পারে।

এক কালে সুপ্ত হইয়া বাইত। তিনি প্রধান বণিক্ ও বিচারজ্ঞ ছিলেন, পরে মুসলমানদের প্রথম খালীফা হইলেন। তিনি মক্কাতে মুসলমান ধর্ম প্রকাশার্থ দশ সহস্র টাকা প্রদান করিলেন, এবং মদীনা গমন কালে মহম্মদকে অনেক ধন দিলেন। ছয় জন মান্য লোক আবুবকরের প্রবৃত্তিধারা মহম্মদের শিষ্য হইলেন; তাঁহারা সৎস জাত ও অতি ধনি বণিক্ এবং কর্মঠ হইলে তাঁহা-দিগের সাহায্যে মহম্মদের রাজ্য পশ্চাৎ স্থাপিত হয়।

খ্রীষ্টীয় ৬১৫ সালের পূর্বে মহম্মদের ৫০ জন শিষ্য ছিল; তাহাদের মধ্যে প্রায় তিন অংশ স্ত্রী লোক। ঐ শিষ্যেরা সকলে বাণিজ্য ব্যবসায় করিত। কেহ ২ তণ্ডুল ও কেহ ২ কলাই ও কেহ বা জ্বাক্কারস বিক্রয় করিত, এবং কেহ লোহার মিস্ত্রী, কেহ কসাই, ও বাদ্যকর ছিল। তাহারা পূর্বেও এক মাত্র পর-মেশ্বরকে বিশ্বাস করিত, আর প্রথমে নীচ কর্ম করিয়াও পরে উচ্চপদ প্রাপ্ত হইয়াছিল।

মহম্মদ টাইফ নগরহইতে প্রত্যাগমনের পর প্রকাশ্য রূপে বিদেশীয় লোকদিগের নিকটে প্রতিমা পূজার বিরুদ্ধে এবং এক ঈশ্বরের বিষয়ে কএকবার ঘোষণা করিলেন। তিনি মক্কাস্থ লোকদের নিকটে পূর্বে অনেকবার ঘোষণা করিয়াছিলেন, কিন্তু প্রত্যাগমনের পর অধিক করেন নাই। মহম্মদ এক স্বর্গের বিষয়ে প্রকাশ করিতেন, যে তাহাতে জ্বাক্কারস ও দুধ ও মধুর নদী আছে, আর বৃক্ষ সকল গৃহাগত হইয়া কল পুষ্প দান করে। এবং সে স্থানে এক উনুই আছে, তাহার নিকটস্থ প্রস্তর সকল যণির ন্যায়, ও তাহার স্তম্ভিকা কর্পুর তুল্য, এবং শয়নাগার স্তম্ভনাতিদ্বারা নির্মিত।

মহম্মদের ও খ্রীষ্টিয়ানদের স্বর্ণে অনেক ঠৈলক্ষণ্য আছে। খ্রীষ্টিয়ানদের স্বর্ণে পারমার্থিক স্মৃষ্ণ আছে, এবং ইশ্বর ধ্যানে অসীম সন্তোষ জন্মে; পরন্তু মহম্মদের স্বর্ণ শিব লোক তুল্য, তথায় পবিত্রতা ও পারমার্থিক সন্তোষ নাই।

মহম্মদ নরকের বিষয়ে ঘোষণা করিতেন, যে তথায় উক জল-ধারা নারকিদের মস্তকে পড়িবে, ও সেই জলদ্বারা তাহাদের উদরের নাড়ী সকল গলিত হইবে, এবং তাহারা লৌহ যষ্টিদ্বারা আঘাত প্রাপ্ত হইবে। নরকগামিদিগের পক্ষে অগ্নিকণাই গৃহ বোধ হইবে, এবং তাহাদের ভক্ষণীয় বস্তু শিয়ালকাঁটা মাত্র।

মহম্মদ দশ বৎসর পর্য্যন্ত নানা মেলায় ধর্মের বিষয় ঘোষণা করিতেন। তিনি বিদেশীয় তীর্থ যাত্রিকদিগের সহিত অনেক কথোপকথন করিয়া প্রতিজ্ঞা করিলেন, যাহারা আমার ধর্ম গ্রহণ করিবে, আমি তাহাদিগকে স্ব ২ দেশের রাজত্ব প্রদান করিব। ইহা শুনিয়া বিদেশীয়েরা মহম্মদকে কহিল, তোমার স্বদেশীয় লোকেরা তোমাকে বিশ্বাস করে না, আমরা কী প্রকারে বিশ্বাস করিতে পারিব?

ইঞ্জীলে লেখা আছে, এক সময়ে বীশু খ্রীষ্টের শিষ্যেরা তাহার নিকটে আসিয়া উচ্চপদ চাহিলে তিনি তাহাদিগের কাছে অতি শিশু এক বালক আনিয়া কহিলেন, তোমরা এই বালকের মত নম্র ও কুশীল না হইলে স্বর্গরাজ্য প্রাপ্ত হইবা না। এই উপদেশ মহম্মদের উপদেশহইতে কেমন পৃথক্।

বীশু খ্রীষ্ট আপন দ্বাদশ শিষ্যকে যে শক্তি প্রদান করিয়াছিলেন, মহম্মদ সেই রূপ শক্তি প্রদান করণাভিলাষে দ্বাদশ জন শিষ্যকে মনোনীত করেন, এবং তাহাদের প্রতি অন্য কাহারও

যেব না অন্তে একারণ কহিলেন, “জিব্রীয়েল দূত ঐ ব্যক্তিগণকে বনোনীত করিতে আমাকে কহিয়াছেন।” এই কর্মদ্বারা মুসলমান রাজ্যের মূল স্থাপন হয়। পরে মহম্মদ খজরদ্বারা রাজ্য বিস্তার করিতে লাগিলেন। প্রথমে তিনি কহিয়াছিলেন, “শান্তিদ্বারা সকলকে জয় কর;” এখন কহিলেন, “অবিশ্বাসিদিগকে যুদ্ধদ্বারা পরাজয় করিয়া তাহাদিগের মস্তক ছেদন কর, এবং অল্পলীর অগ্রভাগ কাটিয়া কেল।” বীশু খ্রীষ্টের ও মহম্মদের জিন্মাতে অনেক বিশেষ। বীশু খ্রীষ্ট বহু হইলে পিতর খজর ধারণ করিয়া যখন তাঁহাকে রক্ষা করিতে যায়, তখন তিনি কহিলেন, “তুমি খজর খাপে রাখ, কারণ যে তাহা গ্রহণ করিবে সে স্বয়ং হত হইবে।”

মহম্মদ এক দিন রাত্রি কালে সভা করিয়া এইরূপ নিয়ম স্থাপন করত ইশ্বরের নামোচ্চারণ পূর্বক সকলকে যুদ্ধ করিতে কহেন; ঐ সভায় এক জন চর ছিল, সে সকল অবগত হইয়া কোরেশদিগকে জানাইলে, পরদিনে তাহারা ঐ সভাস্থ সকলকে তাড়না করিতে লাগিল।

মহম্মদ দশ বৎসর পর্যন্ত স্বীয় ধর্ম ঘোষণা করিয়া অধিক কল লাভ করিতে পারেন নাই, কিন্তু ঐ সমস্রাবধি এক নূতন রীতি প্রকাশ করিলেন। মদীনাতে অনেক বণিক লোক বাস করিত; তাহারা মক্কাস্থ ব্যবসায়িদিগের প্রতিবাদী হইয়াছিল। তথায় অনেক পাষণ্ড খ্রীষ্টিয়ামণ্ড ছিল, তাহারা বীশু খ্রীষ্টের ইশ্বরত্ব স্বীকার করিত। আর মূসার সমস্ত অবধি তথায় অনেক যিহুদীয় লোক বাস করিয়াছিল। মদীনা মগরস্থ অনেক আরবীয় লোকেরা প্রতিমাপূজা পরিত্যাগ করিয়া সেই সময়ে অন্য

ধর্ম অন্বেষণ করিতেছিল ; মহম্মদ তমগরীয় সুলতান তীর্থ যাত্রিক-
দিগকে ধর্ম ঘোষণা প্রবণার্থ আহ্বান করিলে তাহারা তাঁহার
সদ্বক্তৃত্বা শুনিয়া মুসলমান ধর্ম নুসার ব্যবহার সমান
বুঝিয়া ও তাঁহার সাহস দেখিয়া তৃতীয় ধর্ম গ্রহণ করিল ।
কিছু দিন পরে মহম্মদের নব শিষ্যেরা মদীনা নগরে প্রত্যা-
গমন করে । মহম্মদ তাহাদের সহিত এক জন নিপুণ ধর্মশিক্ষক
প্রেরণ করিলেন । পরে প্রতিমাপূজক লোকেরা মহম্মদীয়
ধর্মের বিপরীতাচরণ করিলেও ঐ ধর্ম ক্রমে ২ সেই স্থানে
বিস্তৃত হইতে লাগিল । তাহারা পূর্বে রাজপুত জাতিদের ন্যায়
এক গর্ভ ধন্য করিয়া তাহার মধ্যে আপনাদের হয় বৎসর
বয়স্কা বালিকাদিগকে নিরুপ করিয়া বধ করিত । এক বৎসর
পরে আকবা নামক পর্বতে মহম্মদের সহিত মদীনা নগর-
বাসি দ্বাদশ জনের সাক্ষাৎ হওয়াতে তাহারা তাঁহার নিকট
প্রতিজ্ঞা করিল, আমরা প্রতিমাপূজা চুরি এবং সন্ততি হত্যা
আর করিব না । তাহারা আরও এই শপথ করিল, আমরা লম্পট-
তাচরণ করিব না, এবং মহম্মদে বিশ্বাস করিব । এই দিব্যেতে
যুদ্ধের কথা না থাকিতে লোকেরা তাহাকে শ্রীশপথ কহিত ।

তাহার পর বৎসরে মহম্মদীয় ধর্মাক্রান্ত ৭২ জন পুরুষ ও
দুই শ্রী মদীনাহইতে ৫০০ শত পৌত্তলিক তীর্থ যাত্রিকদিগের
সহিত মক্কায় গমন করে ; তথায় বাইয়া রাত্রি দুই প্রহরের সময়
মহম্মদের সভায় উপস্থিত হয় । মহম্মদের পিতৃব্য আবান দেব-
পূজক হইয়াও তাঁহাকে স্ববংশ্য বলিয়া রক্ষা করিতে স্বীকার
করিয়াছিলেন । তাহারা দিব্য করিয়া কহিল, যে কাপে সস্তান
ও শ্রীকে রক্ষা করিতে হয়, সেই কাপে তোমাকে রক্ষা করিব ।

ঐ দিব্যে মহম্মদ হৃষ্ট হইয়া তাহাদিগের হস্তে আপন হস্ত দিয়া কহিলেন, এক্ষণে সকল বস্তুতেই আমাদিগের সমান অধিকার, অর্থাৎ তোমাদিগের রক্ত ও মাংস আমার, এবং আমার রক্ত ও মাংস তোমাদিগের।

মহম্মদের শিষ্যগণ কোরেশ লোকহইতে নানা তাড়না ও বস্ত্রণা পাইয়া স্নযোগে মদীনায় পলায়ন করিল, কিন্তু মহম্মদ তিন মাস মক্কায় থাকিলেন। কোরেশেরা প্রকাশরূপে সভা করিয়া আবু-জালের পরামর্শানুসারে স্থির করিয়াছিল যে মহম্মদ বহু কি দেশান্তরীকৃত ইহলে তাহার ধর্ম বিস্তার পাইবে, অতএব তাহাকে একেবারে বধ করা যাউক; এবং কোন জাতিয়েরা দোষী না হয়, তন্মিমিতে সকল জাতির এক ২ জন ঐ কর্মে প্রবৃত্ত হইল। এতদভিপ্রায়ে কোরেশেরা এক দিবস রাত্রি কালে মহম্মদের গৃহ বেষ্টিন করিল। আলী চর প্রমুখাৎ এই সংবাদ পাইয়া স্বীয় হরিদবর্ণ শালদ্বারা এক কাষ্ঠকে আচ্ছাদিত করিয়া মহম্মদের শয়ন স্থানে রাখিলেন। পরে মহম্মদ বাঁটার পশ্চাৎ-ভাগের প্রাচীর দিয়া আবুবকরের গৃহে গমন করিলেন, এবং তথাহইতে উষ্ট্রে আরোহণ করিয়া মক্কাহইতে ২।। ক্রোশ অন্তর তৌর নামক পর্ব্বতের গর্ভে পলায়ন করিয়া রহিলেন।

পর দিন প্রাতঃকালে কোরেশেরা মহম্মদের গৃহে প্রবিষ্ট হইয়া কেবল আলিকে দেখিতে পাইল, তাহাতে অতি ক্রুদ্ধ হইয়া তাঁহাকে বহুতর অন্বেষণ করিয়া কহিল, যে ব্যক্তি মহম্মদকে ধরিয়া দিবে তাহাকে এক শত উষ্ট্র পারিতোষিক দেওয়া যাইবে; কিন্তু সকলের চেষ্টা বৃথা হইল। মুসলমানেরা কহে, কোরেশেরা ঐ গর্ভের মুখে মাকড়সার জাল দেখিয়া ইহার মধ্যে কেহ নাই বলিয়া

তন্মধ্যে মহম্মদের অনুসন্ধান করিতে প্রবৃত্ত হয় নাই। তিনি ঐ গর্ভে তিন দিন ছিলেন। শিব্যেরা রাত্রিযোগে মক্কাহইতে আহার আনিয়া তাঁহাকে দিত, এবং সকল সমাচার কহিত। মহম্মদ চতুর্থ দিন রাত্রিতে উঠে আরোহণ করিয়া মদীনায গমন করিলেন। পশ্চিমধ্যে একজন মক্কাস্থ লোকের সহিত সাক্ষাৎ হইলেও সে তাঁহার কিছু ক্ষতি করিল না; বরং আপন পাগ-ডীর কাপড় বরশার উপর দিয়া ধুয়া করিয়া তাঁহার অগ্রগামী হইল। মহম্মদ দ্বাদশ দিনে মদীনার সমীপে উপস্থিত হইলে ৫০০ লোক তাঁহাকে সেলাম করিতে আইল; তাহাতে তিনি ভাল পত্রের ছত্র মস্তকে দিয়া এবং এক হস্তে ধুয়া ধরিয়া দিগ্-বিজয়ি সেনাপতির ন্যায় মদীনায প্রবেশ করিলেন। তৎকালে সকলে জয়ধ্বনি করিতে লাগিল।

মহম্মদ মদীনায যাইয়া এক বাটীর নিচস্থ গৃহে রহিলেন, যেন সকলে আসিয়া অনায়াসে তাঁহার সহিত সাক্ষাৎ করিতে পারে। তাঁহার পঁহুঁছবার তিন দিন পরে আলী তথায় উপস্থিত হইলেন; কিছু দিন পরে মহম্মদের পরিবারস্থ সকলও গিয়া পৌঁছিল।

কোরেশেরা তাঁহাকে দূরীকৃত করিয়া অতি তুষ্ঠ হইয়াছিল। কিন্তু তাহাতে তাঁহার ধর্ম অধিক বিস্তার হইতে লাগিল।

পঞ্চম অধ্যায়।

মহম্মদ যোদ্ধা ও রাজা।

মুসলমান লোক ঐ ঘটনা অবধি হিজরা নামে মহম্মদীয় সাল গণনা করে। খ্রীষ্টীয় ৬২২ সনে সেপ্তেম্বর মাসের ২৪ তারিখে

হিজরী সাল আরম্ভ হয়। মদীনার নাম পূর্বে যাত্রিব ছিল; কিন্তু এ অবধি ‘মদীনা নবী,’ অর্থাৎ প্রেরিতের বাসস্থান নামে প্রসিদ্ধ হয়।

মহম্মদ পরমেশ্বরের অর্চনার্থে মদীনা নগরে এক স্থান নির্দিষ্ট করিতে অতি ব্যগ্র হইলেন, তাহাতে এক মসজীদ নির্মাণ করাই তাঁহার প্রথম চেষ্টা হইল। সেই ভূমি পূর্বে এক কবরস্থান ছিল, কিন্তু তত্রস্থ শব সকল স্থানান্তর করাইয়া তিনি এই কর্ম শীঘ্র নির্বাহ করিলেন। মহম্মদ স্বহস্তে মসজীদ আরম্ভ করিলে সকলে সহকারী হওয়াতে একাদশ মাসে তাহা সম্পন্ন হইল। সেই ধর্মগৃহের ভিত্তি ইষ্টক নির্মিত, কিন্তু তাহার স্তম্ভ তাল বৃক্ষের গুঁড়ী, ও তালপাতার চাপ ছিল, এবং কতক গুলি খর্জুর বৃক্ষ তাহার উপরে ছায়া করিত। প্রথমতঃ, মহম্মদ তাল বৃক্ষে হেলান দিয়া ঈশ্বরবিষয়ক ঘোষণা করিতেন। পরে প্রোতুগণের বৃদ্ধি হইলে তিনি সোপানের তিন ধাপে উঠিয়া প্রচার করিতেন। তৎকালে তিনি বিদ্বানদের দিগে মুখ ফিরাইয়া প্রার্থনা করিতেন। মসজীদের নিকট মহম্মদ সাদা ও আয়েশা আপন দুই স্ত্রীর নিমিত্তে দুই গৃহ নির্মাণ করিয়া দিলেন।

কিছু কাল পরে মহম্মদের নির্মিত উক্ত মসজীদ স্বর্ণ ও মর্দর প্রস্তরদ্বারা অলঙ্কৃত হইল। হারোণ আরসীদ নামক খালীকা ঐ মসজীদ দর্শনার্থ যাত্রা করিলে তাঁহার দুই কোটি বাইট লক্ষ মুদ্রা ব্যয় হইয়াছিল; এই যাত্রায় উষ্ট্রগণ তাঁহার নিমিত্তে যথেষ্ট বরফ বহন করিল।

হিজরার ৭ মাস পরে মহম্মদ আয়েশাকে বিবাহ করিলেন। তৎকালে তাহার বয়স নয় বৎসর মাত্র ছিল, এবং সে কাননের

পুস্তলিকা লইয়া ক্রীড়া করিত। ইহার তিন মাস পরে ২২ বর্ষ বয়স্ক আলী পঞ্চদশ বর্ষীয়া মহম্মদের কতেমা নামী কন্যাকে বিবাহ করিলেন। মহম্মদ অর্থের অভাব প্রযুক্ত আপন উষ্ট্র বিক্রয় করিয়া কতেমাকে যোঁতুক দিলেন। তাঁহার আহার ব্যবহার পূর্বে যেমত ছিল এখনও সেই মত রহিল, অর্থাৎ তিনি ধর্ম্মের কল ও যবের রুটী ও মধু ও দুগ্ধ মাত্র খাইতেন। প্রতিদিন তিনি আপন গৃহে স্বহস্তে অগ্নি জ্বালাইতেন, ও মেঘের দুগ্ধ দোহন করিতেন, আর গৃহ পরিষ্কার রাখিতেন, এবং প্রয়োজন মতে আপনার বস্ত্র ও পাচুকা সেলাই করিতেন। পর্যটন কালে তিনি পাণ্ডেয় দ্রব্য আপন পরিচারকের সহিত বিভাগ করিতেন, এবং দরিদ্রদিগকে এত দান করিতেন যে শেষে গৃহব্যয়ের জন্যে তাঁহার হস্তে কিছু মাত্র অর্থ থাকিত না।

এই সময়াবধি মহম্মদের অবস্থা পরিবর্তিত হইতে লাগিল; যিনি পূর্বে পলাতক ছিলেন, অদ্যাবধি তিনি আপন শিষ্যগণের গুরু ও সেনাপতি এবং রাজা হইলেন। দেখ, মহম্মদের সহিত যীশু খ্রীষ্টের কত বিশেষ! যীশু খ্রীষ্ট প্রকাশ করিয়াছিলেন, “আমার রাজ্য এই জগৎ সম্বন্ধীয় নহে; যদি হইত, তবে বিহুদীয়দের হস্তগত যেন না হই ইহার নিমিত্তে আমার সেবকেরা প্রাণপণ করিত; কিন্তু আমার রাজ্য ঐহিকের রাজ্য নয়। মনুষ্য পুত্র পরের সেবা করিতে এবং অনেকের পিত্রাণের মূল্য রূপ আপন প্রাণ দিতে আসিয়াছেন। খড়্গ স্বস্থানে রাখ, কেননা যে সকল লোক খড়্গ ধারণ করে তাহারাই খড়্গদ্বারা বিনষ্ট হয়।” পরে মহম্মদের সাংসারিক অবস্থার ন্যায়

তাহার মতও পরিবর্তিত হইল; বিশেষতঃ, তিনি মক্কা নগরে থাকিয়া কোরানের যে ২ অধ্যায় প্রকাশ করিলেন, তাহাতে লিখেন, “তর্ক বিতর্ক বিনা আমার অস্ত্র শস্ত্র নাই, এবং আমার খড়্গ কেবল মৃদুতা আছে।” ত্রয়োদশ বৎসরাবধি তিনি পরাক্রম বিহীন হইয়া শান্তির কারণ এইরূপ প্রকাশ করিতেন; কিন্তু এইরূপে তাহার অবস্থা পরিবর্তিত হইলে তিনি এমত প্রচার করিতে লাগিলেন, “খড়্গই নরক ও স্বর্গের চাবি; এবং দুই মাস উপবাস করণ অপেক্ষা ধর্ম যুদ্ধে এক বিদ্বু রক্তপাত করা অথবা অস্ত্রধারী হইয়া এক রাত্রি আগরন করা অধিক ফলবান।” তিনি আরও লিখেন, “যে ব্যক্তি ধর্ম রণে পতিত হয়, তাহার পাপ সকল ক্ষমা হইলে শেষদিনে তাহার দেহ হিজ্রুলের ন্যায় উজ্জ্বল ও মৃগনাভির ন্যায় স্নগন্ধ হইবে, এবং ছিন্ন হস্ত পদের পরিবর্তে সে স্বর্গদূতের পক্ষ প্রাপ্ত হইবে।”

মুসা এবং মীশ্ব খ্রীষ্ট পরমেশ্বরের প্রেরিত, ইহা তাঁহাদের আশ্চর্য্য ক্রিয়াধারা প্রমাণীকৃত হইয়াছিল; অতএব মহম্মদের শত্রুগণ তাঁহাকে কহিত, তুমিও আশ্চর্য্য কর্ম করিলে আমরা তোমাকে ঈশ্বরের প্রেরিত স্বীকার করিব। কিন্তু তিনি আপত্তি করিয়া কহিতেন, “ঈশ্বর এক ২ জন প্রেরিতদ্বারা আপনার এক ২ গুণ প্রকাশ করিয়াছেন; যথা, মুসা তাঁহার দয়া ও তত্ত্বাবধারণকর্তৃ, আর সুলেমান তাঁহার বুদ্ধি ও মহিমা, এবং মীশ্ব খ্রীষ্ট তাঁহার বাথার্থ্য ও সর্বসমর্থতা ও সর্বসামর্থ্য প্রকাশ করিলেন; তথাপি তাঁহাদিগেতে লোকেরা বিশ্বাস করিত না। এই জন্যে পরমেশ্বরের শেষ প্রেরিত যে আমি, আমার হস্তে তৎকর্তৃক খড়্গ সমর্পিত হইয়াছে। অতএব যাহারা এই ধর্ম না মানিবে,

আমার ধর্মস্বোচকেরা তাহাদের সহিত কোন তর্ক বিতর্ক না করিয়া তাহাদিগকে খড়্গদ্বারা ছেদন করিবে। আর যে কেহ সত্য ধর্মের নিমিত্তে যুদ্ধ করে, সে রণে পতিত হউক বা জয়ী হউক, উত্তম পুরস্কার পাইবে; ইহাতে কোন সন্দেহ নাই।”

পূর্বের দশরথের পুত্র রামচন্দ্র ভারতবর্ষের দক্ষিণে আসিয়া খড়্গদ্বারা ও ব্রাহ্মণ লোকদের সাহায্যে যে রূপে হিন্দু ধর্ম বিস্তার করিয়াছিলেন, সেই রূপ মহম্মদও করিলেন। বিশেষতঃ বর্গিদের ন্যায় আরবদেশ লুটকারি যে বেদুইন্ লোক তাহাদের সহায়তাদ্বারা মহম্মদ আপন ধর্ম বিস্তার করিলেন। তত্রস্থ মসুম্যগণের নরকভয় অপেক্ষা খড়্গভয় অধিক হওয়াতে প্রায় সকলেই তাঁহার মতাবলম্বী হইল। মহম্মদ নরক যজ্ঞগার বিষয়ে তাহাদিগকে এইরূপ শিক্ষা দিতেন, “নরক ভোগি লোকেরা উষ্ণ ও দুর্গন্ধ জল পান করে, আর উত্তপ্ত আল্কাতারার ন্যায় যজ্ঞগাদায়ক এক প্রকার তিক্ত ফল ভক্ষণ করে, এবং বিবাল সর্প বৃশ্চিকাদি তাহাদিগকে সর্বদা দংশন করিলেও তাহাদিগের মৃত্যু হয় না।”

মহম্মদের দলস্থ লোকেরা শীঘ্র বর্ধিষ্ণু হইতে লাগিল, বেহেতুক মদীনান্থ খ্রীষ্টবাদি লোকেরা পরম্পর নানা ঐবধর্মের বিষয়ে বিবাদ করিয়া পৌত্তলিক ধর্মহইতে মহম্মদীয় ধর্ম শ্রেষ্ঠ মানিয়া তাহা গ্রহণ করিল। ঐ ব্যক্তির বাণী খ্রীষ্টের ঈশ্বরত্বে বিশ্বাস করিত না। মহম্মদ আপনার কোরানে মুসা লিখিত ব্যবস্থার অনেক অংশ উদ্ধৃত করিয়া বিহুদীয়দিগকে বিপ্রাম দিন পালন করিতে এবং উষ্ট্র মাংস ভোজনে বিরত হইতে অনুমতি দিয়াছিলেন। কলতঃ তাঁহার আশা ছিল যে আমি

উহাদিগকে এই রূপে আপন ধর্মে আনিব; কিন্তু শেষে তাঁহার এই আশা নিষ্ফলা হইল। মহম্মদের ইচ্ছা ছিল যে যিহূদীয় লোকেরা আমাকে ত্রাণকর্তা রূপে স্বীকার করে, তাহাতে তিনি যিক্রাশালম নগরকে আপনার কেবলা অর্থাৎ প্রার্থনার অভিযুক্ত স্থান নির্দিষ্ট করিলেন। কিন্তু যিহূদীয় লোকদের বিশ্বাস ছিল যে দায়ুদ রাজারই বংশে আমাদের এক জন ত্রাণকর্তার উদ্ভব হইবে, এই কারণ তাহারা মহম্মদের কথাতে বিশ্বাস করিত না, বরং অনেকেই তাঁহাকে উপহাস করিতে লাগিল। মহম্মদ সেই আশা নিতান্ত নিষ্ফলা দেখিয়া যিক্রাশালম নগরের পরিবর্তে মক্কা নগরকে মুসলমানদের কেবলা নিক্রপণ করিলেন, এবং তৎপরে যিহূদীয় লোকদিগের সহিত আর প্রণয় করিতেন না।

যিহূদীয়েরা তুরী শব্দধারা ও খ্রীষ্টিয়ানেরা ষষ্ঠাধারা মনুষ্যদিগকে প্রার্থনার্থে আহ্বান করিত; কিন্তু মহম্মদ মস্জীদের ছাত-হইতে মনুষ্য রবদ্বারা আপন মতাবলম্বিদিগকে আহ্বান করিবার নিয়ম স্থির করিলেন। “ঈশ্বরই মহান্ ৩! ও আল্লা ব্যতিরেকে ঈশ্বর নাই, আর মহম্মদ তাঁহার প্রেরিত,” এই কথা প্রতি দিন পঞ্চবার উচ্চৈঃস্বরে বলিতে হয়; আর “নিজ্জাহইতে প্রার্থনা ভাল ২!” এই কথাও প্রত্যুষে প্রচার করিতে আজ্ঞা দিলেন।

সেই কালে মক্কা ও মদীনা নগরস্থ মুসলমানেরা দুই দলে বিভক্ত হইল। মক্কানিবাসিরা প্রথমে মহম্মদের ধর্মাক্রান্ত হইয়াছিল, এবং মক্কাহইতে পলায়ন করিবার সময়ে মদীনাস্থ লোকেরা তাঁহাকে আশ্রয় দিয়া স্বীয় নগরে রক্ষা করিয়াছিল; এই দুই কারণোপলক্ষে তাহারা পরস্পর ঈর্ষ্যা করিয়া কলহ

করিতে লাগিল। মহম্মদ সকলের সম্মিলন করণাভিপ্রায়ে তাহাদিগকে এক নূতন জাতৃহু রূপ শৃঙ্খলে বদ্ধ করিলেন; যথা, কতগুলিন মক্কাহু লোক এবং তৎসংখ্যক মদীনা নিবাসি ইহারা তাঁহার পরামর্শানুসারে প্রত্যেকে দুই-জন করিয়া এমত সঙ্ঘস্থ স্থির করিল, যে আমি তোমার উত্তরাধিকারী হইব, অথবা তুমি আমার উত্তরাধিকারী হইবা, আর আমরা কুশলে ও অকুশলে পরস্পর উপকার করিয়া ধর্মের নিমিত্তে একত্র হইয়া যুদ্ধ করিব, ইত্যাদি। কুটুম্বের বন্ধনহইতেও এই মিত্রতা দৃঢ়তর হইল। এই নিয়ম বদরের সংগ্রাম পর্য্যন্ত থাকিয়া পরে দুই দল একত্র হইল। তৎপূর্বে ঐ মক্কাহু পলাতকেরা নিষ্কর্ম প্রযুক্ত লুট করত কাল ক্ষেপণ করিত।

কোরান স্বর্গহইতে প্রেরিত হইয়াছে, ইহা স্মরণার্থে মহম্মদ রমজান মাসে উপবাস করিবার বিধান করিলেন। তিনি এই মাসে মুসলমানদিগকে দিবসে আহার করিতে নিবেশ করিয়া বলিলেন, “তোমরা যে পর্য্যন্ত শ্বেতবর্ণ ও কৃষ্ণবর্ণ স্ত্রীর ভিন্নতা দেখিতে পাও, সে পর্য্যন্ত কিছু খাইও না।” তাহাতে তাহারা সমস্ত দিবস উপবাস থাকিয়া রাত্রি উত্তম আহারাদি করত স্থখে যাপন করে।

মহম্মদ সুস্থের বিষয়ে যাহা কোরানে লিখিয়াছিলেন, তাহা অধিক কাল নিষ্ফল রহিল না।

প্রথমতঃ, তাঁহার দুই শত সৈন্য মাত্র ছিল। তৎকালে তিনি শিষ্যগণকে কেবল আপন-২ রক্ষার্থে যুদ্ধ করিবার আজ্ঞা দিতেন। কিন্তু একাদশ মাস পর্য্যন্ত মদীনা নগরে থাকিয়া তত্রস্থ মসজীদ নির্মাণ সমাপ্ত করিলে পরে মহম্মদ সত্তর জন সৈন্য সমভিব্যাহারে লইয়া আপনি প্রথম যুদ্ধ যাত্রা

করেন। এক মাস পরে তিনি দুই শত সেনা সঙ্গে লইয়া পুনরায় যুদ্ধার্থে গমন করিলেন; এ রূপে ক্রমে ২ তাঁহার সৈন্য দল বৃদ্ধি হইল, কিন্তু প্রথমতঃ তাহারা লুটীত দ্রব্য অধিক পাইত না। পরে আবদুল্লা নামে তাঁহার সেনাপতিকে যুদ্ধার্থে প্রেরণ করাতে তদধীন অনেক সৈন্যেরা পুণ্য মাসে তীর্থ যাত্রীদের ন্যায় বেশভূষা ধারণ করিয়া স্থানে ২ লুট করিল, তাহাতে তাহারা আঙ্গুর ও চন্দ্র ইত্যাদি অনেক দ্রব্য পাইল। মহম্মদের অন্য শিষ্যগণ ইহা শুনিয়া বচসা করিয়া কহিল, পুণ্যমাসে যুদ্ধ করা নিতান্ত অন্যায়াস; কিন্তু তিনি কোরেশ জাতীয়দিগের বাগিঙ্গ্য নষ্ট করিতে দৃঢ় মানস করিয়া এই এক নূতন ব্যবস্থা কোরানের মধ্যে লিখিলেন, “পুণ্যমাসে বধ করণাপেক্ষা ঈশ্বরের বিরুদ্ধে বিদ্রোহিতাচরণ করা মন্দ।” তিনি এই ব্যবস্থা প্রকাশ করিয়া তাবৎ লুটীত দ্রব্যের পঞ্চমাংশের একাংশ আপনি গ্রহণ করিতেন।

হিজরার দ্বিতীয় বৎসরে মহম্মদ শিষ্যগণ লইয়া তিনবার কাকিলা অর্থাৎ, যাত্রিক বাগিঙ্গ্যকারীদের দলকে আক্রমণ করিলেন। তাঁহার শিষ্যেরা লুট ও সমর করণে সর্বদা উৎসুক, এবং আপনি কোরেশদিগের প্রতি ঘেঘশালী ছিলেন। মদীনাহইতে আট দিনের পথ দূরে বদর নামক ক্ষুদ্র নগরে এক উনুই ছিল, তাহার নিকটে কাকিলা সকল বিশ্রাম করিত। আবু-সুকিয়ান সুরিয়া দেশহইতে এক সহস্র উষ্ট্র লইয়া ঐ স্থান দিয়া আসিতেছেন, ইহা শুনিয়া মহম্মদ কুপ সকলের নিকটে প্রেরিগণকে নিযুক্ত করিলেন, যেন কোন ব্যক্তি তাহাহইতে অল তুলিতে না পারে। সে সময়ে বৃষ্টি হওয়াতে বালুকা সকল

সার্জ ছিল, এবং প্রচণ্ড প্রতিকূল বায়ু বহন করাতে আবুসুফিয়ান প্রভৃতির আগমন বড় ছুঙ্কর হইল। মুসলমানদের পদাতিক কেবল ৩০৫ জন, ও তাহাদিগের সঙ্গে ৭০ উষ্ট্র এবং দুই ঘোটক মাত্র। কোরেশদের দলে ৮৫০ পদাতিকগণ এবং ৭০০ উষ্ট্র ছিল; কিন্তু তাহারা মুসলমানদের ন্যায় সাহসিক ছিল না, এবং এক জন কহিল, যতু্যই মহম্মদীয় লোকদের সহচর, আর যুদ্ধ বিনা উহাদের কোন কর্ম্ম নাই।

মহম্মদ যুদ্ধের আরম্ভে এক কুটীরে গিয়া প্রার্থনা করিলেন; পরে সমরের মধ্যে কতক গুলিন চক্মকির প্রস্তর কোরেশদিগের প্রতি নিক্ষেপ করিয়া কহিলেন, “তোমরা সকলে ব্যস্ত ও ছিন্নভিন্ন হও।” তিনি আরও কহিলেন, “হে শিষ্যগণ নির্ভয় হইয়া যুদ্ধ কর; কারণ তোমাদিগের ষড়্জের ছায়াতে স্বর্গের দ্বার আছে, এবং জিব্রীয়েল এক সহস্র স্বর্গীয় দূত লইয়া তোমাদিগের পক্ষে যুদ্ধ করিতেছেন।” মহম্মদের শিষ্যেরা এই প্রবৃত্তিজনক বাক্য শুনিয়া এবং তাহার শৌর্য দেখিয়া অতি ব্যগ্রতা পূর্বক যুদ্ধ করত শত্রুদিগকে পরাস্ত ও ছিন্ন ভিন্ন করিল। এক জন অতি সাহসিক মুসলমানের বামবাহু ফ্রমপ্রায় হইলেও সে যুদ্ধ করিতেছিল; কিন্তু ঐ বাহুতে ব্যাধাত হইবায় সে তাহা ছিঁড়িয়া ক্ষেপণ করত পুনর্বার যুদ্ধে প্রবর্ত্ত হইতে লাগিল। আর এক জন মহম্মদের মুখে শুনিয়াছিল, যে ব্যক্তি অস্ত্র শস্ত্র পরিত্যাগ করিয়া কেবল বিশ্বাসবর্ষ্ম পরিধান পূর্বক সমরে শত্রুদিগের নিকট যায়, তাহার প্রতি ঈশ্বর সম্ভষ্ট হন; ইহাতে সে স্ববর্ষ্ম খুলিয়া শত্রুগণের প্রতি আক্রমণ করিলে শত ২ বল্লমদ্বারা আহত হইয়া মরিল।

উক্ত যুদ্ধে সর্বমুহুৎ ৭০ জন দেবপূজক এবং ১৪ জন মুসলমান হত হইয়াছিল; তন্মধ্যে আলী স্বহস্তে ১১ জন দেবপূজককে হত্যা করেন। মহম্মদ ও তাঁহার শিষ্য সকলে লুণ্ঠিত দ্রব্যাদি তুল্যাংশ করিয়া পরস্পর বিভাগ করিলেন; কিন্তু ইহার পর তিনি আপনার ও দরিদ্রদিগের নিমিত্তে যুদ্ধে লুণ্ঠিত দ্রব্য সকলের পঞ্চমাংশ গ্রহণ করিতেন।

আবুজাল নামে মহম্মদের এক পিতৃব্য হত কোরেশদের মধ্যে ছিলেন। মহম্মদ তাঁহার ছিন্ন মস্তক দেখিয়া পরমেশ্বরের ধন্যবাদ করিতে লাগিলেন। বন্দিদের মধ্যে মহম্মদের উপহাসকারি নামর নামে এক জন পণ্ডিত ছিল; তাঁহার আদেশানুসারে তাহার মস্তক ছেদিত হইল। আর পূর্বে আখবা নামে এক জন পাগড়ী খুলিয়া মহম্মদকে স্বহস্তে কাঁসি দিতে প্রবর্ত্ত হইয়াছিল, মহম্মদ ঐ সময়ে তাহাকে বন্দিদের মধ্যে দেখিয়া হত্যা করিতে উদ্যত হইলে সে কহিল, হায়! কে আমার সম্মানদিগের প্রতিপালন করিবে? মহম্মদ উত্তর করিলেন, নরকাগ্নি। আর এক বন্দী পূর্বে কহিয়াছিল, কোরান কেবল পারস্য দেশের গল্প মাত্র; এই দোষ প্রযুক্ত মহম্মদ তাহাকেও নষ্ট করিলেন। ইহাতেই যীশু খ্রীষ্ট ও মহম্মদের ব্যবহারের মধ্যে কত প্রভেদ, তাহা দেখ। ফলতঃ যে সময়ে যীশু ক্রুশার্ণিত হয়েন, তখন তিনি আপন হত্যাকারিদের নিমিত্তে প্রার্থনা করিয়া কহিলেন, “হে পিতাঃ! উহাদিগকে ক্ষমা কর।”

বদরের সংগ্রামের লুটে অনেক ২ দ্রব্যাদি পাওয়া গেল, তাহাতে মুসলমানেরা ধনবান ও যশস্বী হইল তাহা কেবল নয়, বরং আপনাদের ধর্ম বিস্তীর্ণ করিবার উপায়ও করিল।

হিজরার তৃতীয় বৎসরে মহম্মদ ওমারের কন্যা হালা এবং জেনাব এই দুই বিধবাকে বিবাহ করিলেন। পরে তিনি নানা যুদ্ধেতে প্রবর্ত্ত হইয়া অনেক বিত্তব প্রাপ্ত হইতে লাগিলেন। যে সেনারা লুট করিতে গিয়া মারা পড়িয়াছিল, মহম্মদ তাহাদিগকে ধর্মসাক্ষী রূপে বিখ্যাত করিলেন।

মহম্মদ এই প্রকারে দিখিজয়ী হইয়া যিহুদীমদের প্রতিকল্প দিতে ছিন্ন করিলেন। তাহাদের অসমা নামী এক জন স্ত্রী লোক মহম্মদের প্রতিকূলে কএক শ্লিষ্ট কাব্য রচনা করিয়াছিল, তন্মিমিতে ওমার মহম্মদের প্ররোচনা বাক্যে তাহাকে পর্য্যকোপরি রাজি কালে হত করিলেন। পর দিন প্রাতঃকালীন প্রার্থনাস্তর মহম্মদ এই কথা শুনিয়া ওমারকে পরমভক্ত বলিয়া প্রশংসা করিলেন। তাহার কিছু দিন পরে ওমারের পুত্র ১২০ বৎসর বয়স্ক আর এক জন যিহুদীয় লোককে * হত্যা করিল। এই ব্যক্তি মুসলমানদিগকে লক্ষ্য করিয়া কতক গুলি শ্লিষ্ট কাব্য রচনা করিয়াছিল।

আর এক জন যিহুদীয় লোক এক মুসলমানী স্ত্রীকে মুখাচ্ছাদন খুলিতে কহিলে সে অসম্মতা হইল, তাহাতে যিহুদী তাহাকে অসম্মত করিলে এক জন মুসলমান তাহাকে রধ করিল। পরে মদীনার নিকটবর্ত্তী অন্য যিহুদীয়েরা আসিয়া এই হত্যাকারিকে মারিয়া ফেলিল। ইহা শুনিয়া মহম্মদ যিহুদীয়দিগকে আক্রমণ করিয়া তাহাদের দুর্গ ১৫ দিন পর্য্যন্ত অবরোধ করিলেন; পরে তাহার তাঁহার হস্তগত হইলে তিনি সমস্ত ধন লইয়া তাহাদিগকে জরিয়া দেশে পাঠাইলেন।

মহম্মদের যে শত্রুগণ বদরের যুদ্ধে হত হইয়াছিল, তাহাদের প্রশংসার্থে কাব নামে আর এক জন বিহুদীয় লোক কতক গুলি কাব্য রচনা করিতে মহম্মদ ২। ৩ মাস পরে এক দল দস্যু সংগ্রহ করিয়া তাহাকে বিনাশ করিতে প্রেরণ করিলেন। তাহাদের গমন কালে তিনি কহিলেন, ঈশ্বর তোমাদিগকে সাহায্য করুন! পর দিন প্রাতে দস্যুরা কাবের মস্তক মহম্মদের নিকট আনিয়া দিলে তিনি কহিলেন, ঈশ্বর প্রশংসিত হউন! মহম্মদ সেই সময় অবধি বিহুদীয় লোকদিগকে আরব দেশে বাস করিতে নিষেধ করিলেন। তাহারা নিবুখৎনিৎসরের রাজত্বকাল অবধি উৎখাল্য বাস করিয়াছিল, এবং তাহাদের মধ্যে অনেকে অতি ধনবান্ বণিক্ ছিল।

কোরেশ জাতীয় তিন সহস্র সৈন্য উক্ত কাব নামক বিহুদীয় করিব গ্লিষ্ট কাব্যদ্বারা উৎসাহযুক্ত হইয়া মদীনা আক্রমণ করিল। তৎকালে হেণ্ডা নামী এক জন আর পঞ্চদশ স্ত্রীলোক মাদল বাদ্য করত এবং বদর সংগ্রামে হত লোকদের উদ্দেশে বিলাপ করিতে ২ স্বজাতীয় সৈন্য সকলকে প্রবৃত্তি দিল। মহম্মদ আপনি ৭০০ সাত শত সৈন্য লইয়া মদীনা হইতে দুই ক্রোশ অন্তরে ওহদ নামক পর্বতে তাহাদিগের সহিত যুদ্ধার্থে গমন করেন। তখন অনেক সেনা ও বিহুদীয় লোক মহম্মদের পক্ষ ত্যাগ করিয়া প্রস্থান করিল। মুসলমানদিগের রণধ্বনি “যুতু,” ও কোরেশদিগের রণধ্বনি “অজিয়া হোবাল” এই মাত্র ছিল। খালিদ ও আমর মুসলমানদিগের সেনাপতি ছিলেন। মহম্মদ আপনার এক বন্ধুকে স্বীয় খজা সমর্পণ পুরস্কৃত কহিলেন, এই অসি ভগ্ন কিম্বা বক্র না হইলে

ত্যাগ করিও না। ঐ খড়্গের উপরে এই কথা খোদিত ছিল, “কাপুরুষতাহইতে লজ্জা জন্মে; অগ্রসর হওনে যশ লাভ হয়, এবং পলায়নদ্বারা অদৃষ্টের কল এড়ান যায় না।” মহম্মদের পাগড়ীতে এই লিপি ছিল, “ঈশ্বরহইতে উপকার হয়, পলাতক ব্যক্তি নরকহইতে কখনই পলাইতে পারিবে না”। পরে তিনি সৈন্যগণের সম্মুখীন হইয়া যুদ্ধ করিলেন। প্রথমে মুসলমানেরা জয়ী হইতে লাগিল; কিন্তু তাহাদিগের কতক গুলিন সৈন্য মহম্মদের আজ্ঞা লঙ্ঘন করিয়া লুটনাশয়ে স্বীয় শ্রেণী পরিত্যাগ করিলে বিপক্ষ সৈন্যগণ পশ্চাতে আসিয়া তাহাদিগকে পরাজয় করিল। মুসলমানেরা ঐ রূপ আক্রমণে এবং বায়ুর প্রতিকূলতায় সকলে ছিন্ন ভিন্ন হইয়া পলায়ন করিতে লাগিল; তাহাতে মহম্মদ স্বসৈন্য লইয়া অতিসাহস পূর্বক যুদ্ধ করিয়াও পরিশেষে আহত ও রক্তাক্ত কলেবর হইয়া ঘোটকহইতে এক গর্ত্তে পতিত হন। তৎকালে তাঁহার বদনে দশ বর্ষাঘাত ও তাঁহার সম্মুখের এক দস্ত ভগ্ন ও ওষ্ঠ ছিন্ন হইয়াছিল। মহম্মদের সদৃশাকৃতি এক জন খাজ্জাবাহক তৎকালে হত হইলে, মুসলমানেরা তাহাকে মৃত দেখিয়া মনে করিল, মহম্মদ হত হইয়াছেন; ইহাতে তাহারা সকলে পলায়ন করিতে লাগিল। তখন এক ব্যক্তি চোঁচাইয়া কহিল, যদিও মহম্মদের মৃত্যু হইয়া থাকে, তথাপি মহম্মদের ঈশ্বর জীবিত আছেন। হত সৈন্যগণের মধ্যে মহম্মদ ভূমিতে পতিত হইয়াছিলেন, কিন্তু তাঁহার পরিহিত বর্ম্মধ্বংস ও সতেজ চক্ষু দেখিয়া মুসলমান লোকেরা তাঁহাকে জীবিত জ্ঞানে তুলিয়া লইয়া গেল। ঐ সংগ্রামে কোরেশেরা জয়ী হইয়া মৃত মুসলমান সৈন্যদিগের

নাসিকা ও কর্ণ ছেদন করিয়া আপনাদের কণ্ঠে নাসিকার মালা ও হস্তে কর্ণের মালা গাঁথিয়া দিল।

ওহদ রণে মহম্মদের পিতৃব্য হামজা আর ৭০ জন মুসলমান সেনা এবং শত্রুদের মধ্যে ২৩ জন হত হয়। হাম্জা নামী এক জন স্ত্রী উক্ত হামজার হৃদয় বিদারণ করিয়া ভক্ষণ করিল। মহম্মদের মৃত্যু হইয়াছে, কোরেশেরা ইহা বোধ করিয়া তৎকালে মদীনায় গমন করে নাই, নতুবা একেবারে মহম্মদীয় ধর্ম লোপ করিতে পারিত।

মদীনাস্থ লোকেরা পরাজয় মানিয়া ক্রুদ্ধ ও ত্রস্ত হইলে মহম্মদ তাহাদিগকে শাস্ত করণার্থে কহিলেন, সকলের “মৃত্যুকাল নিকপিত আছে, তাহাতে পলায়ন করিলে কেহ নিস্তার পাইবে না। আর যাহারা ধর্মের নিমিত্তে যুদ্ধ করিয়া মৃত হয়, তাহারা স্বর্গে গিয়া প্রত্যেকে ৭২ হুরী কিনা অঞ্জলীকর্তৃক সেবিত হইয়া ধর্মজয়ির মুকুট প্রাপ্ত হইবে, এবং এক প্রকার সবুজ পক্ষির গলার ঞ্জিতে বাস করিবে। ঐ অপ্সরীদিগের চকু কৃষ্ণবর্ণ ও উত্তম মুক্তার সদৃশ উজ্জ্বল, এবং তাহাদের শরীর কস্তুরীতে নির্মিত।” মহম্মদ মৃত সৈন্যদিগের উদ্দেশে তাহাদের আত্মীয়দিগকে রোদন করিতে অনুমতি দেন বটে, কিন্তু শোকে কেশ ও বস্ত্র ছিড়িতে নিষেধ করেন; তিনি কহিতেন, “সমরে সংহত ব্যক্তির স্বর্গস্থ হইয়া পরম সুখে থাকে। কেহ নিকপিত কালের পূর্বে মরে না; কিন্তু সময় উপস্থিত হইলে অপূর্ব শয্যায় শয়ন করুক কিম্বা যুদ্ধে সমুপস্থিত হউক, অবশ্য মৃত্যু প্রাপ্ত হইবে; ইহাতে কোন সন্দেহ নাই।”

ওহদ রণের কিছু কাল পরে মহম্মদ হাবেশ দেশীয় এক জন সন্ত্রাস্ত পলাতকের স্ত্রীকে বিবাহ করেন, তাহার চারটা সন্তান ছিল।

হিজরার চতুর্থ বৎসরে মহম্মদ দ্যুত ক্রীড়া ও খুঁকর মাংস ভক্ষণ, ও শর পরীক্ষা, ও প্রতিমূর্ত্তি বোদন এবং ড্রাক্কারস পান, এই সকল কর্ম্ম নিবেধ করেন। কথিত আছে, ড্রাক্কারস পান নিবেধের কারণ এই, তিনি এক দিবস কোন বিবাহে নিমন্ত্রিত হইয়া সেই স্থানে উপস্থিত হওত দেখিলেন, আগত লোক সকলে একমনা হইয়া আমোদ পূর্ব্বক ড্রাক্কারস পান করিতেছে; কিন্তু পর দিবস প্রত্যাগমন করিয়া পশ্চিমধ্যে পতিত রক্তঘারা অবগত হইলেন যে তাহারা উদ্ভ্রান্ত হইয়া পরস্পর বিবাদ পূর্ব্বক রক্তারক্তি হইয়াছে; ইহাতে মহম্মদ ড্রাক্কারসকে শয়তানের যজ্ঞ বলিয়া তাহা পান করিতে নিবেধ করিলেন। পরে তিনি আজ্ঞা করিলেন, যে ব্যক্তি এই রস পান করিবে, তাহাকে অশীতিবার কোড়া প্রহার করা বাইবে। এই হেতু অনেক ২ আরবীয়েরা তাঁহার ধর্ম্ম পরিত্যাগ করিল, কিন্তু অন্যান্য কতিপয় লোক তাহা গ্রহণ করিল।

কিছু কাল পরে মহম্মদের প্রিয় বন্ধু আন্ধাল্লা তাঁহার প্রবৃত্তিঘারা স্কিকিয়ান ইবন খালেদ তাঁহার শত্রুকে গোপনে বধ করিলে মহম্মদ তাহাতে সন্তুষ্ট হইয়া স্বীয় হস্তের যষ্টি পুরস্কার স্বরূপ তাঁহাকে প্রদান করিয়া কহিলেন, দেখ, এই যষ্টি স্বর্ণে তোমার অবলম্বন হইবে, আমি ইহাঘারা পুনরুত্থানের দিনে তোমাকে চিনিয়া লইব। আন্ধাল্লা অতি সমাদর পূর্ব্বক যষ্টি গ্রহণ করিয়া চিরকাল ব্যবহার করিতেন, পরে * সৃত্যুকালে

• ইবন মিশক।

তাহা আপনার কবরে দিতে আজ্ঞা করিলেন। মহম্মদ আবু স্ফিয়ানকেও বধ করণার্থ মক্কা নগরে আমরু বেন ওমিয়াকে প্রেরণ * করেন, কিন্তু ইহা প্রকাশ হওয়াতে তাঁহার চেষ্ঠা বিফল হইল।

এই সময়ে মদীনার সন্নিকটস্থ যিহুদীয় এক জাতি বিবাদ নিষ্পত্তির ছলে মহম্মদকে নিমন্ত্রণ করিয়া ভোজন কালে তাঁহার মস্তকে বাঁতা ফেলিয়া মারিবার কুমন্ত্রণা করিল, কিন্তু মহম্মদ এক জন বন্ধুর নিকটে ইহা জ্ঞাত হইয়া পলায়ন করিলেন। পরে তিনি প্রকাশ করিলেন, আমি এ বিষয় ঈশ্বরদ্বারা অবগত হইয়া রক্ষা পাইয়াছি। কিছু দিন পরে তিনি সৈন্যগণ লইয়া যিহুদীয়দিগের দুর্গ আক্রমণ করিলে তাহারা বশীভূত হইল। মহম্মদ তাহাদিগকে দেশান্তর করিয়া খয়বার প্রদেশে পাঠাইলেন, কিন্তু প্রত্যেককে এক ২ উষ্ট্রের বোঝার অতিরিক্ত সম্পত্তি সঙ্গে লইতে নিষেধ করিয়া মক্কাহইতে যাহারা তাঁহার সহিত পলায়ন করিয়াছিল, তাহাদিগকে ঐ সকল লুটিত ধন বাঁটিয়া দিলেন। তদবধি তিনি তাবৎ যিহুদীয়দিগকে অবিশ্বাস করত তম্জাতীয় নিজ সর্বাধ্যক্ষকে পরিত্যাগ করিয়া এক জন আরবীয় লোককে ঐ পদে নিয়োগ করিলেন, এবং যিহুদীয় লোকদিগের সহিত পত্রাদি দ্বারা কথোপকথন করণার্থে স্মরিয়া ভাষা শিক্ষা করিতে তাহাকে অনুমতি দিলেন।

হিজরার চতুর্থ বৎসরে মহম্মদ স্মরিয়া দেশের নিকটস্থ অঞ্চলে যুদ্ধ করিয়া অনেক কাফিলার দ্রব্য লুট করিলেন।

* তারীখ এল্-খাসিমী ও সিরৎ এয়াকাল।

পঞ্চম বৎসরে তিনি এক দল দেবপুত্রককে আক্রমণ পূর্বক তাহাদিগের কতিপয় লোককে বধ করিয়া দুই শত জনকে বন্দি করিয়া লইয়া গেলেন ; এবং তাহাদিগের এক সহস্র উষ্ট্র ও পাঁচ সহস্র মেঘ লুট করিয়া লইলেন। পরে তিনি ঐ বন্দিদিগকে বিক্রয় করিতে গেলে তাহাদের মধ্যে বাসা নামী এক অধ্যক্ষের কন্যা স্বীয় মূল্য দিয়া আপনাকে মুক্ত করিতে চেষ্টা করিল ; কিন্তু তাহার মূল্য অধিক হওয়াতে সে তাহা ম্যন করণার্থে মহম্মদের নিকটে প্রার্থনা করিল। মহম্মদ তাহার রূপ লাভণ্যে গোহিত হইয়া কহিলেন, তোমার মুক্তির মূল্য ম্যন হইবেক না, আমি তোমাকে বিবাহ করিব ; তাহাতে অধ্যক্ষের কন্যা সম্মত হইল।

পরে মহম্মদ এক দিন আপন পোষ্যপুত্র জয়েদের গৃহে প্রবেশ করিয়া তাহার বনিতার রূপ লাভণ্য দর্শনে মুগ্ধ হওত তাহাকেও বিবাহ করিতে ইচ্ছা করিলেন। তাহার স্বামী জয়েদ পূর্বে মহম্মদের ক্রীত দাস ছিল, এ কারণ সে সম্মত হইল ; কিন্তু একপ বিবাহ আরব দেশীয় লোকদিগের রীতি বিরুদ্ধ হইলে তিনি তাহাদিগকে কহিলেন, * জিভ্রীয়েল দূত আমাকে ইহা অনুমতি দিয়াছেন। এ কথা বলিয়া তিনি অতি সমারোহ পূর্বক উক্ত কৰ্ম সম্পন্ন করিলেন।

মহম্মদ যুদ্ধযাত্রা কালে এক জন স্ত্রীকে সঙ্গে লইয়া যাইতেন ; তাহাতে এক সময়ে তিনি আইশাকে সঙ্গে লইয়া যুদ্ধযাত্রা করিলে সে কোন কারণ বশতঃ সকলের পশ্চাৎদিক্তিনী হইল।

পরে আর এক জন পুরুষ তাহাকে মহম্মদের তাঁবুতে লইয়া গেলে আইশার প্রতি ব্যভিচার দোষের সন্দেহ জন্মিল; তাহাতে মহম্মদ আলীকে জিজ্ঞাসা করিলেন, তুমি এ বিষয়ে কী বোধ কর? আলী তাহাকে দোষী করিলেন, কিন্তু মহম্মদ কিছু কাল পরে সুগীরোগগ্রস্ত হইয়া কহিলেন, আইশা নির্দোষী বটে, ইহা আমার নিকটে দৈববাণীদ্বারা প্রকাশ হইয়াছে; আর যে ব্যক্তি স্ত্রীলোকের ব্যভিচার দোষ আরোপ করে সে যদি চারি জন সাক্ষী না দিতে পারে তবে তাহাকে অশীতিবার কোড়া প্রহার করা যাইবে। অতএব উক্ত দোষ প্রযুক্ত * এক জন কবি এবং মহম্মদের এক জন শালী উভয়ই তক্রপ দণ্ড পাইল।

কোরেশ ও যিহুদীয় লোকেরা মদীনা আক্রমণার্থে উদ্যত হইলে মহম্মদ চতুর্দিকে পরিষ্কা করিয়া নগর রক্ষা করিলেন। এই পরিষ্কা তিনি স্বহস্তে খনন করিতে লাগিলে সকলের প্রবৃত্তি জন্মিল। ঐ কর্ম ছয় দিনে সমাপ্ত হওয়াতে দশ সহস্র শক্র পঞ্চদশ দিবস অবধি নগর আক্রমণ করিলেও তাহাদিগের চেষ্টা বৃথা হইল। এই সময়ে এক দিন আলী আপন পিতৃব্য আমরুর সহিত যুদ্ধ করিয়া তাহাকে পরাজয় করিলেন; তাহাতে আমরু ভূমিতলে পতিত হইলে তিনি বক্ষঃস্থলে আরোহণ পূর্বক খড়্গদ্বারা তাহার কণ্ঠ ছেদন করিলেন। খর্মের নিমিত্ত একপ কঠোর কর্ম পূর্বের কখন হয় নাই।

মহম্মদের কেবল তিন সহস্র সৈন্য ছিল, এ কারণ তিনি দেবপুঞ্জক ও যিহুদীয় লোকদের মধ্যে বিবাদ জন্মাইয়া দিলেন।

* ইবন খিশাক।

ইতিমধ্যে শত্রুগণের শিবির প্রচণ্ড বায়ুদ্বারা ছিন্নভিন্ন হওয়াতে তাহারা ভীত ও ত্রস্ত হইয়া মদীনাহইতে পলায়ন করিল। এই যুদ্ধ পরিষ্কার রণ নামে খ্যাত আছে।

শত্রুগণের মধ্যে অনেক যিহুদীয় লোক ছিল; ও তাহারা ছল পূর্বক মহম্মদকে বধ করিতে মন্ত্রণা করিয়াছিল, এই দুই কারণ প্রযুক্ত তিনি তিন সহস্র পদাতিক ও ৩৬ জন অশ্বারোহি সেনা লইয়া খোরাইদা নামক তাহাদিগের নগর আক্রমণ করিতে যাত্রা করিলেন। তথায় উপস্থিত হইয়া তিনি ঐ নগর ১৪ দিন পর্যন্ত অবরোধ করিয়া পরে হস্তগত করিলেন। মহম্মদ খোরাইদা নিবাসি সাত শত লোককে বন্ধ করিয়া মদীনায় আনয়ন পূর্বক তাহাদিগকে জীবিত অবস্থায় কবর দেওয়াইলেন। প্রভু যীশু খ্রীষ্ট যখন দেখিলেন যে যিরূশালম নগর ধ্বংস হইবে তখন তিনি রোদন করিয়াছিলেন; কিন্তু মহম্মদ, যিনি আপনাকে রহীমের রহুল অর্থাৎ দয়ালু ঈশ্বরের প্রেরিত বলিয়া জানাই-
তেন, তিনি অতি নিষ্ঠুরতা পূর্বক ঐ ৭০০ লোককে হত করেন। কলতঃ মহম্মদ আপত্তি করিয়া কহিতেন, * যক্রপ যিহোশুয়া ঈশ্বরহইতে কিনানীয় লোকদিগের উৎপাটন করিতে অনুমতি পাইয়াছিলেন, সেইরূপ আমি উহাদিগকে হত্যা করিতে অনু-
মতি পাইয়াছি। ঐ যিহুদীয়দের লুটিত দ্রব্য তিন শত বর্ষ, এক সহস্র বর্ষা, পঞ্চদশ শত চাল, এবং প্রচুর দ্রাক্ষারস, ও মিসরী ইত্যাদি। মহম্মদ সে সকলের পঞ্চম অংশ গ্রহণ করিয়া আপ-
নার সৈন্যগণকে মেঘ ও উষ্ট্র সকল ও তিন শত বর্ষ দিলেন। অশ্বারোহী সেনারা পদাতিকগণহইতে তিন গুণ অধিক পাইল।

• ইবন শিশাক।

ট

ঐ যুদ্ধে যে সকল স্ত্রীলোক ধৃত হয় তাহাদিগকে মহম্মদ ক্রীতা দাসী করিয়া তৎপরিবর্তে নেজ্জেড দেশহইতে অশ্ব আনয়ন করিলেন। মহম্মদ ঐ দাসীদিগের মধ্যে রহনা নামে পরমসুন্দরী এক যুবতী স্ত্রীকে দেখিয়া তাহাকে বিবাহ করিতে প্রস্তাব করেন; কিন্তু বিবাহিতা হইলে আমাকে অন্তঃপুরে সর্বদা বাস করিতে ও ঘোমটা দিয়া থাকিতে হইবে, ইহা ভাবিয়া সে তাহা অস্বীকার করিয়া মহম্মদের উপপত্নী হইয়া তাঁহার ধর্ম স্বীকার করিল।

এই সময়ে মহম্মদের অনুমত্যানুসারে তাঁহার এক জন যিহুদীয় শত্রু বন্ধুভাবে ছলপূর্বক হত হইল। তৎপরে মহম্মদ খোরাইদা দেশস্থ যিহুদীয়দিগকে জয় করিয়া তাহাদের মেঘ ও সম্পত্তি সকল লুটিয়া লইলেন। লুটের আশয়ে অনেক আরবীয় লোক তাঁহার সেনা হইল। মহম্মদ কহিতেন, কাপট্য করা এবং পরিশোধে অপারক হইয়া ঋণগ্রস্ত হওয়া; এই দুই পাপ ব্যক্তিরেকে আমার শিষ্যগণ অবিশ্বাসি লোকদিগকে বধ করিলে সকল পাপ হইতে মুক্ত হইবে। আর তিনি কোরানে আটবার লিখিয়াছেন, অবিশ্বাসিদিগের সঙ্গে কোম সম্পর্ক রাখিও না।

হিজরার ষষ্ঠ বৎসরে মহম্মদ তিন কারণ প্রযুক্ত মক্কা নগরে তীর্থ যাত্রা করেন। প্রথমতঃ, ঐ স্থানহইতে তিনি অপমানিত ও দুরীকৃত হইয়াছিলেন; দ্বিতীয়তঃ, মক্কা পুণ্যস্থান; তৃতীয়তঃ, তিনি স্বপ্নে তথায় যাত্রা করিতে আদেশ পাইয়াছিলেন। এই সকল হেতু প্রযুক্ত মহম্মদ পঞ্চদশ শত সৈন্য লইয়া মক্কায় যাত্রা করিলেন। কোরেশেরা তৎকালে তাঁহাকে নগরে প্রবেশ করিতে দিল না, এই জন্যে তিনি সেনাগণ সহিত মকার প্রান্ত্রভাগে

ধাক্কিয়া মস্তক মুগুন, ও উষ্ট্র জবেহ করিলেন, এবং স্ত্রীসংসর্গ ও স্নগন্ধ দ্রব্যহইতে বিরত হইলেন। পর বৎসরে কোরেশেরা তাঁহার সহিত এই নিয়ম স্থির করিয়া মকায় প্রবেশ করিতে দিল; অর্থাৎ তোমরা খড়্গ কোষে রাখিয়া তিন দিবসের মধ্যে নগরহইতে প্রস্থান করিবা। কিন্তু মহম্মদ যে ইশ্বরের প্রেরিত ইহা তাহার স্বীকার করিল না।

এই রূপ তীর্থ যাত্রাধারা মহম্মদের পরাক্রম বৃদ্ধি হইলে তিনি রাজ্যের ও ধর্মের প্রধান অধ্যক্ষ পদে নিযুক্ত হইলেন। কলতঃ হিন্দুলোকেরা কুলীন ব্রাহ্মণদিগকে যেকোন সম্মান করিয়া থাকে, তৎকালীন মুসলমানেরা মহম্মদকে ততোধিক মান্য করিত। বিশেষতঃ তাহার তাঁহার ছিন্ন নখ ও কেশ লইয়া পবিত্র বলিয়া তাঁহার স্মরণার্থে যত্ন পূর্বক রাখিত, তাঁহার নিষ্কীৰ্ত্তম চাটিয়া থাকিত, এবং তাঁহার স্মরণীয় উদক সর্ষাক্ত হেতু অতি দুর্গন্ধ হইলেও সমাদর পূর্বক পান করিত।

মদীনার উত্তরে পঁচ দিনের পথ খয়বার নামে এক প্রদেশ আছে। মদীনা হইতে বহিস্কৃত যে সকল ধনি বিহুদীয় লোকেরা তথায় বাইয়া বাস করিয়াছিল, তাহারা মহম্মদের শিষ্যদিগের প্রতি ঘেঘ করিত। মহম্মদ ইহা শুনিয়া তাহাদের প্রতিহিংসা করণাভিলাষে চতুর্দশ শত সৈন্য লইয়া তদ্দেশ আক্রমণার্থে গমন করিলেন। পরে তিনি তাদক নগরকে জয় করিয়া তত্রস্থ বিহুদীয় লোকদিগের সম্পত্তি সকল জুটিয়া লইলেন। তাহাদের মধ্যে এক জন আপনার সম্পত্তি গোপন করিলে মহম্মদ তাঁহাকে বধ করিয়া সাকা মাম্মী তাহার স্ত্রীকে বিবাহ করিলেন; কিছু দিন পরে ঐ স্ত্রী মুসলমানী হইল। পরে মহম্মদ অন্য ২ স্ত্র

নগর জয় করিয়া শেষে খয়বার নগর হস্তগত করিয়া লুটে নানা ভক্ষদ্রব্য ও রত্ন পাইলেন। তাহার অর্ধেক ভাবি তীর্থ বাত্রার ব্যয়ার্থে রাখিয়া তিনি অবশিষ্ট সকল দ্রব্য সৈন্যদিগকে দান করিলেন। পরে তিনি খয়বারের ভূমি সকলকে ১৮০০ অংশ করিয়া অশ্বারোহি সেনাগণের মধ্যে বাঁটিয়া দিলেন।

এই স্থানে মহম্মদের এমত ভারি বিপদ ঘটয়াছিল, যে তিনি তিন বৎসর পর্য্যন্ত শারীরিক ও মানসিক পীড়া অনেক প্রকার ভোগ করিয়া অবশেষে পরাজিত হইলেন। বিশেষতঃ, তিনি ঐ নগরস্থ এক জন যিহূদীর গৃহে বাস করিতে গেলে জয়নাব নামে এক ক্রীতা দাসী মেঘের জজ্বা বিবাক্ত করিয়া আহ্বারার্থ তাঁহার সম্মুখে রাখিল। পরে মহম্মদের এক জন শিষ্য তাহার কিঞ্চিৎ ভক্ষণ করিয়া তৎক্ষণাৎ ভূমিতে পতিত হইয়া মরিল, এবং মহম্মদও যৎকিঞ্চিৎ মাত্র ভক্ষণ করত অতিশয় ক্লেশ পাইলেন। আলী ঐ স্ত্রীর পিতা ও পিতৃব্যকে হত করিয়াছিলেন, তাহার প্রতিহিংসার নিমিত্তে সে এই রূপ করিল। মহম্মদ এ বিষয়ে জয়নাবকে অনুযোগ করিলে সে উত্তর দিয়া কহিল, তুমি সত্য প্রেরিত হইলে ইহা অবশ্য অবগত হইতে পারিতা; আর যদি তাহা না হও, তবে তুমি হত হইলে আমাদিগের পক্ষে মঙ্গল, কারণ আমার জাতীয়দের যথেষ্ট অনিষ্ট করিয়াছ। মুসলমানেরা কহিয়া থাকে যে ঐ জজ্বা নিজে মহম্মদকে তাহা আহ্বার করিতে নিবেদন করিল; কিন্তু তাহা শুনিতে ২ তিনি এক গ্রাসমাত্র ভক্ষণ করিলেন। সেই অবধি তাঁহার জ্ঞপ্তি ঐ বিষে নিত্য কম্পিত হইত, ইহা মৃত্যুকালে মহম্মদ আপনি কহিলেন।

মহম্মদ ঐ রূপ ক্লেশ পাইয়া সৈন্যদিগকে আত্মা করিলেন, যে যিহুদীয় লোকদের ভোজন পাত্র অপরিষ্কৃত না হইলে তোমরা তাহা ব্যবহার করিও না, এবং হিংস্র পক্ষী বা পশু ও গ্রাম্য গর্দভের মাংস ভক্ষণ করিও না; এবং পাচকেরা ভোজ্যদ্রব্য প্রথমে কিঞ্চিৎ ভক্ষণ না করিলে আপনি তাহা * খাইতেন না।

উক্ত খয়বারের যুদ্ধ ছয় সপ্তাহ পর্য্যন্ত ছিল। অনন্তর মহম্মদ মক্কা নগরে প্রত্যাগমন করিয়া আপন শত্রু আবুহুস্ফিয়ানের কন্যাকে বিবাহ করিলেন। কিস্বৎ দিন পরে তিনি কেনীনা নামে খয়বার দেশস্থ এক জন মান্য যিহুদীয়ের স্ত্রীকে বিবাহ করিলেন। মহম্মদ আপন সেনাপতিদিগকে স্থানে ২ প্রেরণ করিলে আরব দেশবাসি যিহুদীয় লোক সকল তাহাদিগের দৌরাণ্ড্যে ভীত হইয়া † পরাজয় মানিয়া কর প্রদানে অঙ্গীকার করিল।

সেই সময়ে মহম্মদ তাবৎ দেশীয় লোকদিগকে স্বমতাবলম্বি করিতে মনস্থ করিয়া তৎসম্পাদনার্থ এক মোহর নির্মাণ করাইয়া তাহাতে “মহম্মদ ঈশ্বরের প্রেরিত” এই কথা খোদাইলেন। পরে তিনি সকল রাজার নিকটে উক্ত মোহরাক্রিত পত্র সমেত দূত প্রেরণ করিয়া মুসলমান হওনার্থ তাহাদিগকে আহ্বান করিলেন। প্রথমে হাবেশ দেশীয় রাজার নিকটে তাহা প্রেরণ

• ইবন হিশাক।

† মহম্মদের মৃত্যুর কিছু দিন পরে ওমার নামক খালীফা তাঁহার আদেশানুসারে প্রকাশ করিলেন, আরব দেশে কেবল এক জাতি বাস করিবে, এবং এক ধর্ম প্রচলিত হইবে; ইহা কহিয়া তিনি তাবৎ যিহুদীয়দিগকে আরবদেশহইতে বহিস্কৃত করিলেন।

করেন। মহম্মদ সেই পত্রে স্বীয় ক্রীষ্টকে প্রকৃত কুমারীর পুত্র ও ঈশ্বরের আজ্ঞা স্বীকার করাতে ঐ রাজা তাঁহাকে বর্ধাৎ প্রেরিত বলিয়া মানিল।

পরে মহম্মদ খ্রীষ্ট নামক পারস্য দেশের রাজার নিকটে ঐ রূপ পত্র সমেত দূত পাঠাইয়া লেখেন, তুমি যদি আমার মত গ্রহণ না কর তবে আমি পুত্রকদিগের যে পাপ তাহা তোমার প্রতি বর্জিব। রাজা ঐ পত্র দেখিয়া কোপ প্রকাশ পূর্বক কহিলেন, দাসীর পুত্র কি আমার প্রতি একরূপ লিখিয়াছে? ইহা কহিয়া তিনি সেই পত্র ছিড়িয়া ফেলিয়া যেমত দেশের অধ্যক্ষকে আজ্ঞা করিলেন, হয় তো তুমি মহম্মদকে এ বিষয়ে ক্রান্ত কর, নতুবা তাহার মস্তক ছেদন করিয়া পাঠাও। এমত আজ্ঞা পাঠিয়াও কিছু দিন পরে ঐ অধ্যক্ষ এবং তদদেশবাসি পারস্য লোক সকল মহম্মদকে দিগ্বিজয়ি জানিয়া তাঁহার মত গ্রহণ করিল।

ইসলামবুল মহানগরের সম্রাট হিরাক্লিয়স মহম্মদের ঐ রূপ পত্র পাঠিয়া সম্ভ্রান্ত পূর্বক দূতের হস্তে বহুদ্রব্য উপঢৌকন স্বরূপ পাঠাইলেন। সে রাজা তৎকালে দম্বেষক নগরে ছিলেন। “মহম্মদ ঈশ্বরের প্রেরিত” ইহা পাঠ করণানন্তর তিনি চমৎকৃত হইয়া কহিলেন, এ স্থানে কি এমন কোন ব্যক্তি আছে যে মহম্মদের বিষয় বিশেষরূপে আমাকে জানাইতে পারে? তখন আবুলফিযান্ এবং সায়দ কতক জন কোরেশ জাতীয়েরা তথায় উপস্থিত হইয়া এক জন দ্বিতাশাবাদিহারী রাজার প্রার্থন সকলের উত্তর দিল। যথা;

প্রশ্ন। মহম্মদের বংশ উত্তম কি না?

উত্তর। হ্যাঁ উত্তম বটে।

প্র। তাঁহার বংশে কি কোন কালে কেহ রাজা ছিল?

উ। না।

প্র। তিনি আপনাকে প্রেরিত জানাইবার পূর্বে কি মিথ্যাবাদী রূপে খ্যাত ছিলেন?

উ। না, তাঁহার কথা সকল যথার্থ ছিল, একারণ তাঁহার নাম সকলে “আমীন” অর্থাৎ বিশ্বস্ত রাখিয়াছে।

প্র। ধনি লোকেরা তাঁহার শিষ্য হয় কি দরিদ্র?

উ। দরিদ্র।

প্র। ক্রমে তাহাদিগের সংখ্যার বৃদ্ধি কি হ্রাস হইতেছে?

উ। বৃদ্ধি হইতেছে।

প্র। কেহ তাঁহার মত গ্রহণ করিয়া পরে কি ত্যাগ করিয়াছে?

উ। না।

প্র। তোমরা কি তাঁহার বিরুদ্ধে কখন ২ যুদ্ধ করিয়া থাক?

উ। হ্যাঁ করিয়া থাকি।

প্র। তাহাতে তোমাদিগের জয় কি পরাজয় হয়?

উ। কখন তিনি জয়ী হইলেন কখন বা আমরা হই।

প্র। তিনি বিশ্বাসঘাতক কি না?

উ। না।

প্র। পূর্বে ঐ ধর্ম কেহ ঘোষণা করিত কি না?

উ। না।

প্র। তাঁহার ঘোষণার মূলার্থ কী?

উ। প্রার্থনা, উপবাস, কুটুম্ব লোকদিগের প্রতি অনুরাগ, এবং পাপ কর্মহইতে নিবৃত্তি।

সুন্নাট ইহা শুনিয়া সন্তুষ্ট চিত্তে দূতকে বিদায় * করিলেন। হিরাক্লিয়স উক্ত কথাতে ভীত হন নাই, কারণ মহম্মদের পূর্ব পুরুষের মধ্যে কেহ রাজা না থাকাতে তিনি বুঝিলেন, আমার রাজ্য গ্রহণের নিমিত্ত নয়, বরং ধর্ম শিক্ষা দিবার নিমিত্তে মহম্মদ একপ ভাব প্রকাশ করিয়াছেন। ইহা বিবেচনা করিয়া সুন্নাট মহম্মদের ধর্ম যথার্থ বোধ করিলেন।

পরে মিসর দেশের অধ্যক্ষ এক জন খ্রীষ্টিয়ান মহম্মদের পত্র সম্মান পূর্বক গ্রহণ করিয়া তাহা গজদস্ত নির্মিত একটি সিন্দুকের মধ্যে রাখিল, এবং প্রচুর উপঢৌকনের সহিত দুই জন ক্রীতা দাসীকে মহম্মদের নিকটে প্রেরণ করিল। মহম্মদ তাহাদের মধ্যে মরিয়ম নামী পঞ্চদশ বর্ষ বয়স্কা এক জনকে পরম স্নান্দরী দেখিয়া মোহিত হইয়া তাহাকে উপপত্নী করিলেন। তিনি কোরানে লিখিয়াছিলেন, যে ব্যক্তি কোন স্ত্রীকে জষ্ঠী করে, তাহার কশাঘাত হইবে; তথাপি তিনি ঐ স্ত্রীকে সন্তোগ করিতে প্রবৃত্ত হইয়া প্রকাশ করিলেন, আমি তৎ সন্তোগের নিমিত্তে দৈববাণী শুনিয়াছি, তাহাতে উক্ত ব্যবস্থা উল্লঙ্ঘন করিতে সম্মত হইলাম। ফলতঃ তিনি স্বীয় শিষ্যগণকে চারিটির অধিক বিবাহ করিতে নিষেধ করিয়াও আপনি বিংশতি বিবাহ করিলেন।

মহম্মদ এই কর্ম সম্পন্ন করিয়া পুনর্বার মক্কাতীর্থে যাত্রা করিতে স্থির করিলেন। তাহাতে তিনি তীর্থ যাত্রির বেশধারী হইয়া ২০০০ সৈন্য সহ ঐ নগরে প্রবেশ করিয়া কাবা

মন্দির সাভবার প্রদক্ষিণ করেন ; কিন্তু কোরেশেরা তাঁহাকে মন্দিরের মধ্যে প্রার্থনা করণার্থে প্রবেশ করিতে দেয় নাই । মহম্মদ শাকা উপনিরিহইতে মেরুয়া পর্য্যন্ত তিন বার দৌড়িয়া গেলেন । তিনি তিন দিবসের পরে মক্কা তীর্থহইতে প্রত্যাগমন করিয়া ময়মুনা নামী একান্ত বয়স্ক এক জন বিধবাকে বিবাহ করিলেন । এই স্ত্রী খালীদের খুড়ী ছিল, এবং তাহার প্রবৃত্তিদ্বারা খালীদি মহম্মদের ধর্ম গ্রহণ করিয়া ঈশ্বরের খদ্দর নামে বিখ্যাত হন । ঐ সময়েতেও আসরু মহম্মদের ধর্মাবলম্বী হইলে কতক বৎসর পরে মিসর দেশকে জয় করিলেন ।

বসরা নগরের অধ্যক্ষ মহম্মদের দূতকে ছুরিয়া দেশস্থ মূতা নগরে বধ করাতে মহম্মদ তাহার সহিত যুদ্ধ করিতে স্থির করিলেন । ঐ যুদ্ধে মহম্মদের যুক্ত দাগ জয়েদ সেনাপতি হইয়া তিন সহস্র সৈন্য সংগ্রহ পূর্বক প্রান্তরের পারগামী হইলেন; কিন্তু গ্রীক ও আরবীয় খ্রীষ্টিয়ানদের দশ সহস্র সৈন্য তাঁহার বিপক্ষ * হইয়া উঠিল । তখন জয়েদের কোন ২ সৈন্য পঞ্চকে ছুর্গম বুঝিয়া অগ্রসর হইতে অস্বীকার করিলে আবদাল্লা নামে এক জন স্নকবি ও সেনাপতি উঠেঃস্বরে কহিলেন, আমরা ধর্ম বিস্তার করণার্থ যুদ্ধ করিতে যাই; ইহাতে অগ্রে জয় নতুবা স্বর্গলাভ হইবে । আমরা বলে ও সংখ্যায় বিশ্বাস করি না, কেননা এ মনুষ্যদের পরস্পর যুদ্ধ

* গ্রীস দেশীয়দের সহিত মুসলমানদের যুদ্ধ এ রূপে আরম্ভ হইয়া আট শত বৎসর পর্য্যন্ত থাকিয়া ইস্তাম্বুল নগর পরাক্রান্ত হইলে খ্রীষ্টিয় ১৪৫৩ সনে তাহার শেষ হয় ।

ময়, বরং সত্য ধর্ম মিথ্যা ধর্মের সহিত যুদ্ধ করিতেছে । আইস, আমরা বিধর্মীদের শবরাশিধারা স্বর্ণ গমনের পথ প্রস্তুত করি ।

মোয়াব দেশহইতে অর্ধ দিনের পথ অন্তর মৃত্যু নগরে যুদ্ধ হইল, তাহাতে জয়েদ এক সাংঘাতিক আঘাত প্রাপ্ত হইয়া মৃত হন । তাঁহার বিষয়ে মহম্মদ কহিতেন, তিনি সূর্যোদয়হইতে সূর্যাস্ত পর্য্যন্ত আমার স্মরণে থাকেন, এবং প্রত্যেক বায়ুতে তাঁহার প্রতিমূর্ত্তি দেখিতে পাই । পরে জাকর নামে মহম্মদের এক জন জ্ঞাতি পুণ্যপতাকা ধারণ করিলে শত্রুরা তাহা প্রাপণের নিমিত্তে প্রাণপণে যুদ্ধ করিতে লাগিল । তিনি সেই পতাকা দক্ষিণ হস্তে করিলে শত্রুরা তাঁহার সে হস্ত কাটিয়া ফেলিল ; পরে বাম হস্তে ধারণ করিলে সে হস্তও কাটা গেল ; তাহাতে বাহুদ্বয়ে ধরিলেন । পরে এক ঝড়্যাঘাতে তাঁহার মস্তক ছিন্ন হইলে তিনি পতাকা স্কন্ধ ভূতলে পড়িলেন । অনন্তর আবদাল্লা ইহা দেখিয়া পতাকা লইয়া ধারণ করিলেন ; কিন্তু তিনিও পঞ্চাশৎ আঘাত পাইয়া পতিত হইলেন । তখন মৃত্যু শিষ্য খালীদ তাহা ধরিয়া শত্রুগণের সহিত এমত ঘোরতর রূপে যুদ্ধ করিলেন, যে তাঁহার হস্তে ময় খানি খজা ভগ্ন হইল । পরে তিনি পতাকা রক্ষা করত অবশিষ্ট সৈন্যদিগকে শ্রেণী পূর্ব্বক করিয়া শত্রুদের নিকটহইতে লইয়া গেলেন । কেবল অল্প সেনাগণ রক্ষা পাইয়াছিল, কিন্তু খালীদ তাহাদিগকে ইতস্ততঃ লইয়া যাওয়াতে শত্রুগণ মৃত্যু সৈন্য বোধে তাহাদিগের পশ্চাতে আইল না । অবশিষ্ট সেনাগণ মদীনায় উপস্থিত হইলে তম্বিবাসি লোকেরা তাহাদিগকে পরাজিত বলিয়া অবজ্ঞা করত তাহাদের মুখে

খুলি নিষ্ক্রেপ করিতে লাগিল। সেই সময়ে গ্রীক দেশীয়দিগের সৈন্য অধিক থাকাতে মহম্মদ তাহাদের সহিত যুদ্ধ করিতে সক্ষম হইলেন। জ্বাকর নামক তাঁহার আত্মীয় ব্যক্তি ঐ রণে পতিত হইলে তাঁহার বন্ধুগণ অনেক বিলাপ করিতে লাগিল; তাহাদের সান্ত্বনা করিবার নিমিত্তে মহম্মদ কহিলেন, তোমরা আপনাদের মৃত ভ্রাতার নিমিত্তে ক্রন্দন করিও না। ইহাঁর যে হস্তদ্বয় রণে ছেদিত হইয়াছে, তাহার পরিবর্তে স্বর্ণ গমনার্থে মুক্তাময় দুই * পক্ষ পাইয়াছেন। হে পাঠকগণ দেখ, পৌল এবং মহম্মদ এই দুই জনের কথা কেমন বিভিন্ন! সাধু পৌল কহেন, “আমি যদ্যপি দক্ষ হইতে আপন শরীর অগ্নিতে সমর্পণ করি, তথাপি প্রেম না থাকিলে আমার কোন ফল নাই।” পুনশ্চ কহেন, “পুণ্য ব্যতিরেকে কেহই প্রভুর দর্শন পাইবে না।”

মহম্মদ মক্কাস্থ লোকদিগের সহিত দশ বৎসরের জন্যে সন্ধি করিয়াছিলেন, কিন্তু সন্ধি পত্র স্থির করিলে পরে অনেক প্রজা ও সৈন্য লুট করিতে ইচ্ছুক হইয়া তাঁহার পক্ষে আইল, অতএব তিনি পূর্বে অপমানের প্রতিফল দেওনার্থে মক্কা নগর এবং কাবা নামক দেবপূজক লোকদের প্রধান মন্দিরকে আক্রমণ করিতে স্থির করিলেন। কোরেশরাও ঐ সন্ধির নিয়ম লঙ্ঘন করিয়া মহম্মদের পক্ষীয়দিগকে আক্রমণ করিয়াছিল, তাহাতে মক্কা নিবাসিরা তাঁহার ক্রোধ নিবৃত্তি করণ জন্য আবুসুফিয়ানকে মদীনায় প্রেরণ করিলে তাঁহার চেষ্ঠায় কোনই ফল দর্শিল

* হিশামী ও ওয়াকিদী।

না। মহম্মদ তাঁহার একটি কথাও শুনিলেন না; বরং হাবিবা নাম্নী মহম্মদের এক স্ত্রী স্বীয় পিতা আবুসুফিয়ানকে আপন স্বামির বিছানাতে বসিতে নিবারণ করিয়া কহিল, পয়গম্বরের বিছানাতে দেবপুত্রক লোককে বসিতে দেওয়া উচিত নয়। পরে তিনি প্রস্থান করিলে মহম্মদ অতিদুরায় দশ সহস্র সৈন্যসহ গোপনে মক্কা আক্রমণার্থ যাত্রা করিলেন। তিনি ঐ নগরের নিকট পৌঁছিলে পর নগরস্থ লোকেরা জ্ঞাত হইল যে মহম্মদ আইলেন, কিন্তু পূর্বে তাহারা কিছুই জানিত না। পরে মহম্মদ রক্তবর্ণ বর্ম পরিধান করিয়া কোরানে লিখিত জয়ের প্রতিজ্ঞা উচ্চৈঃস্বরে কহত মহাবীরের ন্যায় মক্কা নগরে প্রবেশ করিলেন। তিনি আট বৎসর পূর্বে ঐ নগরহইতে অপমানিত হইয়া পলায়ন করিয়াছিলেন। যিকশালম নগরে প্রভু স্ত্রীশু স্ত্রীষ্টের প্রবেশ করা হইতে ইহা অনেক বিশেষ। দেখ, তিনি পাণ ও রোগহইতে যাহাদিগকে মুক্ত করিয়াছিলেন, তাহারা তাঁহাকে জয়ধ্বনি করত গ্রহণ করিল।

মহম্মদের চিরশত্রু আবুসুফিয়ান স্বসেবিত প্রতিমাহইতে রক্ষার উপায় না দেখিয়া তাঁহার হস্তে আপনাকে সমর্পণ করিলেন। কিন্তু তিনি মহম্মদকে প্রেরিত বলিয়া একেবারে স্বীকার না করাতে ওমার তাঁহার মস্তক ছেদন করিতে উদ্যত হইলে, আবুসুফিয়ান প্রাণ রক্ষার নিমিত্তে মহম্মদকে প্রেরিত রূপে মানিলেন, পরে তাঁহার প্রবৃত্তিদ্বারা মক্কাস্থ সকল লোক মহম্মদের বশীভূত হইল। আবুসুফিয়ান ধর্ম গ্রহণ করাতে মহম্মদ অতি সন্তুষ্ট হইয়া প্রায় তাবৎ মক্কাস্থ লোকদিগকে ক্ষমা করিলেন। বিশেষতঃ কোরান রচনা কালে মহম্মদের লেখক স্বীয়

অভিলাষানুসারে কোন ২ কথা পবিত্তন করিয়াছিল, তথাপি তিনি তাহাকেও ক্ষমা করিলেন । আবুস্বফিয়ান অতি উৎসুক মুসলমান হইলেন; আর যখন তাঁহার পুত্র সেনাপতি হইয়া সুরিয়া দেশে রণযাত্রা করেন, তখন তাঁহার অধীনে থাকিয়া মহম্মদের পক্ষ হইয়া যুদ্ধ করিলেন ।

মহম্মদের সেনাপতি মক্কা নগরে জেণীপুর্ষক প্রবেশ করিলে পর তিনি কাবা মন্দিরকে সাত বার বেষ্ঠন করিয়া স্বীয় ষষ্টি-দ্বারা তৎস্থিত কৃষ্ণবর্ণ প্রস্তর স্পর্শ করণানন্তর জিম্জিম নামক কূপের জল পান করিলেন । মুসলমানেরা কহে, ইব্রাহীমের পুত্র ইস্মাইল তৎকালে হৃতপ্রায় হইলে এক জন স্বর্গীয় দূত তাঁহাকে ঐ কূপ দেখাইয়াছিল । আরব দেশের সকল স্থানে ঐ কূপের জল বিক্রয় হয়; কলতঃ হিন্দুরা গদ্যমাণে যে রূপ পুণ্য বোধ করে, মুসলমানেরা জিম্জিম কূপের জল পান করণে তদ্রূপ জ্ঞান করে, এবং শবাজ্জাননধস্ত্রে ঐ জল দেওয়া অতি পুণ্যজনক কর্ম বলে । পরে মহম্মদের হস্তে কাব্বার চারি সমর্পিত হইলে তিনি সেই মন্দিরে প্রবেশিয়া কুলঙ্গীতে স্থিত ৯৬০ প্রতিমাকে ভগ্ন করাইলেন; ঐ সকল প্রতিমা ৩৩ ২ বৎসর অবধি তথায় থাকিয়া পুঞ্জিত হইত । তাহার মধ্যে হোবাল নামক যে এক প্রতিমা ইরাক দেশ হইতে আনীত হইয়াছিল, লোকেরা বোধ করিত ইহারই অনুগ্রহে বৃষ্টি হইয়া থাকে । কাবাতে ইব্রাহীম ও ইস্মাইলের প্রতিমূর্তি ছিল, তাহাদিগের হস্তে ভবিষ্যৎ ঘটনার জ্যাপক তীর থাকিত । ঐ মন্দিরের এক স্তম্ভে যীশু খ্রীষ্ট শিশুরূপে মরিয়ম কুমারীর ক্রোড়ে খোদিত ছিল । তন্নিম্ন জঙ্গরী স্ত্রীরূপধারী স্বর্ণ দূত

গণের কতক চিত্রপট এবং কাঠে খোদিত এক কপোতের মূর্তি ছিল ।

মক্কাস্থ লোকেরা মহম্মদের নিকট আসিয়া শপথ পূর্বক কহিল, আমরা আপনার সকল কথা শুনিব । তাহাতে মহম্মদ-উচ্চৈঃস্বরে বলিলেন, এক্ষণে সত্য উপস্থিত হইল, মিথ্যা অন্তর্হিত হউক ! ইহা বলিয়া স্বহস্তে প্রতিমা সকলকে নষ্ট করিতে আরম্ভ করিলেন । পরে তিনি কোরেশদিগকে কহিলেন, তোমরা আপন ২ বংশের গৌরব আর করিও না ; কেননা সকল মনুষ্যই আদমের সন্তান, আর আদম খুলিহইতে উৎপন্ন হইয়াছিলেন । তখন তিনি মক্কাস্থ স্ত্রী পুরুষ সকলকে সঙ্গে করিয়া শাক্কা উপগিরিতে আরোহণ করিলেন । তথায় পৌছিয়া তাহারা দিব্য করিয়া মহম্মদকে কহিল, আপনি ষথার্থ ঈশ্বরের প্রেরিত ; এখন অবধি আমরা প্রতিমা পূজা ত্যাগ করিয়া আপনার ষর্ম বিস্তারার্থে যুদ্ধ করিব । স্ত্রী-লোকেরাও প্রতিজ্ঞা পূর্বক কহিল, ইহার পরে আমরা চুরি ও ব্যভিচার ও কন্যাহত্যা আর করিব না, ও শোকে আপন ২ বস্ত্র ও কেশ ছিড়িব না, আর মিথ্যা কথা কহিব না ।

পর দিন মহম্মদ মন্দিরে গিয়া প্রচার করিয়া কহিলেন, মক্কা নগর পৃথিবীর সৃষ্টি অবধি পুণ্য স্থান ; ইহাতে রক্তপাত কি বৃক্ষচ্ছেদন আর হইবে না । পরে তিনি কতক গুলিন নূতন ব্যবস্থা প্রচলিত করিলেন ; তাহার মধ্যে একটি এই, কোন ব্যক্তি টাকা দিয়া কিছু কালের নিমিত্তে উপস্ত্রী করিতে

• ইনসান আল উগান ।

পারিবে । পরে প্রতিমা পূজা যুক্তির বিরুদ্ধ, তদ্বিষয়ে মহম্মদ সঙ্ঘ্যাকাল পর্য্যন্ত ঘোষণা করিলে সকলে উচ্চৈঃস্বরে কহিল, (আল্লা আকবর) অর্থাৎ ঈশ্বর মহান্ ! তাঁহা বিনা ঈশ্বর নাই, আর মহম্মদ তাঁহার প্রেরিত ।

ইহাতে মহম্মদ কোরেশদের অধ্যক্ষদিগকে জিজ্ঞাসা করিলেন, এক্ষণে তোমাদিগের প্রতি আমি কী করিব ? তাহারা কহিল, হে মান্য ভ্রাতঃ ! আমাদিগকে অনুগ্রহ করুন । ইহা শুনিয়া তিনি সন্তুষ্ট হইয়া উত্তর করিলেন, যাও, তোমরা মুক্ত হইলা । তখন তিনি আর সকলের অপরাধ মার্জনা করিয়া তিন জন পুরুষ ও এক স্ত্রীর প্রাণদণ্ডের আজ্ঞা দিলেন । মক্কা নিবাসি সকলে মুসলমান হইলে পর তিনি তাহাদিগের পূর্ব্ব দোষ বিস্মৃত হইলেন । ঐ চারি জন ব্যতিরেকে কাহারও ধন ও প্রাণের হানি হইল না, কেবল আবদাল্লা নামক আর এক জন প্রাণে নষ্ট হইল । মহম্মদ কোরানের এক অংশ তাহাকে লিখিতে দিলে সে ব্যক্তি তাহার স্থানে ২ পরিবর্তন করিয়াছিল, তন্নিমিত্তে ঐ রূপ দণ্ড পাইল । পরে তিনি আজ্ঞা * করিলেন, মুসলমান ব্যতীত আর কেহ কাবা মন্দিরে প্রবেশ করিলে তাহার প্রাণ দণ্ড হইবে ।

মদীনাস্থ লোকেরা ঐ সকল কথা শুনিয়া অনুমান করিল, মক্কা নগর পুনর্কীর মহম্মদের প্রিয় হইয়াছে, এখন আমাদিগের নগরে তিনি আর বাস করিবেন না । কিন্তু তিনি

* মহম্মদের এই আজ্ঞা পাইয়া মুসলমানেরা বিরুশালম মন্দিরেন্ডেও গ্রীকিয়ানদিগকে প্রবেশ করিতে দেয় না ।

কহিলেন, যে নগর আমাকে আশ্রয় দিয়াছে তাহা আমি কদাচ পরিত্যাগ করিব না ।

পরে মহম্মদ এই রীতি সংস্থাপন করিলেন, এক ব্যক্তি প্রতি-
দিবস পাঁচবার মন্দিরের চুড়ায় উঠিয়া প্রার্থনার নিমিত্তে লোক-
দিগকে আহ্বান করিবে ; তাহা মুসলমানদের মধ্যে অদ্যাবধি
চলিত আছে ।

মহম্মদ অষ্টাদশ দিবস মক্কায় স্থিতি করিয়া ঐ নগরের
সকল প্রতিমা নষ্ট করিলেন, তাহা কেবল নয়, কিন্তু অন্য ২
স্থানের মন্দির ও প্রতিমা সকল ভগ্ন করিতে চতুর্দিকে সৈন্য
পাঠাইলেন । তৎকালে হিজস দেশে অনেক সমরপ্রিয়
দেবপূজক বাস করিত । তাহারা যখন দেখিল যে মুসলমানেরা
স্থানে ২ আমাদের পূজ্য প্রতিমা সকল ভগ্ন করিতেছে,
তখন তাহারা স্বীয় ধর্ম রক্ষার্থে হুলাইন নামক উপত্যকাতে
আপনাদের সৈন্য সকল সংগ্রহ করিয়া মক্কা নগর আক্রমণ
করিতে গেল । সেনাগণ আরও সাহস পূর্বক যেন যুদ্ধ করে,
এ কারণ মালিক নামে তাহাদের সেনাপতি তাহাদিগকে স্ব ২
স্ত্রী ও সন্তান ও সম্পত্তি সকল সঙ্গে লইয়া বাইতে আজ্ঞা
করিলেন । হুলাইন মক্কাহইতে ছয় ক্রোশ দূর । দেবপূজ-
কেরা নিকটবর্ত্তি উপগিরি সকলের পার্শ্বে থাকিয়া মুসলমান-
দের প্রতি অতি শত্রুরূপে আক্রমণ করিল, তাহাতে তাহারা
শ্রোণীভঙ্গ হইতে লাগিল ; ইহা দেখিয়া কোরেশদিগের বোধ
হইল, মুসলমানদের পরাজয় হইবে ; ইহাতে তাহারা সন্তুষ্ট
ছিল, কেননা স্বৈচ্ছাপূর্বক মহম্মদের পক্ষে যুদ্ধ করিতে যায়
নাই । মহম্মদের কেবল অল্প সেনা ছিল, কিন্তু তিনি যখন

তাহাদিগকে কহিলেন, আমি ইশ্বরের প্রেরিত ও পয়গম্বর; তখন তাহারা সাহস পূর্বক পুনর্বার যুদ্ধে প্রবৃত্ত হইয়া জয়ী হইল। এই খোরতর রণে মহম্মদ বক্ৰুল্লাহাদক উজ্জ্বল বর্ষ্ম পরিধান পূর্বক এক খেত অশ্বতরে আরোহণ করিয়া স্বহস্তে শত্রুদিগকে নষ্ট করিলেন। দেবপূজক লোকদের ৭০ জন হত হইলে তাহারা পরাজয় মানিল।

পরে মহম্মদ দেবপূজকদিগের প্রতিমা ভগ্ন ও সম্পত্তি সকল লুট করিতে পুনর্বার আপন সেনাপতিদিগকে ইতস্ততঃ প্রেরণ করিলেন। হুক সমুদ্রের নিকটে নকলা নামক কোরেশদিগের এক প্রসিদ্ধ তীর্থ স্থান ছিল; তথায় খালিদ গমন করত উজ্জ্বা নামে খ্যাত প্রতিমাকে কেলিয়া দিয়া মহম্মদের নিকট বাইয়া তাহার সংবাদ দিলেন। তাহাতে মহম্মদ তাঁহাকে কহিলেন, তুমি কিরিয়া যাইয়া সেই স্থানের কোন বিশেষ জোকের সহিত সাক্ষাৎ কর। ইহাতে খালিদ তথায় পুনর্বার গমন করিলে মন্দিরের পুরোহিতা মুক্তকেশী হইয়া কৃতাজ্জলি করত তাঁহার সহিত সাক্ষাৎ করিতে ত্বরায় বাহিরে আইল। খালিদ তৎক্ষণাৎ তাহাকে এক বড়লাখাতে দ্বিধণ্ড করিলেন। পরে মহম্মদের নিকট প্রত্যাগমন করিয়া সংবাদ দিলে তিনি কহিলেন, এখন তুমি উজ্জ্বাকে নষ্ট করিয়াছ বটে।

পরে খালিদ মহম্মদের আজ্ঞানুসারে ৩৫০ সৈন্য লইয়া তেহামা দেশে গমন করিলেন। পশ্চিমধ্যে অল্প দিন হইল মুসলমান ধর্ম গ্রহণ করিয়াছে এমন কত গুলিন লোককে পাইয়া তিনি তাহাদিগকে জিজ্ঞাসা করিলেন, তোমরা কোন্ ধর্মাবলম্বী? ইহাতে তাহারা ইসলাম (অর্থাৎ মুসলমান) না কহিয়া

সবনা (অর্থাৎ আমরা স্বধর্ম ত্যাগ করিয়াছি) করিল; তাহা শুনিয়া খালির বোধ করিলেন, তাহার মুসলমান ধর্ম ত্যাগ করিয়াছে, এ কারণ তাহাদিগকে তৎক্ষণাৎ বধ করিতে আজ্ঞা দিলেন। ইহা শুনিয়া মহম্মদ অভিশর জ্বল হইলেন।

অবশেষে টাইক নগর ব্যতীত দেবপুত্রক লোকদিগের আর কোথাও দুর্গ রহিল না। তথাকার লোকেরা পূর্বে মহম্মদকে প্রস্তরাখাত করিয়াছিল। মহম্মদ কড়ক বৎসর হইল এক পায়স্র দেশীয় ঐষ্ট্রিয়ানকে দাসত্বহইতে মুক্ত করিলে সে মুসলমান হইয়া তাঁহাকে মদীনার চতুর্দিকে পরিখা খনন করিতে পরামর্শ দিয়াছিল। সেই ব্যক্তির প্রবৃত্তিধারা মহম্মদ টাইক নগর আক্রমণ করিতে যাত্রা করিলেন। ঐ নগরস্থ লোকেরা জ্বাকারস ব্যবসায়ধারা প্রতিপালিত হইত, অতএব তাহার যেন শীঘ্র কশীভূত হয়, এ নিমিত্তে মুসলমানেরা তাহাদিগের জ্বাকালতা সকল ছেদন করিল; কিন্তু তাহাদের সে ভেটী বৃথা হইল। পরে মুসলমানেরা জানে আচ্ছাদিত হইয়া বুদ্ধ করিবার মানসে নগরের প্রাচীরের নিকটে গেল; কিন্তু নগরস্থ লোকেরা লৌহ খাল্লাইয়া তাহাদিগের উপরে চালিয়া দিলে তাহার অগ্রসর হইতে পারিল না। বিংশতি দিন পরে মহম্মদ কিছু দূরে গেলে হুনাইনে সৃষ্টিত জব্বোর বিভাগ বিষয়ে তাঁহার ও সৈন্যদিগের পরস্পর কড় বিবাদ উপস্থিত হইল; তাহাতে তিনি এক বৃকের পাৰ্শ্বে পলায়ন করিলে কোন ২ জ্বোকেরা তাঁহার কুর্তি ধরিয়া * ছিড়িয়া ফেলিল। মহম্মদ হতন সেনাদিগকে সৃষ্টিত জব্বাহইতে আপনার অংশ দিলেন, যেন

* সিয়াং আররহল।

তাহারা ধর্মে দৃঢ়তর আসক্ত হয়; ইহা দেখিয়া প্রাচীন সৈন্যগণ অতিশয় অসন্তুষ্ট হইয়াছিল, কিন্তু মহম্মদের প্রবোধ বাক্যে তাহারা শেষে কান্ত হইল ।

ঠাইক নগরবাসি ওরুয়া নামক এক যত্নাল্প ব্যক্তি মহম্মদীয় ধর্ম গ্রহণ করিলেন, তাহা দেখিয়া নগরস্থ অশোক লোক মুসলমান হইল । পরে নগর নিবাসিরা মহম্মদের নিকটে দূত প্রেরণ করিয়া সজ্জি প্রার্থনা করিল । বিশেষতঃ তাহারা এই প্রতিজ্ঞা করিল, তিন বৎসর পরে আমরা লাট দেবীর পূজা পরিত্যাগ করিব । কিন্তু মহম্মদ কহিলেন, তাহার পূজা আর এক দণ্ডও করিতে দিব না । অতএব তাঁহার আত্মস্বারে ঐ দেবীর মূর্তি ভগ্ন হইলে তাহার সমুদায় আভরণ লুটিত হইল, ইহা দেখিয়া সকলে ক্রন্দন ও বিলাপ করিতে লাগিল । পরে তাহারা মহম্মদকে কহিল, আমরা দিবসিক পাঁচবার প্রার্থনা করিতে পারিষ না । তাহাতে তিনি উত্তর করিলেন, প্রার্থনা ব্যতিরেকে ধর্ম নিষ্ফল । এতদর্থে কোরানে লিখিত আছে, প্রার্থনা ধর্মের স্তম্ভ ও স্বর্গের চাবি । পরে ঠাইক নগর মহম্মদের হস্তগত হইলে তিনি প্রচার করিলেন, আমাকে ইখর কহিয়াছেন, মুসলমানেরা আপন বন্দীগণের স্ত্রীদিগকে দ্বিবিহ করিতে পারিবে । উক্ত নগরের লুট চক্ষিণ সহস্র উষ্ট্র, ও চক্ষিণ সহস্র মেঘ, ও ১৩০ সের রূপা । মহম্মদ ধর্ম বিষয়ে চঞ্চলচিত্ত হুতন মুসলমানদিগকে স্থস্থির করিতে এবং বিঘ্নাঙ্গি প্রাচীনদিগের উৎসাহ বৃদ্ধি করণার্থে এই সমুদায় দ্রব্য তাহাদের মধ্যে বাঁটিয়া দিলেন । এই রূপ লাভজনক নবধর্মে কোরেশদিগের তস্তি শীঘ্র জন্মিল ।

মহম্মদ টাইক নগর বশীভূত করিয়া মক্কায় প্রত্যাপন করিলেন। তথায় উপস্থিত হইয়া কাবা মন্দিরে পরিচারকাহি নিযুক্ত করিয়া তিনি মদীনায় গেলেন। ঐ সময়ে তাঁহার কন্যা অয়নাবের মৃত্যু হইলে তিনি দুঃখিত হইলেন ; কিন্তু কিছু কাল পরে মরিয়ম নামে যে ক্রীড়া দাসীকে উপস্থী করিয়া রাখিয়াছিলেন, সে এক পুত্র প্রসব করিল, ভ্রাতৃহাতে তিনি অতিশয় সন্তুষ্ট হইয়া মরিয়ম লোককে অনেক দান করিয়া কতকগুলিন বন্দিদগকে মুক্ত করিলেন। মহম্মদ ঐ পুত্রের নাম ইব্রাহীম রাখিলেন। তাঁহার অনেক স্ত্রী থাকিলেও মরিয়ম ব্যতিরেকে আর কাহারও পুত্র সন্তান ছিল না।

হিজরার নবম বৎসরে নানা দেশীয় লোকদিগের দূতেরা মহম্মদের নিকট আসিয়া তাঁহার কর্তৃত্বের অধীনে থাকিতে চাহিল। তন্মধ্যে বনি তামিন্ নামে আরবীয় এক গোষ্ঠী মদীনাস্থলোকদিগের সহিত কাব্য ও অলঙ্কার শাস্ত্রবিষয়ক বিচার করিল।

যে সকল আরবীয় আতিরা পূর্বে পরস্পর বিভিন্ন ও শক্তিহীন ছিল, তাহারা মহম্মদের ধর্ম গ্রহণ করিয়া বল-পূর্বক লুট করিবার লোভে একত্রে একত্রিত হইল। ইহাতে মহম্মদের ক্ষমতা অধিক বৃদ্ধি হইলে তিনি অন্যান্য দেশেও স্বীয় রাজ্য বিস্তার করিতে মানস করিলেন। এক দিন তিনি আরব দেশীয় এক জন সৈন্যকে কহিলেন, বাবিলন নগরের খেতবর্ন দুর্গ সকল শীঘ্র আমার শিষ্যগণের হস্তগত হইবে ; তাহা হইলে কাদেশিয়হইতে কাবা পর্য্যন্ত স্ত্রীলোকেরাও নির্ভয়ে পদব্রজে যাতায়াত করিতে পারিবে।

মহম্মদ এই অভিপ্রায়ে অন্য তাবৎ দেশীয় দেবপূজক লোকদিগের বিরুদ্ধে এক ধর্মযুদ্ধ প্রচার করিলেন। অনেক স্থানহইতে শত্রুদিগের সংবাদ তাঁহার নিকটে আইল, কিন্তু তিনি কোন স্থানে গমন করিবেন, তাহা প্রকাশ করিতেন না। গ্রীষ্মকাল প্রযুক্ত কৃপা সকল শুষ্ক হইয়াছিল, আর ঋজুর সংগ্রহ করণের সময় সন্নিকট; তাহাতে সেনাগণ সকলে মৃত্যুর সংগ্রামের পরাজয় স্বরণ করিয়া সেই বৃক্ষে বাইতে অসম্মত হইল। তখন মহম্মদ কোরানের এক কৃতন অধ্যায় প্রকাশ করিলেন; তাহাতে লেখা আছে, গ্রীষ্মকালের তাপ-হইতে নরকের তাপ অধিক। পুরুষেরা একপ ভয়াশ হইলেও কোন ২ মুসলমানী স্ত্রীলোক ঐ বৃক্ষের ব্যয় নির্বাহের জন্যে নিজ ২ আভরণ দান করিল; এবং অধ্যক্ষদিগের মধ্যে ওমার ও অস্‌মান তজ্জন্য চারি সহস্র টাকা দিলেন। ইহা পাইয়া মহম্মদ তাঁহাদিগকে প্রেতিজ্ঞা করিয়া কহিলেন, তোমাদের বর্তমান ও ভবিষ্যৎ পাপ সকল মার্জনা করা যাইবে। আবু-বকর পোনের শত টাকা দিলে তাঁহার আর কিছু সঙ্গতি রহিল না; ইহা জানিয়া মহম্মদ তাঁহাকে জিজ্ঞাসা করিলেন, তোমার পরিবারের নিমিত্তে অবশিষ্ট কী আছে? তাহাতে তিনি কহিলেন, ঈশ্বর ও তাঁহার প্রেরিত।

মহম্মদ হস্রিদ বণ ভাল বাসিতেন, তাহাতে তিনি ঐ বর্ণের বস্ত্র পরিধান করিয়া ত্রিংশৎ সহস্র সৈন্য লইয়া যুদ্ধার্থে প্রেস্থান করিলেন। এক দিন যাত্রা করিলে পর তাঁহার কতকগুলি সৈন্য তপ্ত ধূলি ও মারাত্মক বায়ুদ্বারা অভিলিষ্ট হইয়া ও শত্রুদিগের অনেক সৈন্যের আগমন শুনিয়া উৎসাহ

ভক্ত হইল; তাহাতে তাহার প্রস্তুত হইয়া মদীনায় প্রেস্তাগমন করিল। মহম্মদ সকাহ লোকদের প্রতি বিশ্বাস না করিয়া তাহাদিগের উপরে আলিকে অধ্যক্ষরূপে নিযুক্ত করিলেন। সাত দিন গমনের পর অন্য সকল সেনারা মদীনায় উত্তরে এক ক্ষুদ্র প্রবাহ ও পর্বতস্থ শীতল গর্ভের নিকটে উপস্থিত হইল। ঐ স্থানে পূর্বে খামর আতিরা বাস করিত; তাহার শাপগ্রস্ত হইয়াছিল, একারণ মহম্মদ সে স্থানে আগম সৈন্যদিগকে স্থিতি করিতে দিলেন না। পর দিন রাত্রিতে তুকা নিবারণের নিমিত্তে তাহার আগম ২ উষ্ট্রদিগকে বধ করিল। পরে তাবক নামে এক স্থানে উপস্থিত হইয়া তথায় বিংশতি দিন বাস করত মহম্মদ নিকটবর্ত্তি প্রদেশ সকল অন্ন করণার্থে ঐ স্থানছইতে সৈন্যগণকে প্রেরণ করিলেন। তখন হুরিয়া দেশে অনেক সৈন্য উপস্থিত আছে, ইহা অবগত হইয়া তিনি সকল অধ্যক্ষদিগের পরামর্শানুসারে প্রেস্তাগমন করিতে লাগিলেন। মহম্মদ কিরিয়্যা আসিবার সময়ে এক রাত্রি কতক সৈন্য কর্তৃক আক্রান্ত হইলেন, তাহাতে যদি তাহার উষ্ট্র অতি বেগে পলায়ন না করিত, তবে তিনি অবশ্য হত হইতেন। প্রেস্তাগমন কালে মহম্মদ প্রচার করিয়া কহিলেন, ঈশ্বরের বাক্য শরীরের জ্যেষ্ঠ পুষ্টিকর, মনের ধন পরম ধন, সংকর্ষাই জ্যেষ্ঠ ভাণ্ডার, ঈশ্বরের ভয় পরম বুদ্ধি, এবং স্ত্রীলোক পুরুষদিগকে ধরিবার নিমিত্তে শম্ভতানের আলম্বকরূপ হয়।

স্বদেশে সৈন্যগণ প্রচুর স্তুতিভ্যক্ত হইয়া মদীনায় প্রবেশ করিল। এক্ষণে দূরদেশে তাহার পূর্বে যুদ্ধ যাত্রা কখন করিত না। পরে মদীনাস্থ যে ২ লোকেরা যুদ্ধেতে অস্বীকৃত হইয়াছিল,

মহম্মদ তাহাদিনিকে মগলীহইতে বহিষ্কৃত করিয়া আপনার শিষ্য-গণকে তাহাদিগের সহিত আলাপ করিতে নিবেদন করিলেন। ইহাতে কেহ ২ দুঃখিত হইয়া মগলীহের প্রাচীরে আপনাদিগকে বন্ধ করিয়া বলিল, মহম্মদ যদি আমাদিগকে ক্ষমা না করেন তবে এ স্থানে অনাহারে মরিব। ইহা শুনিয়া মহম্মদ তাহাদিগকে তৎক্ষণাৎ ক্ষমা করিলেন। তিনি কহিতেন, যে ব্যক্তি ধর্মের নিমিত্তে বুদ্ধকারিকে এক ষোটক দিবে, সে মরিলে পর ঐ ষোটকের আহার ও বিষ্ঠার পরিমাণে তাহার পাপের হ্রাস হইবে। আর ইশ্বরের জ্যেষ্ঠ প্রবৃত্ত বাহার চক্ষে অক্ষপাত হয়, ও বুদ্ধকালে বাহার চক্ষে কৃপা না অঙ্গে সেই দুই প্রকার চক্ষুঃ নরকাগ্নি দর্শন করিবে না।

মহম্মদ সমুদায় আরব দেশ জয় করিয়াছিলেন, কিন্তু আপনার জীবদ্দশায় ইর্য্য জয় করিতে পারিলেন না। তিনি ঐ নকল জ্বীকে ভিন্ন ২ বাটী নির্দিষ্ট করিয়া দিয়াছিলেন, এবং প্রত্যেক জনের গৃহে এক ২ দিন বাস করিতেন। কিন্তু অন্যান্য জ্বীরা মিসর দেশীয়া মরিয়ম নামী উপজ্বীতে তাঁহার বিশেষ আসক্তি দেখিয়া তাহাদের মধ্যে কলহ উপস্থিত হইল; তাহাতে তিনি একমাস পর্য্যন্ত কাহারও গৃহে না যাইয়া একাকী ছিলেন। পরে তাহাদের সান্ত্বনা করণার্থে তিনি দিব্য করিয়া কহিলেন, আমি মরিয়মের নিকটে আর যাইব না। কিন্তু এমত প্রতিজ্ঞা করিলেও কাম রিপু সম্বরণ করিতে না পারিয়া তিনি কিছু কাল পরে প্রতারণা পূর্বক কহিলেন, আমাকে ইশ্বর কহিয়াছেন, তুমি স্বকৃত শপথ স্বহৃদে উল্লঙ্ঘন করিতে পারিবে; তোমার নিয়ম সামান্য লোকের নিয়ম তুল্য নহে। তিনি

স্ত্রীদিগের প্রতি সন্দেহ করিয়া কোন পুরুষকে তাহাদিগের মুখ দেখিতে দিতেন না, এবং হৃত্যুকালে তাহাদিগকে পুনর্বার বিবাহ করিতে নিষেধ করিলেন।

ইং ৬৩২ শালে মহম্মদ মক্কা নগরে স্বয়ং তীর্থ যাত্রা করিতে পারিলেন না ; কিন্তু তাঁহার কর্তৃত্ব সবল হইলে তিনি পারমার্থিক অস্ত্র অগ্রাহ করিয়া লৌকিক অস্ত্র ব্যবহার করত আলিকে তথায় প্রেরণ করিলেন। অতএব তিনি মহম্মদের আঁজানুসারে মক্কায় যাইয়া এ কথা প্রচার করিলেন, ইহার চারি মাস পরে দেবপূজকদিগকে আর ক্ষমা করা যাইবে না, বরং হলে ও বলে তাহাদের সহিত নিত্য যুদ্ধ হইবে, তাহাতে তাহারা পুণ্য-মাসে কি পুণ্যস্থানেও রক্ষা পাইবে না, ও তাহাদিগকে কুট্টর বলিয়া কোন মুসলমান দয়া করিবে না, আর তাহাদের সঙ্গে কাহারও আলাপাদি * হইবে না।

মহম্মদ একপ ভয় প্রদর্শন পূর্বক আপন কার্য সকল সিদ্ধ করিলেন, তাহাতে অবিলম্বে নানা দেশের রাজারা ও অধ্যক্ষ-গণ তাঁহার নিকটে মদীনায় দূত প্রেরণ করিল। তিনি মিসর দেশস্থ মেমফিশ নগরের কোপ্ত জাতীয় অধ্যক্ষের নিকটে এক জন দূতকে প্রেরণ করিলেন। অধ্যক্ষ ঐ দূতকে সম্মান পূর্বক গ্রহণ করিয়া মহম্মদের নিমিত্তে কতক গুলিন বহুমূল্য দ্রব্য

* ইহার ৩০ বৎসর পরে অর্থাৎ ওমর খালীফার রাজত্বকালে উক্ত আঁজানুসারে তাবৎ বিহুদীয় এবং খ্রীষ্টিয়ান লোকেরা আরব দেশহইতে দূরীকৃত হইল, এবং মুসলমানদের ন্যায় তাহাদের পাগড়ী ও কোমরবন্দ পরিত্তে নিষেধ হইল।

পারিতোষিক দিলেন। পরে মুসলমানেরা যখন মিসর দেশে যুদ্ধ করিল তখন কোণ্ড আতীয়েরা তাহাদের সহকারী ছিল।

মহম্মদ আলিকে স্যেমন দেশে যুদ্ধ এবং ধর্ম ঘোষণা করিতে নিযুক্ত করিলেন। আলি তথায় গিয়া প্রথমে কোরানের ব্যাখ্যা করিলেন, তাহাতে কেহ মনোযোগ পূর্বক শ্রবণ না করিলে তিনি তর্ক পরিত্যাগ করিয়া খড়্গ ব্যবহার করিতে লাগিলেন। এই রূপে ৪৩ জন খড়্গদ্বারা হত হইলে পরে আর সকলে ভীত হইয়া মহম্মদীয় ধর্ম স্বীকার করিল। অল্প দিনের মধ্যে ঐ সকল দেশ মুসলমান ধর্মের বশীভূত হইল। ইহাতে যীশু খ্রীষ্টের এবং মহম্মদের উপদেশে কত প্রভেদ দেখা যায়। ফলতঃ যীশু খ্রীষ্টের শিষ্যগণ ব্যাপ্তের নিকট মেসপালের ন্যায়, কিন্তু মহম্মদের শিষ্যগণ অন্ধ কূপহইতে নির্গত শলভের ন্যায় ছিল।

ষষ্ঠ অধ্যায় ।

মহম্মদের বৃদ্ধাবস্থা ও বৃত্তা ।

এই সময়ে মহম্মদের চেষ্ঠী সকল সকল হইলেও এই এক মহাবিপদ ঘটিল, অর্থাৎ তাহার অধ্বিতীয় পুত্র ইব্রাহীম ১৮ মাস বয়সে মৃত হইল। মহম্মদ অধ্বিতীয় পুত্র শোকে অতিশয় ব্যাকুল হইয়া তাহার শবের উপরে পতিত হওত কহিলেন, হে আমার পুত্র! তোমার বিচ্ছেদে আমার চক্ষুঃ অক্রমে পরিপূর্ণ হইতেছে, কিন্তু বিপদকালে জন্মন করিলে দুঃখের উপশম হয়। তোমার পশ্চাৎ আমি শীঘ্র গমন করিব, ইহা

যদি না জানিতাম, তবে আরো দুঃখ পাইতাম । আমরা ইশ্বরহইতে আগত হইয়াছি, শীঘ্র তাঁহার নিকট ফিরিয়া যাইব । মহম্মদের মৃত্যুকালে তাঁহার সকল সন্তানের মধ্যে কেবল খাদীজার গর্ভজা কতেমা নামী কন্যা জীবিতা ছিল । ঐ কন্যাকে আলি বিবাহ করিয়াছিলেন, ও তাহাহইতে এক বৃহৎ গোষ্ঠী জন্মিল; তাহারা এক্ষণে সৈএদ নামে খ্যাত আছে । মহম্মদের পুত্র সন্তান অবশিষ্ট না থাকিতে লোকেরা তাঁহাকে অপ্তা অর্থাৎ বেঁড়া বলিত ।

মহম্মদের কর্তৃত্ব যত বৃদ্ধি পাইল, তত তাঁহার শারীরিক বল ক্রমশঃ ২ হ্রাস পাইল । একতঃ পুত্র শোকে, তাহাতে নানা কর্মে মনের ব্যস্ততা, ও বিষাক্ত মাংস ভক্ষণে শূলবেদনা, এ সকল প্রযুক্ত তাঁহার বৃদ্ধাবস্থা শীঘ্র উপস্থিত হইতে লাগিল । অতএব আপনাকে উত্তরোত্তর ক্ষীণ বুঝিয়া তিনি হিজরার ১০ বৎসরে মক্কাতীর্থে শেষ যাত্রা করিতে স্থির করিলেন ।

মুসলমানেরা কহিয়া থাকে ধর্মের পাঁচ স্তম্ভ আছে, অর্থাৎ তাহা পাঁচ অংশে বিভক্ত হয়, যথা; তীর্থযাত্রা, ইশ্বরে ও তাঁহার পয়গম্বরে বিশ্বাস, প্রার্থনা, দান, এবং রমজান মাসে উপবাস । মক্কা নগর অতি পূর্বকাল অবধি দেবপুঞ্জকদিগের তীর্থ স্থান ছিল । আধুনিক আরবীয়দের এমত প্রতীতি আছে, ইব্রাহীম মক্কায় প্রবেশ কালে যে প্রস্তরের উপরে পদার্পণ করিয়াছিলেন তাহা অদ্য পর্য্যন্ত আছে ।

মহম্মদের এই শেষ তীর্থযাত্রা স্মরণীয় বটে । পূর্বে যে সকল পর্বেতীয় লোকেরা পরম্পর যুদ্ধ করিয়াছিল, তাহারা আপন ২ দুর্গ ও প্রান্তরহইতে আসিয়া তাঁহার সহিত তীর্থে যাইবার

কারণ মদীনায় উপস্থিত হইল; তাহাতে যে ব্যক্তি উষ্ট্রব্যবসায়ী ও খাদীজার ধোমস্তা হইয়াছিলেন, এবং হিজরার প্রথম তিন বৎসরে কেবল ছয় জনকে শিষ্য করিয়াছিলেন, এক্ষণে তিনি ১১৪০০০ এক লক্ষ চৌদ্দ হাজার স্বীয় ধর্মান্ধ্রান্ত লোককে সমভিব্যাহারে লইয়া * তীর্থ যাত্রা করিলেন।

তীর্থযাত্রা কালে মহম্মদের সহিত নয় জন ভাৰ্য্যা গমন করিল। তাঁহার সঙ্গিলোকদের প্রার্থনার রবে প্রান্তর প্রতিধ্বনিত হইল, তাহাতে কোন শত্রুগণ তাহাদিগকে আক্রমণ করিতে সাহস পাইল না। ঐ সময়ে সমস্ত আরবীয় ও বিহুদীয় লোকেরা সম্পূর্ণরূপে বশীভূত হইয়া বলিদানের মেঘ ও উষ্ট্র সকলকে পুষ্পান্তরণে ভূষিত করিয়া সঙ্গে লইয়া গেল। সেনাগণ তাহাদের রক্ষক হইয়া সঙ্গে ২ চলিল।

মহম্মদ মকায় পঁছবিয়া মাত্র অল্প শত্রু রাখিয়া তীর্থযাত্রিকের বেশ ধারণ পূর্বক কাবা মন্দিরে প্রবিষ্ট হইয়া শ্যামবর্ণ প্রস্তরকে চূষন করিলেন। মুসলমানেরা কহে, জিব্রীয়েল দূত ঐ প্রস্তর ইস্মাইলকে দিয়াছিলেন; তাহা তৎকালে খেতবর্ণ ছিল, কিন্তু মনুষ্যদিগের পাপে এক্ষণে কৃষ্ণবর্ণ হইয়াছে। পরে মহম্মদ জিম্ম-জিম্ম কূপের নিকটে গমন করিলেন। ইস্মাইলের মাতা হাজির।

* উক্ত লোকেরা প্রায় মহম্মদের ভয়ে ঐ কর্ম স্বীকার করিয়াছিল; ইহার প্রমাণ, তাঁহার হুজুর পরে তাঁহার পক্ষীয় ত্রীকিয়ান ও বিহুদীয় এবং দেবপুলক লোক বিক্রোহ করিতে উদ্যত হইলে আসল মুসলমানেরা শীতকালের রাজিযোগে ত্যাক্ত মেঘপালের ন্যায় ছিল। তখন আবু-বকর মহম্মদের উত্তরাধিকারী হওত জয় ও জুটের লোভ নশাইয়া ধর্মে বিচলিতচিত্ত ব্যক্তিদিগের মন শীঘ্র স্থির করিলেন।

তৃত্বায় হৃতপ্রায় হইলে জিব্রীয়েল তাহাকে ঐ কুপ দেখাইয়া-
 ছিলেন, মুসলমানদিগের একত বিশ্বাস আছে । ইব্রাহীম
 স্বীয় পুত্র ইস্মাইলকে বলি দিতে উদ্যত হইয়াছিলেন,
 তৎস্মরণার্থে মহম্মদ আপন আয়ুর বর্ষ সংখ্যানুসারে ৩৩ উষ্ট্র
 স্বহস্তে বলিদান * করিলেন । পরে তিনি আপন কেশ সকল
 মুণ্ডন করিয়া শিবাঙ্গিকে বাঁটিয়া দিলেন । খালিদ তাহার এক
 গোটা আপন পাগড়ীতে রাখিয়া কহিতেন, যুদ্ধকালে ইহা
 ধারণ করিলে আমার দিব্য শক্তি হয় । মহম্মদ ইব্রাহীমের
 ন্যায় শয়তানকে তাড়না করণার্থে প্রস্তুত নিক্ষেপ করিলেন,
 এবং তীর্থ যাত্রিদিগকে বিশেষ স্থানে সাত ২ খানি প্রস্তুত
 কেলিতে আজ্ঞা দিলেন ।

মক্কায় উপস্থিত হওনের পর মক্কা দিগে মহম্মদ উষ্ট্রারোহণ
 করিয়া স্বীয় ধর্ম প্রচার করিলেন । তিনি ঐ সময়ে কহিলেন,
 অধিক রুম গ্রহণ করা অনুচিত; বিধবা ও পিতৃ মাতৃহীনের
 প্রতি কোন অত্যাচার করা নিষিদ্ধ; এবং চারি স্ত্রী বর্তমান
 থাকিলে আর বিবাহ করিবেক না; বিধবা স্ত্রী স্বামির মৃত্যুর চারি
 মাস দশ দিন পরে অন্য পুরুষকে বিবাহ করিতে পারিবে; আর
 কেহ কোন প্রাণির রক্ত পান করিবে না, কিম্বা খাস বন্ধ
 করিয়া হত জন্তুর মাংস আহার করিবে না; অথবা ইশ্বরের
 উদ্দেশে না কাটিলে জন্তুর মাংস খাইবে না; এবং প্রতিমার
 উদ্দেশে নিবেদিত কোন দ্রব্য ভক্ষণ করিবে না ।

* ইহার চারি শত বৎসর পরে এক জন খানীকা ঐ তীর্থে বাইরা
 ৪০ সহস্র উষ্ট্র ও গরু এবং ৫০ সহস্র মেঘ বলি দিলেন ।

মহম্মদ দশম দিনে মিনা নামক উপত্যকাতে যাইয়া সাত খানি প্রস্তর পশ্চাদ্দিগে নিক্ষেপ করত, “ঈশ্বর মহান! ঈশ্বর মহান!” এই কথা বার ২ কহিলেন। পরে এই রূপ তিন দিবস করিয়া চতুর্দশ দিনে কাবা মন্দিরকে প্রদক্ষিণ করিলেন। অষ্টাদশ দিনে তিনি প্রচার করিয়া কহিলেন, যিনি আমাকে ভাল বাসেন, তিনি আলিকেও ভাল বাসুন। ঐ কথার দ্বারা আলির দিক্গণ বুঝিল, যে আলিই মহম্মদের উত্তরাধিকারী হইবেন; ইহাতে মহম্মদের মৃত্যুর পরে মুসলমানদের মধ্যে অনেক রক্তপাত হইল। উনবিংশ দিনে মহম্মদ তীর্থহইতে মদীনায় প্রত্যাগমন করিলেন।

মহম্মদ মদীনায় প্রত্যাগমন করিলে পর দুই জন প্রধান ব্যক্তি তাঁহাকে কৃতকার্য দেখিয়া অথচ তাঁহার মৃত্যুকাল উপস্থিত জানিয়া আপনাদিগকেও ঈশ্বরের প্রেরিত বলিয়া প্রকাশ করিলেন। তদ্বশ্যে আস্বাদ নামে প্রথম ব্যক্তি অতি ধনবান ও স্ববক্তা ছিলেন; তিনি ইম্মআল বিদ্যাধারা আরবীয় লোকদিগকে মুঞ্চ করিতেন, যথা, অতি সংকীর্ণ মুঞ্চ এক শিশির মধ্যে একটী অণু রাখিয়া সকলকে দেখাইলেন। আস্বাদের অনেক শিষ্য হইলে তিনি প্রায় চারি মাসের মধ্যে সমস্ত রোমেন দেশকে বশীভূত করিলেন। ইহাতে মহম্মদ প্রচার করিলেন, অবিশ্বাসিদিগকে যে কোন প্রকারে বধ করিলে ভাল হয়। পরে তাঁহার প্রবৃত্তিধারা দুই জন অনুচর শানা নগরে যাইয়া আস্বাদের জীর সাহায্যে তাঁহাকে নিম্নাবস্থায় বধ করিল; আস্বাদের মৃত্যুর পর তাঁহার শিষ্যগণ পুনর্বার ইসলাম ধর্ম গ্রহণ করিল।

মোসাইলমা নামক দ্বিতীয় ব্যক্তি অতি সম্ভ্রান্ত ছিলেন । তিনি প্রতিমা পূজার বিরুদ্ধে কোরানের ন্যায় এক পুস্তক রচনা করিয়া তাহাকে ইশ্বরদত্ত বলিয়া প্রকাশ করিলেন । অল্প কালের মধ্যে অনেক লোক তাঁহার শিষ্য হইলে তিনি মহম্মদকে পত্রদ্বারা এই প্রস্তাব করিলেন, আইসুন, আমরা দুই জন মিলিয়া পৃথিবীকে ভাগ করিয়া লই । ঐ পত্রের শিরোনামে লিখিলেন, আল্লার প্রেরিত মহম্মদের প্রতি আল্লার প্রেরিত মোসাইলমা এই পত্র লিখিতেছেন । মহম্মদ তৎকালে পীড়িত ছিলেন, তথাপি যুদ্ধের আয়োজন করিয়া তিনি তদুত্তরে এই কথা মাত্র লিখিলেন, আল্লার প্রেরিত মহম্মদ মিথ্যাবাদি মোসাইলমার প্রতি লিখিতেছেন । মহম্মদের মৃত্যুর পর খালিদ মোসাইলমাকে আক্রমণ করিলে তিনি দশ সহস্র শিষ্যের সহিত রণে পতিত হইলেন । যে বড়শাহারা মহম্মদের পিতৃব্য হত হইয়াছিলেন, তদ্বারাই মোসাইলমা হাবেশ দেশীয় এক জন ক্রীত দাসকর্তৃক আহত হইয়া প্রাণ ত্যাগ করিলেন । পরে তাঁহার অবশিষ্ট শিষ্যেরা খজ্জের ভয়ে ইসলাম অর্থাৎ মহম্মদীয় ধর্ম গ্রহণ করিল ।

মহম্মদ জয়েচ্ছু হইয়া হিজরার ১১ বৎসরে স্মরিয়া দেশ আক্রমণার্থ অনেক বলবান সৈন্য সংগ্রহ করিয়া ওসমা নামক ২০ বৎসর বয়স্ক এক যুবাকে প্রধান সেনাপতি পদে নিযুক্ত করিলেন । ঐ যুবা জয়েদ নামক মহম্মদের প্রিয় দাসের পুত্র; আর যখন মহম্মদ হুনাইন যুদ্ধে স্বীয় সেনাগণ কর্তৃক পরিত্যক্ত হইলেন, তখন তিনি তাঁহার নিকটে আসিয়া দাঁড়াইলেন । অন্যান্য সেনাপতির আপনাদিগকে ক্রীত দাসের

পুলকের অধীন দেখিয়া অতিশয় অসন্তুষ্ট হইলেন ; কিন্তু মহম্মদ যুবার গুণ জ্ঞাত হইয়া তাঁহাকে ঐ পদের উপযুক্ত পাত্র জানিয়া মসজিদে মধ্য প্রাচীন সেনাপতিদিগকে জাতির অহঙ্কার বিষয়ে ভৎসনা করিলেন । ইহাতে তাঁহারা ঐ তিরস্কার সহ্য করিয়া অভিভক্তি প্রকাশ করত কহিলেন, ধর্মের পতাকা যাঁহার হস্তে হয়, তিনি শিশু হউন বা শত্রু হউন, আমরা তাঁহার বশীভূত হইয়া যুদ্ধ করিব ।

সৈন্যগণ যে দিবস মদীনাহইতে যুদ্ধার্থে প্রস্থান করিল, সেই দিন মহম্মদ সাংঘাতিক পীড়াক্রান্ত হইলেন । বিশেষতঃ তাঁহার মস্তকে হঠাৎ অতিশয় বেদনা হইলে তিনি রাত্রি দুই প্রহরের সময়ে শয্যাহইতে গাত্রোথান করিয়া নগরের পথ দিয়া কবর স্থানে গমন পূর্বক মৃত ব্যক্তিদিগকে সম্বোধন করিয়া তাহাদের উদ্দেশে প্রার্থনা করিলেন ।

পরদিন তাঁহার পীড়া অতিশয় বৃদ্ধি পাইল । দুই তিন দিবস পরে তিনি আপন প্রিয়তমা স্ত্রী আইশার গৃহে গিয়া বাস করিলেন । তথায় ঘোরতর জ্বর হওয়াতে উত্তাপ উপশমের নিমিত্তে মহম্মদ আপন মস্তকে সাত কলসী জল চালিয়া কহিলেন, আমি খয়বার স্থানে যে বিষ ভক্ষণ করিয়াছিলাম তাহা এইরূপে আমার হৃদয় দক্ষ করিতেছে । ঐ জলসেকে কিঞ্চিৎ স্নস্থ হইয়া তিনি মসজিদে যাইয়া মিম্বর স্থানে দণ্ডায়মান হওত লোকদিগকে কহিলেন, আমার মৃত্যুকাল সন্নিকট হইতেছে ; সৈন্যেরা আমার প্রিয় বন্ধু জয়েদের পুত্র ওসমার অধীন থাকিবে । ইহা কহিয়া তিনি সকলের নিকট ক্ষমা চাহিলেন । ঐ সময়ে এক ব্যক্তি তাঁহাকে কহিল,

আপনি আমার এক টাকা ধারেন; তাহাতে মহম্মদ তাহাকে হুদসমেত টাকা দিয়া কহিলেন, পরলোকে লজ্জিত হওনা-
 পেকা ইহলোকে লজ্জা স্বীকার করা ভাল। পরে তিনি আবু-
 বকরকে মস্জিদের উপদেশক পদে নিযুক্ত করিয়া স্বীয় বন্ধু-
 দিগকে কহিলেন, আমি মক্কাহইতে দূরীকৃত হইয়া মদীনায়া
 আইলে যাহারা আমাকে অনুগ্রহ পূর্বক আশ্রয় দিয়াছিল,
 তাহাদিগের প্রতি তোমরা সদ্যবহার করিও। ইহা বলিয়া
 তিনি মুচ্ছিত হইলেন। তখন মহম্মদের মৃত্যু হইয়াছে,
 এই অনরব হওয়াতে তিনি কিঞ্চিৎকাল পরে চেতনা পাইয়া
 অতি দুর্বল প্রযুক্ত হামাণ্ডি দিয়া মস্জিদের মধ্যে বাইয়া
 সকলকে কহিলেন, প্রেরিতগণ সকলই মরিয়া গিয়াছেন; এই-
 ক্রমে আমিও আপন প্রভুর নিকটে চলিলাম। তাঁহারই
 ইচ্ছানুসারে নিয়মিত সময়ে সকল ঘটনা হইয়া থাকে। আমার
 জীবন তোমাদিগের যাদুশ উপকারক মৃত্যুও তাদুশ হইবে।
 ইহা কহিয়া তিনি ওহদ রণে পতিত ব্যক্তিদিগের উদ্দেশে
 ব্যগ্রতা পূর্বক প্রার্থনা করিয়া তিনটি শেষ আজ্ঞা দিলেন,
 যথা; তোমরা সকল দেবপুত্রদিগকে আরব দেশহইতে দূর
 করিও, ও মৃতন মুসলমানদিগকে আপনাদের সমান পদ দিও,
 এবং সকলে সর্ব্বদা প্রার্থনায় আসক্ত থাকিও।

মহম্মদ ঘোর বিকারের সগম্বে মগ্যাধার ও লেখনী চাহিলেন; কিন্তু পাছে বিভোল হইয়া কোরানের বিপরীত কোন কথা লিখেন, এই ভয়ে ওমার তাহা তাঁহাকে দিলেন না। তাহাতে গৃহমধ্যে এমত গোলযোগ উপস্থিত হইল যে মহম্মদ সকলকে বা-
 হিরে যাইতে আজ্ঞা করিলেন। পর দিনে তিনি পুনরায় মস্জিদে

যাইতে চেষ্টা করিলেও পথে সূক্ষ্মিত হওয়াতে পৌঁছিতে পারিলেন না। কিন্তু তৎপর দিনে যাইয়া তিনি শিষ্য সকলকে ঐক্যভাবে থাকিতে বলিয়া হৃত্যুর নিশ্চয়তা বিষয়ে উপদেশ দিলেন। পরে তাঁহার যে ২৮ জন ক্রীতদাস ছিল, তাহা-দিগকে দাসত্বহইতে মোচন করিতে, এবং তাঁহার গৃহে বসন ছিল তাহা দরিদ্রদিগকে বিতরণ করিতে আজ্ঞা করিলেন।

মহম্মদ যুদ্ধের সময়ে স্বরূপ সেইরূপ হৃত্যু সময়েও স্থির-চিত্ত ছিলেন। তিনি ঠৈপত্তিক জ্বরে ও শিরঃপীড়ায় অতিশয় ক্লেশ পাইয়াও স্বীয় কবরের বিষয়ে বিশেষ-আজ্ঞা দিলেন। “ঈশ্বর ত্রীষ্টেতে থাকিয়া আপনার সহিত অগজ্ঞনের সম্মিলন-কারী হইলেন,” মহম্মদ সত্য ধর্মের এই মূল উপদেশের শত্রু হইয়াও ঈশ্বরের দয়া পাইবার ও স্বর্গে যাইবার আশা করিতেন। কলতঃ তিনি পূর্বে যে রূপ প্রবঞ্চনা করিতেন, মরণের সময়েও সেইরূপ করিয়া কহিলেন, “হৃত্যুদুত আমার নিকট প্রাণ চাহিলে জিব্রীয়েল আসিয়া আমাকে বলিলেন, হে মহম্মদ, মরিতে কি বাঁচিতে তোমার যাছা ইচ্ছা হয় তাহাই কর; ইহাতে আমি হৃত্যু ইচ্ছা করিয়াছি।” মহম্মদ নয় বার যুদ্ধ করিয়া স্বহস্তে অনেক লোকের রক্তপাত করিয়াছিলেন, তথাপি তাঁহার মনে কিছু মাত্র খেদ জন্মিল না।

পৌড়ার একাদশ দিনে তিনি রীত্যমুসারে প্রার্থনা করিতে মসজিদে গেলেন। তাহা দেখিয়া লোকেরা তাঁহাকে কিঞ্চিৎ আরোগ্য আনিয়া অতিশয় আহ্লাদিত হইল; কিন্তু কিছু কাল পরে বাণীতে আসিয়া তিনি অধিক রোগাক্রান্ত হওয়াতে হৃত্যুকাল উপস্থিত বুঝিয়া কহিলেন, “নিদানকালে ঈশ্বর আমার

নিকট হউন!” ইহা কহিয়া তিনি অচেতন্য হইলেন। তৎক্রমে আইশা আপনার পিতাকে ডাকিতে লোক পাঠাইলেন, কিন্তু তাঁহার আসিবার পূর্বে মহম্মদ তাহার ক্রোড়ে মস্তক রাখিয়া প্রাণত্যাগ করিলেন। তাঁহার শেষ কথা এই ছিল, “স্বর্গস্থ সন্ধিগণের নিকটে যাই।”

মহম্মদের মৃত্যু এত শীঘ্র হইবে, কাহারো এমত বোধ ছিল না; তাহাতে মদীনা নগরে বড় গোলযোগ উপস্থিত হইল, এবং যে সৈন্যেরা যুদ্ধযাত্রায় প্রবৃত্ত হইয়াছিল তাহাদিগের গমন স্থগিত হইল। অনেকে অনুমান করিল মহম্মদ মরেন নাই, মুসার ন্যায় অতিভূত আছেন। এইরূপ তর্ক বিতর্ককালে আবুবকর কোরানের এক ভাগ বাহির করিয়া সকলকে জানাইলেন, ইহাতে লিখিত আছে, মহম্মদ অগর মরেন।

মহম্মদের কবর মক্কায় কি মদীনায় অথবা বিকশালম নগরে হইবে, এ বিষয়ে অনেক আন্দোলন হইতে লাগিল। তখন আবুবকর মহম্মদের নিজ বাক্য উল্লেখ করিয়া প্রকাশ করিলেন, যথা; প্রেরিত যে স্থানে প্রাণত্যাগ করেন সেই স্থানে তাঁহার কবর হইবে; আর যাহারা মসজিদে ভিতরে কবর দেয় তাহারা শাপগ্রস্ত। অতএব মহম্মদ আইশার গৃহে যে খাঁটের উপরে মরিয়াছিলেন, তাহার নীচে তাঁহাকে কবর দেওয়া গেল; কিন্তু কতক বৎসর পরে ঐ স্থানে এক পরিপাটী মসজিদ নির্মিত হইল।

মহম্মদ কোন ব্যক্তিকে স্বীয় উত্তরাধিকাররূপে নিযুক্ত করেন নাই। তিনি কহিতেন, যে ব্যক্তি রাজ্য স্থাপন করে তাহার উত্তরাধিকারী তদীয় গৌরব ও মূর্তাস্ত মাত্র প্রাপ্ত হয়।

আলি মহম্মদের উত্তরাধিকারী হইবেন, এমত সম্ভাবনা ছিল ; কিন্তু তিনি মহম্মদকে কবর দেওনে ব্যস্ত হইলে আবুবকর রাজ্য প্রাপ্তির উপায় চেষ্টা করিলেন, তাহাতে কবর দেওনের পূর্বেই রাজ্যের-নিমিত্তে ঘোরতর বিবাদ উপস্থিত হইল।

এই রূপে মহম্মদের মৃত্যু হইয়াছিল। বাস্তবিক তিনি অত্যাশ্চর্য ও নিপুণ ব্যক্তি ছিলেন ; এবং যে ভ্রমরূপ রাজ্য তিনি স্থাপন করিয়াছিলেন, তাঁহার মৃত্যুর পর ঐ রাজ্য অল্প বৎসরের মধ্যে চতুর্দিকে বিস্তৃত হইলে আশিয়া ও আফ্রিকা ও ইউরোপ দেশস্থ নানা জাতীয়েরা কোরানের মত গ্রহণ করিল। তাহাতে হিরা গহ্বরহইতে যে ধূয়া নির্গত হইয়াছিল, তাহা ভারতবর্ষের সাগর অরবি আটলান্টিক মহাসাগর পর্য্যন্ত ব্যাপ্ত হইল। মহম্মদের যে রূপ স্বভাব তাহা তৎস্থাপিত ধর্মের রীতি ও ব্যবহারে প্রকাশ হয় ; অর্থাৎ তিনি কোন ক্রমেই অন্য ধর্ম সহ করিতে পারিতেন না, এবং সাধারণ লোকদিগকে জ্ঞান ও বিদ্যা প্রদানার্থে কোন চেষ্টাও করিতেন না।

খ্রীষ্টিয়ান ধর্মের এক স্থূল মর্ম এই যে রক্তপাত ব্যতিরেকে পাপের মোচন হয় না ; মহম্মদ এই ধর্মের পরম শত্রু ছিলেন। ধর্মপুস্তকের প্রকাশিত ভবিষ্যদ্বাক্যের ৯ অধ্যায়ের ১২ পদে যে পঙ্গপালের কথা লিখিত আছে, মহম্মদ ও তাঁহার উত্তরাধিকারিরা তাহার ন্যায় হইয়া প্রায় সকল দেশ জয় করিলেন। মহম্মদ প্রচার করিতেন, ঈশ্বর কর্তৃক সকল ঘটনা নির্ধারিত হইয়াছে ; তুরকী দেশীয় লোকেরা এই কথায় সম্পূর্ণ বিশ্বাস করিয়া মড়ক উপস্থিত হইলে তন্নিবারণে

কোন উপায় চেষ্টা করে না ; ইহাতে অসংখ্য লোক অসময়ে মারা পড়ে।

মহম্মদের শরীর মধ্যম প্রকার ছিল। তাঁহার স্কন্ধ বিস্তৃত, ও ললাট উচ্চ, এবং গণ্ডদেশ লোহিত বর্ণ ছিল। তিনি এমত প্রিয়দর্শন ছিলেন যে তাঁহার মুখ দেখিবামাত্র সকলেই প্রেম করিত। তিনি অন্যের মুখের প্রতি স্থির দৃষ্টি করিতে পারিতেন না। তাঁহার যে রূপ বল তদ্রূপ সাহস ছিল না। তাঁহার মস্তক ও নাসিকা বৃহৎ, এবং তাঁহার জন্মের মধ্যে এক শিরা ছিল ; ক্রোধ হইলে ঐ শিরা টিপ ২ করিয়া লড়িত। তাঁহার পৃষ্ঠ দেশে লোম ও তিলে আবৃত কপোতের অণু প্রমাণ একটী আঁব ছিল ; মুসলমান লোকেরা বোধ করিত, ঐ আঁব তাঁহার প্রেরিত হওনের চিহ্ন।

মহম্মদের শিষ্যগণ তাঁহার বিষয়ে অনেক অলৌকিক কথা কহিয়াছে, যথা ; তিনি পশ্চাৎদিকে দেখিতে পাইতেন, এবং তাঁহার শরীরকে মক্ষিকায় স্পর্শ করিতে পারিত না, ইত্যাদি। মহম্মদ শৌচ ক্রিয়াদির বিষয়ে অতি মনোযোগী থাকিতেন। তিনি কহিতেন, পৃথিবীর মধ্যে জ্বীগণ ও স্তম্ভজি দ্রব্য পরম স্বেচ্ছজনক পদার্থ হয়। তিনি তৎকালীন লোকদিগের অপেক্ষা অধিক বুদ্ধিমান হইলেও ভাবি শুভাশুভের লক্ষণ ও আদু প্রভৃতি মানিতেন। তাঁহার প্রতীতি ছিল যে কুস্বপ্ন দেখিলে নিজ বাম স্কন্ধে তিন বার খুথু দিলেই ঐ স্বপ্নজন্য অমঙ্গল নিবারণ হয়। তিনি প্রত্যেক কর্ম দক্ষিণ দিগহইতে আরম্ভ করিয়া বাম দিগে সমাপন করিতেন, এবং অগ্রে দক্ষিণ নেত্রে পরে বাম নেত্রে রসাঙ্কন দিতেন।

বিধর্ম্মোৎপাদক লোকেরা প্রায় সকলেই কোন ২ উৎকৃষ্ট গুণে বিভূষিত হয়, তাহাতেই তাহাদের ধর্ম্মের দোষ আচ্ছাদিত হইয়া থাকে। ইহার প্রমাণ খ্রীষ্টের ঈশ্বরত্ব অস্বীকারকারি আরিয়স, এবং মহম্মদও ছিলেন। মহম্মদ খাওয়া পরার প্রতি বিশেষ যত্ন করিতেন না। তিনি স্ত্রীজাতিকে স্বেহ করিতেন, একারণ তাহাদিগকে প্রহার করিতে নিষেধ করিলেন। তিনি স্বদেশীয় গম্প ভাল বাসিয়া অনেক রাজি পর্য্যন্ত আপন স্ত্রীদিগের নিকট ঐ গম্প করিতেন। তিনি ছোট বড় সকলের প্রতি প্রিয়ভাবী ছিলেন, এবং সমান ব্যবহার করিতেন, ইহাতেই তঁাহার শিষ্য বৃদ্ধি হইল। মহম্মদ সকল আরব দেশ জয় করিয়াও স্বীয় গৃহে অতি সামান্য কর্ম্ম করিতেন, যথা; তিনি নিজ পরিষেয় বস্ত্র পরিষ্কার করিতেন ও স্বহস্তে ছাপী দুহিতেন। তঁাহার আহারের দ্রব্য কুটী খর্জুর ও তৈল ছিল। তিনি লোভী ছিলেন না, বরং ধনাদি বাহা ২ পাইতেন সকলি বিতরণ করিয়া কেলিতেন। দরিদ্র লোক আসিয়া কখন ২ তঁাহার সহিত একত্র আহার করিত। তিনি কাহারও প্রতি বিষণ্ণবদন হইতেন না। তঁাহার গ্রন্থবিদ্যা অধিক ছিল না বটে, কিন্তু তিনি মনুষ্যদের স্বভাব ও চরিত্র উত্তম রূপে জানিতে পারিতেন।

মুসলমানেরা কহে, মহম্মদের বাল্যাবস্থায় স্বর্গদূত আসিয়া তঁাহার জুপিশুহইতে আদি পাপ রূপ শ্যামবর্ণ চিহ্ন উত্তোলন করিয়াছিল, আর তদবধি তিনি নিপ্পাপ ছিলেন। কিন্তু তঁাহার কাম ও প্রবঞ্চনাদি কুক্তিয়া দেখিয়া আমরা ইহা কদাচ স্বীকার করিতে পারি না। বোধ হয় তিনি প্রথমে

সোক্রাটীস ও রামমোহন রায়ের ন্যায় স্বার্থানুবর্তী ছিলেন, কিন্তু পরে তাহা ক্রমে ২ পরিত্যাগ করিয়া প্রবঞ্চনা করিতে লাগিলেন; যথা; তিনি যখন স্বীয় অভিলাষ সিদ্ধ করণের জন্যে কহিতেন, এতদ্বিষয়ে আমাকে ঈশ্বর আজ্ঞা দিয়াছেন, তৎকালে তাঁহার মন প্রবঞ্চনায় বিলিপ্ত হইত। তিনি রাজ্য প্রাপ্ত হইয়া আরও জষ্ঠাচারী হইতে লাগিলেন। দেখ, তিনি কামাদি রিপুগণকে দমন করিতে আজ্ঞা করিয়াও স্বয়ং পোনেরটি বিবাহ করিলেন; এবং প্রথমে আপনাকে ঈশ্বরের প্রেরিত ধর্ম প্রচারক রূপে প্রকাশ করিয়া পরে সামান্য যোদ্ধার ন্যায় আপন শত্রুদিগকে ধ্বংসদ্বারা সংহার করিতে আজ্ঞা দিলেন। ইতি।

মহম্মদের বয়ঃক্রম সম্বলিত জীবন চরিত্রের ঘটনাবলি।

১ বৎসরে। মহম্মদের পিতার মৃত্যু হয়।—মহম্মদ শব্দের তাৎপর্য—তিনি স্মৃতির জন্য প্রাস্তরে প্রেরিত হন।

২—৫। মহম্মদ প্রাস্তরে খাত্রীদ্বারা প্রতিপালিত হন।—তিনি স্বাভাবিক প্রকম্পশীল।

৬। মহম্মদকে মৃগীরোগগ্রস্ত দেখিয়া খাত্রী ভীত হইয়া তাঁহাকে মাতার নিকটে আনিয়া দেয়।—কিছু দিন পরে তাঁহার মাতার মৃত্যু হয়।

৭—৯। মহম্মদ মক্কা নগরে বাস করেন।

১০—১১। তিনি ওকাদ নামক মেলায় গমন করেন।

১২। মহম্মদের খুড়া তাঁহাকে সঙ্গে লইয়া সুরিয়া দেশে গেলে তথায় তিনি সের্জিয়স উদাসীনের সহিত সাক্ষাৎ করেন।

১৩—১৯। তিনি নানা মেলায় ষাইয়া মল্লযাদিগের রীতি নীতি বিষয় অনেক অবগত হন।—বিশেষতঃ ১৬ বৎসরে দক্ষিণ আরব দেশে যান।

২০। তিনি মক্কার নিকটস্থ কোন এক বৃক্ষে উপস্থিত হন।

২১—২৩। অন্য কর্মে অপারক প্রযুক্ত মহম্মদ মেঘপালকের কর্ম স্বীকার করেন।

২৪। খাদাইজার গোমস্তা হইয়া সুরিয়া দেশ পর্য্যটন করেন।

২৫—২৮। মহম্মদ ২৫ বৎসরে খাদাইজাকে বিবাহ করেন।

২৯—৩৫। বাণিজ্য কর্ম করেন, ও গোপনে বসিয়া ঈশ্বরের ধ্যান করেন।—কাবা মন্দিরের বিষয়ে বিরোধ উপস্থিত হইলে তিনি তাহা নিষ্পন্ন করেন।

৩৬—৩৯। বণিকের কর্ম করেন, এবং ধর্মের বিষয়ে চঞ্চল হইয়া আত্মহত্যা করিতে উদ্যত হন।—তিনি প্রকাশ করেন যে জিব্রীয়েল দূতের সহিত আমার সাক্ষাৎ হইলে তিনি আমাকে প্রেরিত পদে নিযুক্ত করিয়াছেন।—মহম্মদের স্ত্রী ও ক্রীত দাস ও জাতপুত্র প্রথমে তাঁহার ধর্ম গ্রহণ করে।

৪০—৪১। চল্লিশ জন ক্রীতদাস ও বিদেশীয় ও নাস্তিক লোকেরা গোপনে তাঁহার শিষ্য হয়।

৪২। মহম্মদ প্রকাশ্যরূপে আপনাকে ঈশ্বরের প্রেরিত বলিয়া জানাইলে তাঁহার কুটুম্ব লোকেরা তাঁহাকে উপহাস ও তাড়না করে।

৪৩—৪৪ । মহম্মদ দেবপুজকদিগের নরকভোগ প্রচার করিলে কোরেশেরা তাঁহার প্রতি ক্রুদ্ধ হয় ।—তাঁহার খুড়া দেবপুজক হইয়াও তাঁহাকে রক্ষা করেন ।

৪৫ । ছয় জন শিষ্য প্রকাশ্য রূপে তাঁহার ধর্ম স্বীকার করে ।

৪৬—৪৭ । মহম্মদ শক্রগণ কর্তৃক স্বগৃহের মধ্যে বন্দ থাকেন ।
—ওমার তাঁহার ধর্ম গ্রহণ করেন ।—কোরেশেরা তাঁহাকে দূর করিয়া দেয় ।—কোন ২ মুসলমানেরা হাবেশ দেশে যাইয়া বাস করে । খাদাইজার ও আবুতালবের মৃত্যু হয় ।—মহম্মদ টাইক নগরে পলায়ন করেন ।

৪৮ । আইশার সহিত বিবাহের সম্বন্ধ, এবং সাদা ও হাসার সহিত তাঁহার বিবাহ হয় ।

৪৯ । কএক জন মদীনাস্থ তীর্থযাত্রিরা তাঁহার উপদেশ শুনিয়া তন্নতাবলম্বী হয় ।

৫০ । তাঁহার মেরাজ অর্থাৎ স্বপ্নদর্শন ।—স্ত্রীলোকদের শপথ ।

৫১ । দুই প্রহর রাত্রির সময়ে মদীনাস্থ শিষ্যদের সভা হইলে তাহার মহম্মদের পক্ষে যুদ্ধ করিতে দিব্য করে ।—কোরেশেরা তাঁহাকে উগ্রতর তাড়না করাতে তিনি গল্পরে লুকায়িত হইয়া থাকেন ।—তিনি মদীনায় পলায়ন করিলে হিজরা সন আরম্ভ হয় ।—তিনি মদীনায় এক মসজিদ নির্মাণ করেন ।—আইশাকে বিবাহ করেন ।—তাঁহার মণ্ডলীস্থ লোকদের সংখ্যা বৃদ্ধি হয় ।

৫২ । তিনি যিহূদীয় লোকদিগকে আপন ধর্মে আনিতে চেষ্টা করেন ।—মক্কা ও মদীনাস্থ শিষ্যদিগের মধ্যে জাতৃত্বরূপ বন্ধুতা করান ।—তিনি কোরেশদিগের কাকিলা লুণ্ঠ করেন ।—বদরের যুদ্ধ ।

- ৫৩। মহম্মদ রমজান মাসের উপবাস স্থাপন করেন।
- ৫৪। মহম্মদের যষ্টির কথা।—দুই বিধবার সহিত তাঁহার বিবাহ হয়।—তিনি কোন ২ যিহুদীয় লোককে বধ করেন।—ওহদ রণে পরাভূত হন।—দ্রাক্কারস পান নিষেধ করেন।—অদৃষ্টের কথা প্রচার করেন।
- ৫৫। তিনি এক বন্দি অধ্যক্ষের কন্যাকে বিবাহ করেন।—আপনার এক জন শত্রুকে গোপনে হত্যা করিতে চেষ্টা করেন।—জয়েদ জীবৎ থাকিতে তিনি তাহার স্ত্রীকে বিবাহ করেন।
- ৫৬। তিনি মদীনায় শত্রুগণ কর্তৃক অবরুদ্ধ হন।—সাত শত যিহুদীয় লোককে হত করেন।—তিনি রোহনা নামে এক যিহুদীয়া স্ত্রীকে বিবাহ করেন।
- ৫৭। মহম্মদ মক্কা নগরে তীর্থযাত্রা করেন।
- ৫৮। মহম্মদ বিষ ভক্ষণ করেন।—তিনি আর দুই বিধবাকে বিবাহ করেন।—গ্রীক ও পারস্য সম্রাটের নিকট দূত প্রেরণ করেন।—পুনর্বার মক্কায় তীর্থ যাত্রা করেন।—অন্য বিধবাকে বিবাহ করেন।
- ৫৯। তিনি সুরিয়া দেশকে আক্রমণ করেন।—মৃত্যু পরাস্ত হন।—মহম্মদ মক্কা নগরকে জয় করিয়া প্রতিমা সকল ভঙ্গ করেন।—হুনাইনের যুদ্ধ।
- ৬০। প্রান্তরে যুদ্ধযাত্রা।—মহম্মদের স্ত্রীদিগের বিবাদ।—তিনি মক্কায় শেষ তীর্থ যাত্রা করেন।
- ৬১। প্রতিযোগি অধ্যক্ষগণ তাঁহার নিকটে দূত প্রেরণ করেন।—মহম্মদের মৃত্যু।

UNIVERSITY OF CHICAGO



60 495 718